

萬 有 文 庫

第 二 集 七 百 種

王 雲 五 主 編

史 繹

(十)

馬 驢 撰

商 務 印 書 館 發 行

史 釋

(十)

撰 驢 馬

書 叢 本 基 學 國

萬有文庫

第二集七百種

總編纂者
王雲五

商務印書館發行

釋史卷二十四

周禮之制六

曲禮

【禮記】曲禮曰。毋不敬。儼若思。安定辭。安民哉。敖不可長。欲不可從。志不可滿。樂不可極。賢者狎而敬之。畏而愛之。愛而知其惡。憎而知其善。積而能散。安安而能遷。臨財毋苟得。臨難毋苟免。很毋求勝。分毋求多。疑事毋質。直而勿有。若夫坐如尸。立如齊。禮從宜。使從俗。夫禮者。所以定親疏。決嫌疑。別同異。明是非也。禮不妄說。人不辭費。禮不踰節。不侵侮。不好狎。修身踐言。謂之善行。行修言道。禮之質也。禮聞取於人。不聞取人。禮聞來學。不聞往教。道德仁義。非禮不成。教訓正俗。非禮不備。分爭辨訟。非禮不決。君臣上下。父子兄弟。非禮不定。宦學事師。非禮不親。班朝治軍。莅官行法。非禮威嚴不行。禱祠祭祀。供給鬼神。非禮不誠。不莊。是以君子恭敬撝節。退讓以明禮。鸚鵡能言。不離飛鳥。猩猩能言。不離禽獸。今人而無禮。雖能言。不亦禽獸之心乎。夫惟禽獸無禮。故父子聚麀。是故聖人作爲禮以教人。使人以有禮。知自別於禽獸。太上貴德。其次務施報。禮尚往來。往而不來。非禮也。來而不往。亦非禮也。人有禮則安。無禮則危。故曰禮者不可不學也。夫禮者。自卑而尊人。雖負販者。必有尊也。而況富貴乎。富貴而知好禮。則

不驕不淫。貧賤而知好禮。則志不懼。博聞強識而讓。敦善行而不怠。謂之君子。君子不盡人之歡。不竭人之忠。以全交也。禮。○曲不疑在躬。不度民械。不願於大家。不營重器。事君者。量而后入。不入而后量。

凡乞假於人。為人從事者。亦然。故上無怨而下遠罪也。不窺密。不旁狎。不道舊故。不戲色。毋拔來。毋

報往。毋瀆神。毋循枉。毋測未至。士依於德。游於藝。工依於法。游於說。毋營衣服成器。毋身質言語。

○少君子有三患。未之聞。患弗得聞也。既聞之。患弗得學也。既學之。患弗得行也。君子有五恥。居其位。

無其言。君子恥之。有其言。無其行。君子恥之。既得之。而又失之。君子恥之。地有餘而民不足。君子恥之。衆

寡均而倍焉。君子恥之。○雜四郊多壘。此卿大夫之辱也。地廣大荒而不治。此亦士之辱也。為人臣

之禮。不顯諫。三諫而不聽。則逃之。子之事親也。三諫而不聽。則號泣而隨之。君有疾。飲藥。臣先嘗之。親有

疾。飲藥。子先嘗之。醫不三世。不服其藥。○曲為人臣下者。有諫而無訕。有亡而無疾。訟而無鬪。諫而無

驕。急則張而相之。廢則墀而更之。謂之社稷之役。○少內亂不與焉。外患弗辟焉。○雜君子曰。謀人

之軍。師敗則死之。謀人之邦。邑危則亡之。國亡大縣邑。公卿大夫士。皆厭冠哭於太廟。三日。君不舉。或

曰。君舉而哭於后土。軍有憂。則素服哭於庫門之外。赴車不載囊韞。○檀大夫士出入君門。由闈右。

不踐闈。○曲君入門。介拂闈。大夫中楨與闈之間。士介拂楨。賓人不中門。不履闈。公事自闈西。私事自

闈東。○玉凡為君使者。已受命。君言不宿於家。君言至。則主人出拜。君命之辱。使者歸。則必拜送於門。

外若使人於君所則必朝服而命之使者反則必下堂而受命 振書端書於君前有誅倒筴側龜於君前有誅龜筴几杖席蓋重素袵絺綌不入公門苞屨扱衽厭冠不入公門書方衰凶器不以告不入公門君子行禮不求變俗祭祀之禮居喪之服哭泣之位皆如其國之故謹修其法而審行之去國三世爵祿有列於朝出入有詔於國若兄弟宗族猶存則反告於宗後去國三世爵祿無列於朝出入無詔於國唯與之日從新國之法 大夫士去國踰竟爲壇位鄉國而哭素衣素裳素冠徹緣鞮屨素箠乘髦馬不蚤鬻不祭食不說人以無罪婦人不當御三月而復服 大夫私行出疆必請反必有獻士私行出疆必請反必告君勞之則拜問其行拜而后對 國君去其國止之曰奈何去社稷也大夫曰奈何去宗廟也士曰奈何去墳墓也國君死社稷大夫死衆士死制 君天下曰天子朝諸侯分職受政任功曰予一人踐阼臨祭祀內事曰孝王某外事曰嗣王某臨諸侯眡於鬼神曰有天王某甫崩曰天王崩復曰天子復矣告喪曰天王登假措之廟立之主曰帝天子未除喪曰予小子生名之死亦名之 天子建天官先六大曰大宰大宗大史大祝大士大卜典司六典天子之五官曰司徒司馬司空司士司寇典司五衆天子之六府曰司土司木司水司草司器司貨典司六職天子之六工曰土工金工石工木工獸工草工典制六材五官致貢曰享五官之長曰伯是職方其擯於天子也曰天子之吏天子同姓謂之伯父異姓謂之伯舅自稱於諸侯曰天子之老於外曰公於其國曰君九州之長入天子之國曰牧天子同姓謂之叔父

異姓謂之叔舅。於外曰侯。於其國曰君。其在東夷北狄西戎南蠻雖大曰子。於內自稱曰不穀。於外自稱曰王老。庶方小侯。入天子之國曰某人。於外曰子。自稱曰孤。諸侯見天子曰臣某侯某。其與民言自稱曰寡人。其在凶服曰適子孤。臨祭祀內事曰孝子某侯某。外事曰曾孫某侯某。死曰薨。復曰某甫復矣。既葬見天子曰類。見言諡曰類。○曲禮 凡自稱天子曰予一人。伯曰天子之力臣。諸侯之於天子曰某土之守臣某。其在邊邑曰某屏之臣某。其於敵以下曰寡人。小國之君曰孤。擯者亦曰孤。○玉藻 國君不名卿老世婦。大夫不名世臣姪娣。士不名家相長妾。君大夫之子不敢自稱曰余小子。大夫士之子不敢自稱曰嗣子某。不敢與世子同名。天子不言出。諸侯不生名。君子不親惡。諸侯失地名。滅同姓名。○曲禮 天子存二代之後猶尊賢也。尊賢不過二代。諸侯不臣寓公。故古者寓公不繼世。君之南鄉答陽之義也。臣之北面答君也。大夫之臣不稽首。非尊家臣以辟君也。○郊特牲 父前子名。君前臣名。○曲禮 請見不請退。朝廷曰退。燕遊曰歸。師役曰罷。○少儀 贊大行曰圭。公九寸。侯伯七寸。子男五寸。博三寸。厚半寸。刻上左右各寸半。玉也。藻二采六等。○雜記 天子搢珽。方正於天下也。諸侯茶前。詘後。直讓於天子也。大夫前。詘後。無所不讓也。笏。天子以球玉。諸侯以象。大夫以魚須文竹。士竹。本象可也。見于天子與射。無說笏。入大廟說笏。非禮也。小功不說笏。當事免則說之。既搢必盥。雖有執於朝。弗有盥矣。凡有指畫于君前。用笏。造受命於君前。則書于笏。笏畢用也。因飾焉。笏度二尺有六寸。其中博三寸。其殺六分而去一。

天子玉藻十有二旒。前後遂延。龍卷以祭。玄端而朝。日於東門之外。聽朔於南門之外。閏月則闔門左扉。立于其中。皮弁以日視朝。遂以食。日中而餽。奏而食。日少牢。朔月大牢。五飲。上水漿。酒醴。醢卒食。玄端而居。動則左史書之。言則右史書之。御警幾聲之。上下年不順成。則天子素服。乘素車。食無樂。諸侯玄端以祭。裨冕以朝。皮弁以聽朔於大廟。朝服以日視朝于內朝。朝辨色始入。君日出而視之。退適路寢聽政。使人視大夫。大夫退。然後適小寢。釋服。又朝服以食。特性三俎祭肺。夕深衣。祭牢肉。朔月少牢。五俎四簋。子卯稷食菜羹。夫人與君同庖。君無故不殺牛。大夫無故不殺羊。士無故不殺犬豕。君子遠庖廚。凡有血氣之類。弗身踐也。至于八月不雨。君不舉。年不順成。君衣布摺本。關梁不租。山澤列而不賦。土功不興。大夫不得造車馬。○玉諸侯無故不殺牛。大夫無故不殺羊。士無故不殺犬豕。庶人無故不食珍。○玉歲凶。年穀不登。君膳不祭肺。馬不食穀。馳道不除。祭事不縣。大夫不食梁。士飲酒不樂。○曲國家靡敝。則車不雕幾。甲不組膝。食器不刻鏤。君子不履絲屨。馬不常秣。○少古者深衣。蓋有制度。以應規矩繩權衡。短無見膚。長毋被土。續紆鈎邊。要縫半下。褶之高下。可以運肘。袂之長短。反詘之及肘。帶下毋厭髀。上毋厭脅。當無骨者。制十有二幅。以應十有二月。袂圓以應規。曲袷如矩。以應方。負繩及踝。以應直。下齊如權衡。以應平。故規者行舉手以爲容。負繩抱方者。以直其正。方其義也。故易曰。坤六二之動。直以方也。下齊如權衡者。以安志而平心也。五法已施。故聖人服之。故規矩取其無私。繩取其直。權衡取其平。故

先王貴之故可以為文。可以為武。可以擗相。可以治軍旅。完且弗費。善衣之次也。具父母大父母衣。純以續。具父母衣。純以青。如孤子衣。純以素。純袂緣。純邊。廣各寸半。○深衣朝玄端。夕深衣。深衣三祛。縫齊倍。

要。衽當旁。袂可以運肘。長中繼揜尺。袷二寸。祛尺二寸。緣廣寸半。以帛裏布。非禮也。士不衣織。無君者不。

武采衣。正色裳。閒色。非列采。不入公門。振絺綌。不入公門。表裘不入公門。襲裘不入公門。續為繭。緇為袍。禪為絢。帛為褶。唯君有黼裘。以誓省。大裘非古也。君衣狐白裘。錦衣以裼之。君之右虎裘。厥左狼裘。

士不衣狐白。君子狐青裘。豹裘。玄緇衣以裼之。麇裘。青犴裘。絞衣以裼之。羔裘。豹飾。緇衣以裼之。狐裘。黃

衣以裼之。錦衣。狐裘。諸侯之服也。犬羊之裘不裼。不文飾也。不裼裘之裼也。見美也。弔則襲。不盡飾也。君

在則裼。盡飾也。服之襲也。充美也。是故尸襲。執玉龜襲。無事則裼。弗敢充也。禮不盛服不充。故大裘不

裼。乘路車不式。天子素帶。朱裏。終辟。而諸侯素帶。終辟。大夫素帶。辟垂。士練帶。率下辟。居士錦帶。弟子

縞帶。并紐約。用組。三寸。長齊于帶。紳。長制。士三尺。有司二尺。有五寸。大夫大帶四寸。雜帶。君赤綠。大夫

玄華。士緇。辟二寸。再繚四寸。凡帶有率。無箴功。肆束及帶。勤者有事則收之。走則擁之。鞞。君朱。大夫素。

士爵韋。圓殺直。天子直。諸侯前後方。大夫前方後挫角。士前後正。鞞下廣二尺。上廣一尺。長三尺。其頸五

寸。肩革帶。博二寸。一命。緇鞞。幽衡。再命。赤鞞。幽衡。三命。赤鞞。蔥衡。○五鞞長三尺。下廣二尺。上廣一尺。

會去上五寸。紕以爵韋六寸。不至下五寸。純以素。紕以五采。○雜王后禕衣。夫人揄狄。君命屈狄。再命

會去上五寸。紕以爵韋六寸。不至下五寸。純以素。紕以五采。○雜王后禕衣。夫人揄狄。君命屈狄。再命

禕衣。一命檀衣。士緣衣。唯世婦命於奠。齋其他則皆從男子。童子之節也。緇布衣。錦緣。錦紳。并紐。錦束髮。皆赤錦也。童子不裘。不帛。不履絢。無總服。聽事不麻。無事則立主人之北。南面。見先生。從人而入。○玉

衣服在躬而不知其名。爲罔。○少

儀

古之君子必佩玉。右徵角。左宮羽。趨以采。齊行以肆。夏周還中規。

折還中矩。進則揖之。退則揚之。然後玉鏘鳴也。故君子在車則聞鸞和之聲。行則鳴佩玉。是以非辟之心。無自入也。君在不佩玉。左結佩。右設佩。居則設佩。朝則結佩。齊則結佩。而爵。凡帶必有佩玉。唯喪否。佩玉有衝牙。君子無故玉不去身。君子於玉比德焉。天子佩白玉而玄組綬。公侯佩山玄玉而朱組綬。大夫佩水蒼玉而純組綬。世子佩瑜玉而綦組綬。士佩璫玦而緼組綬。○玉

不徹縣。士無故不徹琴瑟。○曲

禮

君子之居。恒當戶。寢恒東首。若有疾風。迅雷甚雨。則必變。雖夜必興。衣

服冠而坐。日五盥。沐稷而饋。梁櫛用櫛。櫛髮晞用象櫛。進襪進羞。工乃升歌。浴用二巾。上絺。下綌。出扞履。蒯席。連用湯。履蒲席。衣布。晞身。乃履。進飲。將適公所。宿齋戒。居外寢。沐浴。史進象笏。書思對命。既服。習容。觀玉聲。乃出。揖私朝。輝如也。登車。則有光矣。君與尸行。接武。大夫繼武。士中武。徐趨皆用是。疾趨則欲發。而手足毋移。圈豚行。不舉足。齊如流。席上亦然。端行。頤雷如矢。弁行。剌剌起履。執龜玉。舉前曳踵。踏踏如也。凡行。容惕。惕。廟中齊。齊。朝廷濟濟。翔翔。君子之容。舒遲。見所尊者。齊慤。足容重。手容恭。目容端。口容止。聲容靜。頭容直。氣容肅。立容德。色容莊。坐如尸。燕居告溫溫。凡祭。容貌顏色如見所祭者。喪容纍纍。

色容顛顛。視容瞿瞿。梅梅言容。繭繭戎容。暨暨言容。諮諮色容。厲肅視容。清明立容。辨卑毋調。頭顛必中。山立時行。盛氣顛顛。實揚休玉色。○玉藻天子穆穆。諸侯皇皇。大夫濟濟。士踴踴。庶人僬僬。○曲禮言語之美。穆穆皇皇。朝廷之美。濟濟翔翔。祭祀之美。齊齊皇皇。車馬之美。匪匪翼翼。鸞和之美。肅肅雍雍。賓客主恭。祭祀主敬。喪事主哀。會同主詡。軍旅思險。隱情以虞。○少儀喪事欲其縱縱爾。吉事欲其折折爾。故喪事雖遽。不陵節。吉事雖止。不怠。故騷騷爾。則野。鼎鼎爾。則小人。君子蓋猶爾。○禮帷薄之外。不趨。堂上不趨。執玉不趨。堂上接武。堂下布武。室中不翔。竝坐不橫肱。授立不跪。授坐不立。○曲禮受立授立。不坐。性之直者。則有之矣。取俎進俎。不坐。執虛如執盈。入虛如有人。執玉執龜筮。不趨。堂上不趨。城上不趨。武車不式。介者不拜。○少儀介者不拜。爲其拜而褻拜。適墓不登壘。助葬必執紼。臨喪不笑。揖人必違其位。望柩不歌。入臨不翔。當食不歎。鄰有喪。春不相。里有殯。不巷歌。適墓不歌。哭日不歌。送喪不由徑。送葬不辟塗潦。臨喪則必有哀色。執紼不笑。臨樂不歎。介冑則有不可犯之色。故君子戒慎。不失色於人。公庭不言婦女。公事不私議。將適舍。求毋固。將上堂。聲必揚。戶外有二屨。言聞則入。言不聞則不入。將入戶。視必下。入戶。奉扃。視瞻毋回。戶開。亦開。戶闔。亦闔。有後入者。闔而勿遂。毋踐屨。毋踏席。振衣趨隅。必慎唯諾。離坐離立。毋往參焉。離立者。不出中閒。天子視不上於袷。不下於帶。國君綏視。大夫衡視。士視五步。凡視。上於面。則敖。下於帶。則憂。傾則姦。君命大夫。與士肆。在官言官。在府言府。在庫言

庫在朝言朝。朝言不及犬馬。輟朝而顧。不有異事。必有異慮。故輟朝而顧。君子謂之固。在朝言禮。問禮對以禮。僇人必於其倫。問天子之年。對曰。聞之。始服衣若干尺矣。問國君之年。長曰。能從宗廟社稷之事矣。幼曰。未能從宗廟社稷之事也。問大夫之子。長曰。能御矣。幼曰。未能御也。問士之子。長曰。能典謁矣。幼曰。未能典謁也。問庶人之子。長曰。能負薪矣。幼曰。未能負薪也。問國君之富。數地以對。山澤之所出。問大夫之富。曰。有宰食力。祭器衣服不假。問士之富。以車數對。問庶人之富。數畜以對。○曲問國君之子。長幼。長則曰。能從社稷之事矣。幼則曰。能御。問大夫之子。長幼。長則曰。能從樂人之事矣。幼則曰。能正於樂人。未能正於樂人。問士之子。長幼。長則曰。能耕矣。幼則曰。能負薪。未能負薪。問品味。曰。子亟食於某乎。問道藝。曰。子習於某乎。子善於某乎。○少弔喪弗能賻。不問其所費。問疾弗能遺。不問其所欲。見人弗能館。不問其所舍。賜人者不曰來取。與人者不問其所欲。貧者不以貨財爲禮。老者不以筋力爲禮。○人生十年曰幼學。二十曰弱冠。三十曰壯。有室。四十曰強。而仕。五十曰艾。服官政。六十曰耆。指使。七十曰老。而傳。八十九曰耄。七年曰悼。悼與耄。雖有罪。不加刑焉。百年曰期頤。大夫七十而致仕。若不得謝。則必賜之几杖。行役以婦人適四方。乘安車。自稱曰老夫。於其國則稱名。越國而問焉。必告之。以其制。年長以倍。則父事之。十年以長。則兄事之。五年以長。則肩隨之。羣居五人。則長者必異席。謀於長者。必操几杖以從之。長者問。不辭讓而對。非禮也。侍於君子。不願望而對。非禮也。幼子常視毋誑。童

子不衣裘裳。立必正方。不傾聽。長者與之提攜。則兩手奉長者之手。負劍辟咄。詔之。則掩口而對。從於先生。不越路而與人言。遭先生於道。趨而進。正立拱手。先生與之言。則對。不與之言。則趨而退。從長者而上。丘陵。則必鄉長者所視。登城。不指。城上不呼。侍坐於先生。先生問焉。終則對。請業。則起。請益。則起。父召無諾。先生召無諾。唯而起。侍坐於君子。君子問更端。則起而對。侍坐於君子。若有告者。曰。少閒。願有復也。則左右屏而待。毋側聽。毋噉應。毋淫視。毋怠荒。遊毋倨。立毋跛。坐毋箕。寢毋伏。斂髮毋髻。冠毋免。勞毋袒。暑毋褰裳。先生書策琴瑟在前。坐而遷之。戒勿越。虛坐盡後。食坐盡前。坐必安。執爾顏。長者不及。毋僂言。正爾容。聽必恭。毋勦說。毋雷同。必則古昔。稱先王。禮曲 尊長於己。踰等。不敢問其年。燕見。不將命。遇於道。見則面。不請所之。喪俟事。不植弔。侍坐。弗使。不持琴瑟。不畫地。手無容。不褻也。寢則坐。而將命。侍射。則約矢。侍投。則擁矢。勝則洗。而以請。客亦如之。不角。不擢馬。禮少 侍坐於長者。屨不上於堂。解屨不敢當階。就屨。跪而舉之。屏於側。鄉長者而屨。跪而遷屨。俯而納屨。凡爲長者。糞之禮。必加帶于箕上。以袂拘而退。其塵不及長者。以箕自鄉而扱之。奉席如橋衡。請席。何鄉。請衽。何趾。席南鄉。北鄉。以西方爲上。東鄉。西鄉。以南方爲上。禮曲 汜埽曰埽。埽席前曰拊。拊席不以鬣。執箕膺搗。禮少 侍坐於所尊敬。無餘席。見同等。不起。燭至。起。食至。起。上客起。燭不見跋。尊客之前。不吐狗。讓食不唾。禮曲 侍食於先生。異爵者。後祭。先飯。客祭。主人辭。曰。不足祭也。客飧。主人辭。以疏。主人自置其醬。則客自徹之。一室之人。非

賓客一人徹。豈食之人一人徹。凡燕食。婦人不徹。食棗桃李。弗致于核。瓜祭上環。食中棄所操。凡食果實者。後君子。火執者先君子。凡侑食不盡。食於人不飽。唯水漿不祭。若祭爲已。俵卑。○玉侍食於長者。主人親饋。則拜而食。主人不親饋。則不拜而食。共食不飽。共飯不澤手。毋搏飯。毋放飯。毋流歎。毋咤食。毋齧骨。毋反魚肉。毋投與狗骨。毋固獲。毋揚飯。飯黍毋以箸。毋嚙羹。毋絮羹。毋刺齒。毋歎醢。客絮羹。主人辭不能亨。客歎醢。主人辭以饗。濡肉齒決。乾肉不齒決。毋嘍炙。卒食。客自前。跪徹飯齊。以授相者。主人與辭於客。然後客坐。侍飲於長者。酒進則起。拜受於尊所。長者辭。少者反席而飲。長者舉未酬。少者不敢飲。長者賜。少者賤者不敢辭。賜果於君前。其有核者。懷其核。御食於君。君賜餘。器之既者不寫。其餘皆寫。御同於長者。雖貳不辭。偶坐不辭。羹之有菜者用挾。其無菜者不用挾。○曲燕侍食於君子。則先飯而後已。毋放飯。毋流歎。小飯而亟之。數噍毋爲口客。客自徹辭焉。則止。羞濡魚者進尾。冬右腴。夏右鱠。祭臠。凡齊。執之以右。居之於左。贊幣自左。詔辭自右。酌尸之僕。如君之僕。其在車。則左執轡。右受爵。祭左右軌。范乃飲。凡羞有俎者。則於俎肉祭。君子不食園腴。小子走而不趨。舉爵則坐。祭立飲。凡洗必盥。牛羊之肺。離而不提心。凡羞有涪者。不以齊爲君子。擇蔥薤。則絕其本末。羞首者進喙。祭耳。尊者以酌者之左爲上尊。尊壺者面其鼻。飲酒者。禡者。醮者。有折俎不坐。未步爵。不嘗羞。其有折俎者。取祭反之。不坐。燔亦如之。尸則坐。其未有燭而後至者。則以在者告。道警亦然。凡飲酒。爲獻主者。執燭抱燭。客作

而辭。然後以授人。執燭不讓。不辭不歌。洗盥執食。飲者勿氣。有問焉。則辟咄而對。○少 凡進食之禮。

左殺右載。食居人之左。羹居人之右。膾炙處外。醢醬處內。蔥蒜處末。酒漿處右。以脯脩置者。左胸右末。客

若降等。執食與辭。主人興辭於客。然後客坐。主人延客祭。祭食祭所先。進殺之序。徧祭之。三飯。主人延客

食。載然後辯殺。主人未辯。客不虛口。○曲 飯黍稷稻粱白黍黃黍稻樵。膳。臠。臠。醢。牛炙。醢。牛載。醢。

牛膾。羊炙。羊載。醢。豕炙。醢。豕載。芥醬。魚膾。雉。兔。鶉。鷄。飲。重醴。稻醴。清糟。黍醴。清糟。粱醴。清糟。或以醢爲

醴。黍醢漿。水醢。酒清。白。羞。糗。餌。粉。醢。食。蝸。醢。而苾食。雉羹。麥食。肺羹。雞羹。折稌。犬羹。兔羹。和。糝。不

蓼。濡豚。包苦。實蓼。濡雞。醢醬。實蓼。濡魚。卵醬。實蓼。濡鼈。醢醬。實蓼。股脩。蜺醢。脯羹。兔醢。麋膚。魚醢。魚膾。芥

醬。麋腥。醢醬。桃諸。梅諸。卵鹽。凡食。齊。視。春時。羹。齊。視。夏時。醬。齊。視。秋時。飲。齊。視。冬時。凡和。春多酸。夏多

苦。秋多辛。冬多醢。調以滑甘。牛宜稌。羊宜黍。豕宜稷。犬宜粱。鴈宜麥。魚宜苽。春宜羔豚。膳膏薺。夏宜

臠。臠。膳膏臠。秋宜犢膾。膳膏腥。冬宜鮮羽。膳膏膻。牛脩。鹿脯。田豕脯。麋脯。麇脯。鹿田豕。麇。皆有軒。雉

兔。皆有芼。爵。鷄。蜩。范。芝。栭。藎。椘。棗。栗。榛。柿。瓜。桃。李。梅。杏。楂。梨。薑。桂。大夫燕食。有膾。無脯。有脯。無膾。士不

貳羹。載。庶人者。老不徒食。膾。春用蔥。秋用芥。豚。春用韭。秋用蓼。脂用蔥。膏用醢。三牲用藪。和用醢。獸用

梅。鶉羹。雞羹。鴛。釀之。蓼。魴。鱖。蒸。雞。燒。雉。薺。無蓼。不食。雞。鼈。狼去腸。狗去腎。狸去正脊。兔去尻。狐去首。豚

去腦。魚去乙。鼈去醜。肉曰脫之。魚曰作之。棗曰新之。栗曰撰之。桃曰膽之。粗梨曰攢之。牛夜鳴則臄。

羊冷毛而毳。羶狗赤股而躁。臊鳥鵠色而沙。鳴鬱豕望視而交睫。腥馬黑脊而般臂。漏雖尾不盈握。弗食
 舒鴈翠。鵠鵝胖。舒鳧翠。雞肝。鴈腎。鵝與鹿胃。肉腥細者爲膾。大者爲軒。或曰麋鹿魚爲菹。麋爲辟。雞野
 豕爲軒。兔爲宛脾。切蔥若薤。實諸醢以柔之。羹食。自諸侯以下。至於庶人。無等。大夫無秩膳。大夫七十
 而有關。天子之閣。左達五。右達五。公侯伯於房中。五。大夫於閣。三。士於坵。一。淳熬。煎醢加於陸稻上。沃
 之以膏。曰淳熬。淳母。煎醢加于黍食上。沃之以膏。曰淳母。炮。取豚若將。剗之。剗之。實棗於其腹中。編
 萑以組之。塗之以謹塗。炮之。塗皆乾。擊之。溜手以摩之。去其皴。爲稻粉。糝溲之。以爲醢。以付豚。煎諸膏。膏
 必滅之。鉅鑊湯。以小鼎。薺肺於其中。使其湯毋滅鼎。三日三夜。毋絕火。而后調之。以醢醢。擣珍。取牛羊
 麋鹿麇之肉。必胾。每物與牛若一。捶反側之。去其餌。執出之。去其皴。柔其肉。漬。取牛肉。必新殺者。薄切
 之。必絕其理。湛諸美酒。期朝而食之。以醢若醢醢。爲熬。捶之。去其皴。編萑布牛肉焉。屑桂與薑。以灑諸
 上。而鹽之。乾而食之。施羊亦如之。施麋。施鹿。施麇。皆如牛羊。欲濡肉。則釋而煎之。以醢。欲乾肉。則捶而食
 之。肝管。取狗肝一。轅之。以其管濡炙之。舉焦。其管不參。糝。取牛羊豕之肉。三如一小切之。與稻米。稻
 米二肉一。合以爲餌。煎之。取稻米。舉糝溲之。小切狼臠膏。以與稻米爲醢。○內牛與羊魚之腥。而切
 之。爲膾。麋鹿爲菹。野豕爲軒。皆聶而不切。麇爲辟。雞兔爲宛脾。皆聶用切之。切蔥若薤。實之。醢以柔之。
○少爲天子削瓜者副之。巾以絺。爲國君者華之。巾以綌。爲大夫累之。士寘之。庶人齧之。○曲君將

適他臣如致金玉貨貝於君則曰致馬資於有司敵者曰贈從者。○少士有獻於國君他日君問之曰

安取彼再拜稽首而后對。○曲大夫有獻弗親君有賜不面拜爲君之答己也。○郊特牲有慶非君賜不

賀君賜車馬乘以拜賜衣服服以拜賜君未有命弗敢卽乘服也君賜稽首據掌致諸地酒肉之賜弗

再拜凡賜君子與小人不同日凡獻于君大夫使宰士親皆再拜稽首送之膳於君有葷桃菊於大

夫去菹於士去葷皆造於膳宰大夫不親拜爲君之答己也大夫拜賜而退士待諾而退又拜弗答拜大

夫親賜士士拜受又拜於其室衣服弗服以拜敵者不在拜於其室凡於尊者有獻而弗敢以聞。○玉藻

水潦降不獻魚鼈獻鳥者佛其首畜鳥者則勿佛也獻車馬者執策綏獻甲者執冑獻杖者執末獻民虜

者操右袂獻粟者執右契獻米者操量鼓獻熟食者操醬齊獻田宅者操書致凡遣人弓者張弓尙筋弛

弓尙角右手執簫左手承弣尊卑垂帨若主人拜則客還辟辟拜主人自受由客之左接下承弣鄉與客

竝然後受進劍者左首進戈者前其鐔後其刃進矛戟者前其鏃進几杖者拂之效馬效羊者右牽之效

犬者左牽之執禽者左首飾羔鴈者以纘受珠玉者以掬受弓劍者以袂飲玉爵者弗揮凡以弓劍苞苴

簞筥問人者操以受命如使之容。○曲其以乘壺酒束脩一犬賜人若獻人則陳酒執脩以將命亦曰

乘壺酒束脩一犬其以鼎肉則執以將命其禽加於一雙則執一雙以將命委其餘犬則執縹守犬田犬

則授檟者既受乃問犬名牛則執紉馬則執勒皆右之臣則左之車則說綏執以將命甲若有以前之則

執以將命。無以前之則袒。纓奉冑器則執蓋。弓則以左手屈。韜執拊。劍則啓櫝。蓋襲之。加夫。襖與劍焉。笏。書。脩。苞。直。弓。齒。席。枕。几。穎。杖。琴。瑟。戈。有。刃。者。櫝。箛。籥。其。執。之。皆。尚。左。手。刀。卻。刃。授。穎。削。授。拊。凡。有。刺。刃。者。以。授。人。則。辟。刃。○少 未仕者不稅人。如稅人。則以父兄之命。○禮 士於大夫。不承賀。下大夫於上大

夫。承賀。○玉 君車將駕。則僕執策。立於馬前。已駕。僕展軻。效駕。奮衣。由右上。取貳綏。跪乘。執策。分轡。驅

之。五步而立。君出就車。則僕并轡。授綏。左右攘辟。驅車而騶。至于大門。君撫僕之手。而顧命。車右就車門

闔。溝渠必步。凡僕人之禮。必授人綏。若僕者降等。則受不然。則否。若僕者降等。則撫僕之手。不然。則自

下。拘之。客車不入大門。婦人不立乘。犬馬不上於堂。故君子式黃髮。下卿位。入國不馳。入里必式。君命召

雖賤人。大夫士必自御之。祥車曠左。乘君之乘車。不敢曠左。左必式。僕御婦人。則進左手。後右手。御國

君。則進右手。後左手。而俯。國君不乘奇車。車上不廣。效。不妄指。立視五嶽。式視馬尾。顧不過轂。國中。以策

彗。卹勿驅塵。不出軌。國君下齊牛。式宗廟。大夫士下公門。式路馬。乘路馬。必朝服。載鞭策。不敢授綏。左必

式。步路馬。必中道。以足蹙路馬。芻。有誅。齒路馬。有誅。○曲 路馬死。埋之以帷。○禮 執君之乘車。則坐

僕者。右帶劍。負良綏。申之面。拖諸辟。以散綏。升執轡。然後步。僕於君子。君子升下。則授綏。始乘。則式。君

子下行。然後還立。乘貳車。則式。佐車。則否。貳車者。諸侯七乘。上大夫五乘。下大夫三乘。有貳車者。之乘。馬

服車不齒。觀君子之衣服。服劍乘馬。弗賈。乘兵車。出先刃。入後刃。軍尙左。卒尙右。○少 君羔。辟。虎。植。

大夫齊車鹿辟豹植朝車士齊車鹿辟豹植。○五 國君撫式大夫下之大夫撫式士下之禮不下庶人

刑不上大夫刑人不在君側 兵車不式武車綏旌德車結旌 史載筆士載言前有水則載青旌前有

塵埃則載鳴鳶前有車騎則載飛鴻前有士師則載虎皮前有擊獸則載貔貅行前朱鳥而後玄武左青

龍而右白虎招搖在上急繕其怒進退有度左右有局各司其局 外事以剛日內事以柔日凡卜筮日

旬之外曰遠某日旬之內曰近某日喪爭先遠日吉事先近日曰爲日假爾泰龜有常假爾泰筮有常卜

筮不過三卜筮不相襲龜爲卜筮爲筮卜筮者先聖王之所以使民信時日敬鬼神畏法令也所以使民

決嫌疑定猶與也故曰疑而筮之則弗非也日而行事則必踐之。○曲 卜人定龜史定墨君定體。○玉

不貳問問卜筮曰義與志與義則可問志則否。○少 昔者聖人建陰陽天地之情立以爲易易抱龜

南面天子卷冕北面雖有明知之心必進斷其志焉示不敢專以尊天也善則稱人過則稱己教不伐以

尊賢也。○祭 天子諸侯無事則歲三田一爲乾豆二爲賓客三爲充君之庖無事而不田曰不敬田不

以禮曰暴天物天子不合圍諸侯不掩羣天子殺則下大綏諸侯殺則下小綏大夫殺則止佐車佐車止

則百姓田獵獮祭魚然後虞人入澤梁豺祭獸然後田獵鳩化爲鷹然後設罝羅草木零落然後入山林

昆蟲未蟄不以火田不麝不卵不殺胎不斃天不覆巢。○王 國君春田不圍澤大夫不掩羣士不取麝

卵。○曲

【禮記】后王命冢宰降德於衆兆民。子事父母。雞初鳴。咸盥漱。櫛縱笄。總拂髦。冠綏纓。端鞞紳。搢笏。左右佩用。左佩紛帨。刀礪。小觶。金燧。右佩玦。捍管。遺大觶。木燧。偪屨。著綦。婦事舅姑。如事父母。雞初鳴。咸盥漱。櫛縱笄。總拂髦。左佩紛帨。刀礪。小觶。金燧。右佩箴。管線。續施。繫裘。大觶。木燧。衿纓。綦屨。以適父母舅姑之所。及所下。氣怡聲。問衣煖寒。疾痛苛癢。而敬抑搔之。出入則或先或後。而敬扶持之。進盥。少者奉槃。長者奉水。請沃盥。盥卒。授巾。問所欲而敬進之。柔色以溫之。饘醢酒醴。芼羹。菽麥。蕡稻。粱秫。唯所欲。棗栗飴蜜。以甘之。葷。荳。粉。榆。免。麩。滷。以滑之。脂膏。以膏之。父母舅姑必嘗之。而後退。男女未冠笄者。雞初鳴。咸盥漱。櫛縱拂髦。總角衿纓。皆佩容臭。味爽而朝。問何食飲矣。若已食。則退。若未食。則佐長者視具。凡內外雞初鳴。咸盥漱衣服。斂枕簟。灑埽室堂及庭。布席。各從其事。孺子蚤寢晏起。唯所欲食。無時。由命士以上。父子皆異宮。昧爽而朝。慈以旨甘。日出而退。各從其事。日入而夕。慈以旨甘。父母舅姑將坐。奉席請何鄉。將枉長者奉席。請何趾。少者執牀與坐。御者舉几。斂席與簟。縣衾篋枕。斂簾而覆之。父母舅姑之衣。衾簟席枕几。不傳杖屨。祇敬之。勿敢近。敦牟卮匱。非餽莫救用。與恒食飲。非餽莫之敢飲食。父母在朝。夕恒食。子婦佐餽。既食。恒餽。父沒母存。冢子御食。羣子婦佐餽。如初。旨甘柔滑。孺子餽。在父母舅姑之所有命之。應唯敬對。進退周旋。慎齊。升降出入。揖遊。不敢噦噫。嚏咳。欠伸。跛倚。睥視。不敢唾洩。寒不敢襲。

撥不敢搔。不有敬事。不敢袒裼。不涉不蹶。褻衣衾不見裏。父母唾洩不見。冠帶垢。和灰請漱。衣裳垢。和灰請澣。衣裳綻裂。紉箴請補綴。五日則燂湯請浴。三日具沐。其間面垢。燂潘請澣。足垢。燂湯請洗。少事長。曠事貴。共帥時。○內凡爲人子之禮。冬溫而夏清。昏定而晨省。在醜夷不爭。夫爲人子者。三賜不車馬。故

州閭鄉黨稱其孝也。兄弟親戚稱其慈也。僚友稱其弟也。執友稱其仁也。交遊稱其信也。見父之執。不謂之進。不敢進。不謂之退。不敢退。不問。不敢對。此孝子之行也。夫爲人子者。出必告。反必面。所遊必有常。

所習必有業。恒言不稱老。爲人子者。居不主奧。坐不中席。行不中道。立不中門。食饗不爲概。祭祀不爲

尸。聽於無聲。視於無形。不登高。不臨深。不苟訾。不苟笑。孝子不服闔。不登危。懼辱親也。父母存。不許友以

死。不有私財。爲人子者。父母存。冠衣不純素。孤子當室。冠衣不純采。○曲親在。行禮於人。稱父。人或

賜之。則稱父拜之。父命呼。唯而不諾。手執業。則投之。食在口。則吐之。走而不趨。親老。出不易方。復不過

時。親濟。色容不盛。此孝子之疏節也。父沒而不能讀父之書。手澤存焉爾。母沒而杯圈不能飲焉。口澤之

氣存焉爾。○玉世子之記曰。朝夕至於大寢之門外。問於內豎曰。今日安否。何如。內豎曰。今日安。世子

乃有喜色。其有不安節。則內豎以告世子。世子色憂不滿容。內豎言復初。然後亦復初。朝夕之食上。世子

必在。視寒煖之節。食下。問所膳。羞必知所進。以命膳宰。然後退。若內豎言疾。則世子親齊玄而養。膳宰之

饌。必敬視之。疾之藥。必親嘗之。嘗饌善。則世子亦能食。嘗饌寡。世子亦不能飽。以至于復初。然後亦復初。

○文王世子。

父母有疾冠者不櫛行不翔言不惰琴瑟不御食肉不至變味飲酒不至變貌笑不至矧怒不至

姑之命勿逆勿怠若飲食之雖不著必嘗而待加之衣服雖不欲必服而待加之事人代之己雖弗欲姑

與之而姑使之而後復之子婦有勤勞之事雖甚愛之姑縱之而寧數休之子婦未孝未敬勿庸疾怨姑

教之若不可教而後怒之不可怒子放婦出而不表禮焉父母有過下氣怡色柔聲以諫諫若不入起敬

起孝說則復諫不說與其得罪於鄉黨州閭寧執諫父母怒不說而撻之流血不敢疾怨起敬起孝父

母有婢子若庶子庶孫甚愛之雖父母沒沒身敬之不衰子有二妾父母愛一人焉子愛一人焉由衣服

飲食由執事毋敢視父母所愛雖父母沒不衰子甚宜其妻父母不說出子不宜其妻父母曰是善事我

子行夫婦之禮焉沒身不衰○內父之讎弗與共戴天兄弟之讎不反兵交遊之讎不同國○曲父

母雖沒將爲善思貽父母令名必果將爲不善思貽父母羞辱必不果舅沒則姑老家婦所祭祀賓客每

事必請於姑介婦請於冢婦舅姑使冢婦毋怠不友無禮於介婦舅姑若使介婦毋敢敵耦於冢婦不敢

竝行不敢竝命不敢竝坐凡婦不命適私室不敢退婦將有事大小必請於舅姑子婦無私貨無私畜無

私器不敢私假不敢私與婦或賜之飲食衣服布帛佩帨菹蘭則受而獻諸舅姑舅姑受之則喜如新受

賜若反賜之則辭不得命如更受賜藏以待乏婦若有私親兄弟將與之則必復請其故賜而后與之

適子庶子。祇事宗子宗婦。雖富貴。不敢以富貴入宗子之家。雖乘車徒舍於外。以寡約入。子弟猶歸器衣服。裘衾車馬。則必獻其上。而後敢服用其次也。若非所獻。則不敢以入於宗子之門。不敢以富貴加於父兄宗族。若富則具三牲。獻其賢者於宗子。夫婦皆齊而宗敬焉。終事而后敢私祭。則內夫晝居於內。問其疾可也。夜居於外。弔之可也。是故君子非有大故。不宿於外。非致齊也。非疾也。不晝夜居於內。禮男不言內。女不言外。非祭非喪。不相授器。其相授。則女受以篚。其無篚。則皆坐奠之。而后取之。外內不共井。不共溷浴。不通寢席。不通乞假。男女不通衣裳。內言不出。外言不入。男子入內。不嘯。不指。夜行以燭。無燭則止。女子出門。必擁蔽其面。夜行以燭。無燭則止。道路。男子由右。女子由左。則內男女不雜坐。不同櫛。不同巾櫛。不親授。嫂叔不通問。諸母不漱裳。外言不入於梱。內言不出於梱。女子許嫁。纓非有大故。不入其門。姑姊妹女子子已嫁而反。兄弟弗與同席而坐。弗與同器而食。父子不同席。寡婦之子。非有見焉。弗與爲友。禮。曲禮始謹於夫婦。爲宮室。辨外內。男子居外。女子居內。深宮固門。闔寺守之。男不入女不出。男女不同櫛。不敢縣於夫之櫛。不敢藏於夫之篋。不敢共溷浴。夫不在。斂枕篋。簟席。襦器而藏之。少事長。賤事貴。咸如之。夫婦之禮。唯及七十同藏無間。故妾雖老年。未滿五十。必與五日之御。將御者。齊漱澣。慎衣服。櫛縱筓。總角拂髦。衿纓綦屨。雖婢妾。衣服飲食。必後長者。妻不在。妾御莫敢當夕。妻將生子。及月辰。居側室。夫使人日再問之。作而自問之。妻不敢見。使姆衣服而對。至于子生。夫復使人

日再問之。夫齊則不入側室之門。子生。男子設弧于門左。女子設帨于門右。三日始負子。男射女否。國君世子生。告于君。接以大牢。宰掌具。三日卜士負之。吉者宿齊朝服。寢門外。詩負之。射人以桑弧蓬矢六射。天地四方。保受乃負之。宰醴負子。賜之束帛。卜士之妻。大夫之妾。使食子。凡接子。擇日。冢子以大牢。庶人特豚。士特豕。大夫少牢。國君世子大牢。其非冢子。則皆降一等。異爲孺子室於宮中。擇於諸母與可者。必求其寬裕慈惠。溫良恭敬。慎而寡言者。使爲子師。其次爲慈母。其次爲保母。皆居子室。他人無事不往。三月之末。擇日。翦髮爲髻。男角女羈。否則男左女右。是日也。妻以子見於父。貴人則爲衣服。由命士以下。皆漱澣。男女夙興。沐浴衣服。具視朔食。夫入門。升自阼階。立于阼。西鄉。妻抱子。出自房。當楣立。東面。姆先相曰。毋某。敢用時日。祇見孺子。夫對曰。欽有帥。父執子之右手。咳而名之。妻對曰。記有成。遂左還。授師子。師辯告諸婦。諸母名。妻遂適寢。夫告宰名。宰辯告諸男名。書曰。某年某月某日某生。而藏之。宰告閭史。閭史書爲二。其一藏諸閭府。其一獻諸州史。州史獻諸州伯。州伯命藏諸州府。夫入食。如養禮。世子生。則君沐浴朝服。夫人亦如之。皆立于阼階。西鄉。世婦抱子。升自西階。君名之。乃降。適子庶子。見于外寢。撫其首。咳而名之。禮帥初。無辭。凡名子。不以日月。不以國。不以隱疾。大夫士之子。不敢與世子同名。○內 名子者。不以國。不以日月。不以隱疾。不以山川。○曲禮 〔大戴禮記〕 青史氏之記曰。古者胎教。王后腹之七月。而就寢。非禮樂。則太師繙瑟而稱不習。所求滋味者非正味。則太宰倚升而言曰。不敢以待王太子。太子生而泣。太師吹銅。曰。聲中某律。太宰曰。滋味上某。然後卜名。上無取於天。下無取於墜。中無取於名山通谷。無拂於鄉俗。是故君子

名雖知而易辨也。古之王者。太子及生。固舉之禮。使士貢之。有司參。夙興。端冕見之。南郊。見之天也。過闕則下。過廟則趨。孝子之道。故自爲赤子時。教固以行矣。○保傅。

妾將生子。及月辰。夫

使人日一問之子。生三月之末。漱滌夙齋。見於內寢。禮之如始入室。君已食徹焉。使之特餽。遂入御公庶

子生。就側室。三月之末。其母沐浴朝服。見於君。擯者以其子見。君有所賜。君名之。衆子則使有司名之。庶

人無側室者。及月辰。夫出居羣室。其問之也。與子見父之禮無以異也。凡父在。孫見于祖。祖亦名之。禮

如子見父。無辭。食子者三年而出。見於公宮。則勛。大夫之子有食母。士之妻自養其子。由命士以上

及大夫之子。旬而見冢子。未食而見。必執其右手。適子庶子。已食而見。必循其首。子能食。食教以右手

能言。男唯。女俞。男繫革。女繫絲。六年。教之數與方名。七年。男女不同席。不共食。八年。出入門戶。及卽席。飲

食。必後長者。始教之讓。九年。教之數日。十年。出就外傅。居宿于外。學書計。衣不帛襦袴。禮帥初。朝夕學初

儀。請肆簡諒。十有三年。學樂。誦詩。舞勺。成童。舞象。學射御。二十而冠。始學禮。可以衣裘帛。舞大夏。敦行孝

弟。博學不教。內而不出。二十而有室。始理男事。博學無方。孫友視志。四十始仕。方物出。謀發慮。道合則服

從。不可則去。五十命爲大夫。服官政。七十致事。凡男拜尙左手。○內則。〔大戴禮記〕古者年八歲而出。就外舍

藝焉。履大節焉。居則習禮文。行則鳴佩玉。升車則聞和鸞之聲。是以非僻之心無自入也。故孩提。三公三少。固明

孝仁禮義。以導習之也。逐去邪人。不使見惡行。於是比選天下端士。孝弟閑博有道術者。以輔翼之。使之與太子居處

出入。故太子乃目見正事。聞正言。行正道。左視右視。前後皆正人。夫習與正人居。不能不正也。猶生長於楚。不能

不楚言也。故擇其所嗜。必先受業。乃得嘗之。擇其所樂。必先有習。乃得爲之。及太子少長。知妃色。則入於小學。不

得。不書過。不書過則死。過書。而宰徹去膳。夫膳宰之義。不得不徹膳。不徹膳則死。於是有進善之令。有誹謗之木。

有敬諫之鼓。警史誦詩。工誦正諫。士傳民語。習於
習長。故切而不攘。化與心成。故中道若性。○保傳。

女子十年不出。姆教婉婉聽從。執麻紵治絲繭。織紵組
紃。學女事。以共衣服。觀於祭祀。納酒漿。籩豆菹醢。禮相助奠。十有五年而笄。二十而嫁。有故。二十三年而
嫁。聘則爲妻。奔則爲妾。凡女拜尙右手。○內
婦人吉事。雖有君賜。肅拜爲尸坐。則不手拜。肅拜爲喪主。

則不手拜。○少儀。

教學養老

【禮記】凡學世子及學士必時。春夏學干戈。秋冬學羽籥。皆於東序。小樂正學干。大胥贊之。籥師學戈。籥
師丞贊之。胥鼓南。春誦夏弦。大師詔之。瞽宗。秋學禮。執禮者詔之。冬讀書。典書者詔之。禮在瞽宗。書在上
庠。凡祭與養老。乞言合語之禮。皆小樂正詔之於東序。大樂正學舞干戚。語說命乞言。皆大樂正授數。大
司成論說。在東序。凡侍坐於大司成者。遠近閒三席。可以問。終則負牆。列事未盡。不問。凡學。春官釋奠於
其先師。秋冬亦如之。凡始立學者。必釋奠於先聖先師。及行事。必以幣。凡釋奠者。必有合也。有國故則否。
凡大合樂。必遂養老。凡語于郊者。必取賢斂才焉。或以德進。或以事舉。或以言揚。曲藝皆誓之。以待又語。
三而一有焉。乃進其等。以其序。謂之郊人。遠之於成均。以及取爵於上尊也。始立學者。既興器用幣。然後
釋菜。不舞。不授器。乃退儻於東序。一獻無介。語可也。凡三王教世子。必以禮樂。樂所以修內也。禮所以
修外也。禮樂交錯於中。發形於外。是故其成也懌。恭敬而溫文。立大傅少傅以養之。欲其知父子君臣之

道也。大傅審父子君臣之道以示之。少傅奉世子以觀大傅之德行而審諭之。大傅在前。少傅在後。入則有保。出則有師。是以教諭而德成也。師也者。教之以事而諭諸德者也。保也者。慎其身以輔翼之。而歸諸道者也。記曰。虞夏商周有師保。有疑丞。設四輔。及三公。不必備。唯其人。語使能也。君子曰。德德成而教尊。教尊而官正。官正而國治。君之謂也。天子視學。大昕鼓徵。所以警衆也。衆至然後天子至。乃命有司行事。興秩節。祭先師先聖焉。有司卒事。反命。始之養也。適東序。釋奠於先老。遂設三老五更羣老之席位焉。適饌省醴。養老之珍具。遂發咏焉。退。修之以孝養也。反。登歌清廟。既歌而語以成之也。言父子君臣長幼之道。合德音之致。禮之大者也。下管象舞。大武。大合衆以事。達有神興有德也。正君臣之位。貴賤之等焉。而上下之義行矣。有司告以樂闋。王乃命公侯伯子男及羣吏曰。反。養老幼於東序。終之以仁也。是故聖人之記事也。慮之以大。愛之以敬。行之以禮。脩之以孝。養紀之以義。終之以仁。是故古之人一舉事而衆皆知其德之備也。古之君子。舉大事必慎其終始。而衆安得不喻焉。兌命曰。念終始典于學。○文王世子。發慮憲。求善良。足以腹聞。不足以動衆。就賢體遠。足以動衆。未足以化民。君子如欲化民成俗。其必由學乎。玉不琢。不成器。人不學。不知道。是故古之王者。建國君民。教學爲先。兌命曰。念終始典于學。其此之謂乎。雖有嘉肴。弗食。不知其旨也。雖有至道。弗學。不知其善也。是故學然後知不足。教然後知困。知不足然後能自反也。知困然後能自強也。故曰。教學相長也。兌命曰。斆學半。其此之謂乎。古之教者。家有塾。黨

有庠。術有序。國有學。比年入學。中年考校。一年視離經辨志。三年視敬業樂羣。五年視博習親師。七年視論學取友。謂之小成。九年知類通達。強立而不反。謂之大成。夫然後足以化民易俗。近者說服而遠者懷之。此大學之道也。記曰：蛾子時術之。其此之謂乎。大學始教皮弁祭菜。示敬道也。宵雅肄三。官其始也。入學鼓篋。孫其業也。夏楚二物。收其威也。未卜禘不視學。游其志也。時觀而弗語。存其心也。幼者聽而弗問。學不躐等也。此七者。教之大倫也。記曰：凡學。官先事。士先志。其此之謂乎。大學之教也。時教必有正業。退息必有居學。不學操縵。不能安弦。不學博依。不能安詩。不學雜服。不能安禮。不與其藝。不能樂學。故君子之於學也。藏焉脩焉。息焉遊焉。夫然。故安其學而親其師。樂其友而信其道。是以雖離師輔而不反也。兌命曰：敬孫務時敏。厥修乃來。其此之謂乎。今之教者。呻其佔畢。多其訊言。及于數進。而不顧其安。使人不由其誠。教人不盡其材。其施之也悖。其求之也佛。夫然。故隱其學而疾其師。苦其難而不知其益也。雖終其業。其去之必速。教之不刑。其此之謂乎。大學之法。禁於未發之謂豫。當其可之謂時。不陵節而施之謂孫。相觀而善之謂摩。此四者。教之所由興也。發然後禁。則扞格而不勝。時過然後學。則勤苦而難成。雜施而不孫。則壞亂而不修。獨學而無友。則孤陋而寡聞。燕朋逆其師。燕辟廢其學。此六者。教之所由廢也。君子既知教之所由興。又知教之所由廢。然後可以爲人師也。故君子之教喻也。道而弗牽。強而弗抑。開而弗達。道而弗牽。則和。強而弗抑。則易。開而弗達。則思。和易以思。可謂善喻矣。學者有四。夫教者必

知人之學也。或失則多，或失則寡，或失則易，或失則止。此四者，心之莫同也。知其心，然後能救其失也。教也者，長善而救其失者也。善歌者，使人繼其聲；善教者，使人繼其志。其言也約而達，微而藏，罕譬而喻，可謂繼志矣。君子知至學之難易，而知其美惡，然後能博喻。能博喻，然後能爲師；能爲師，然後能爲長。能爲長，然後能爲君；故師也者，所以學爲君也。是故擇師不可不慎也。記曰：三王四代，唯其師。其此之謂乎。

凡學之道，嚴師爲難。師嚴然後道尊，道尊然後民知敬學。是故君之所不臣於其臣者二，當其爲尸，則弗臣也；當其爲師，則弗臣也。大學之禮，雖詔於天子，無北面。所以尊師也。善學者，師逸而功倍，又從而庸之。不善學者，師勤而功半，又從而怨之。善問者，如攻堅木，先其易者，後其節目，及其久也，相說以解。不善問者，反此。善待問者，如撞鐘，叩之以小者則小鳴，叩之以大者則大鳴，待其從容，然後盡其聲。不善答問者，反此。此皆進學之道也。記問之學，不足以爲人師，必也其聽語乎。力不能固，然後語之；語之而不知，雖舍之可也。良治之子，必學爲裘；良弓之子，必學爲箕。始駕馬者，反之，車在馬前。君子察於此三者，可以有志於學矣。古之學者，比物醜類，鼓無當於五聲，五聲弗得不和；水無當於五色，五色弗得不章。學無當於五官，五官弗得不治；師無當於五服，五服弗得不親。君子曰：大德不官，大道不器，大信不約，大時不齊。察於此四者，可以有志於本矣。三王之祭川也，皆先河，則後海，或源也，或委也。此之謂務本。

○學
凡養老有虞氏以燕禮，夏后氏以饗禮，般人以食禮，周人修而兼用之。五十養於鄉，六十養於國，七十養

於學。達於諸侯。八十拜君命。一坐再至。瞽亦如之。九十使人受。五十異棖。六十宿肉。七十貳膳。八十常珍。九十飲食不離寢。膳飲從於遊。可也。六十歲制。七十時制。八月制。九十日修。唯絞衿衾冒。死而后制。五十始衰。六十非肉不飽。七十非帛不煖。八十非人不煖。九十雖得人不煖矣。五十杖於家。六十杖於鄉。七十杖於國。八十杖於朝。九十者。天子欲有問焉。則就其室。以珍從。七十不俟朝。八月月告存。九十日有秩。五十不從力政。六十不與服戎。七十不與賓客之事。八十齊衰之事弗及也。五十而爵。六十不親學。七十致政。唯齊麻爲喪。有虞氏養國老於上庠。養庶老於下庠。夏后氏養國老於東序。養庶老於西序。殷人養國老於右學。養庶老於左學。周人養國老於東膠。養庶老於虞庠。虞庠在國之西郊。有虞氏皇而祭。深衣而養老。夏后氏收而祭。燕衣而養老。殷人冔而祭。縞衣而養老。周人冕而祭。玄衣而養老。凡三王養老。皆引年。八十者。一子不從政。九十者。其家不從政。廢疾非人不養者。一人不從政。父母之喪。三年不從政。齊衰大功之喪。三月不從政。將徙於諸侯。三月不從政。自諸侯來徙家。期不從政。少而無父者謂之孤。老而無子者謂之獨。老而無妻者謂之矜。老而無夫者謂之寡。此四者。天民之窮而無告者也。皆有常餼。瘠鬻。跛躄。斷者。侏儒。百工。各以其器食之。道路男子由右。婦人由左。車從中央。父之齒隨行。兄之齒鴈行。朋友不相踰。輕任并。重任分。班白者不提挈。君子耆老不徒行。庶人耆老不徒食。

○王制。○內則。九十者其家不從政。瞽亦如

之。凡父母在。子雖老不坐。其餘文同。無少而無父以下。

凡養老。五帝憲。三王有乞言。五帝憲。養氣體而不乞言。有善則記之爲惇史。

三王亦憲。既養老而后乞言。亦微其禮。皆有惇史。則○內智者有虞氏貴德而尚齒。夏后氏貴爵而尚齒。

殷人貴富而尚齒。周人貴親而尚齒。虞夏殷周。天下之盛王也。未有遺年者。年之貴乎天下久矣。次乎事親也。是故朝廷同爵則尚齒。七十杖於朝。君問則席。八十不俟朝。君問則就之。而弟達乎朝廷矣。行肩而不併。不錯則隨。見老者則車徒辟。斑白者不以其任。行乎道路。而弟達乎道路矣。居鄉以齒。而老窮不遺。強不犯弱。衆不暴寡。而弟達乎州巷矣。古之道。五十不爲甸徒。頒禽隆諸長者。而弟達乎獮狩矣。軍旅什伍。同爵則尚齒。而弟達乎軍旅矣。孝弟發諸朝廷。行乎道路。至乎州巷。放乎獮狩。修乎軍旅。衆以義死之。而弗敢犯也。祀乎明堂。所以教諸侯之孝也。食三老五更於大學。所以教諸侯之弟也。祀先賢於西學。所以教諸侯之德也。耕藉。所以教諸侯之養也。朝覲。所以教諸侯之臣也。五者。天下之大教也。食三老五更於大學。天子袒而割牲。執醬而饋。執爵而醕。冕而總干。所以教諸侯之弟也。是故鄉里有齒。而老窮不遺。強不犯弱。衆不暴寡。此由大學來者也。天子設四學。當入學。而太子齒。天子巡守。諸侯待于竟。天子先見百年者。八十九十者。東行西行者。弗敢過。西行東行者。弗敢過。欲言政者。君就之可也。壹命齒于鄉里。再命齒于族。三命不齒。族有七十者。弗敢先也。七十者。不有大故不入朝。若有大故而入。君必與之揖讓。而后及爵者。天子有善。讓德於天。諸侯有善。歸諸天子。卿大夫有善。薦於諸侯。士庶人有善。本諸父母。存諸長老。祿爵慶賞。成諸宗廟。所以示順也。○祭義。

王制

【禮記】王者之制爵祿。公、侯、伯、子、男，凡五等。諸侯之上大夫、卿，下大夫、上士、中士、下士，凡五等。天子三公、九卿、二十七大夫、八十一元士。大國三卿，皆命於天子。下大夫五人，上士二十七人。次國三卿，二卿命於天子。一卿命於其君。下大夫五人，上士二十七人。小國二卿，皆命於其君。下大夫五人，上士二十七人。制三公一命卷，若有加，則賜也。不過九命。次國之君不過七命。小國之君不過五命。大國之卿不過三命。下卿再命。小國之卿與下大夫一命。次國之上卿位當大國之中，中當其下。下當其上。大夫、小國之上卿位當大國之下卿，中當其上。大夫下當其上。大夫，其中有中士、下士者，數各居者上之三分。天子之田方千里。公侯田方百里。伯七十里。子男五十里。不能五十里者，不合於天子，附於諸侯。曰附庸。天子之三公之田視公侯。天子之卿視伯。天子之大夫視子男。天子之元士視附庸。制農田百畝。百畝之分。上農夫食九人。其次食八人。其次食七人。其次食六人。下農夫食五人。庶人在官者，在祿以是爲差也。諸侯之下士視上農夫。祿足以代其耕也。中士倍下士。上士倍中士。下大夫倍上士。卿四大夫祿。君十卿祿。次國之卿三大夫祿。君十卿祿。小國之卿倍大夫祿。君十卿祿。古者公田藉而不稅。市廛而不稅。關譏而不征。林麓川澤以時入而不禁。夫圭田無征。用民之力，歲不過三日。田里不粥。墓地不請。凡四海之內九州。州方千里。州建百里之國三十。七十里之國六十。五十里之國百有二十。凡二百一十國。名山大澤

不以封其餘以爲附庸閒田。八州州二百一十國。天子之縣內。方百里之國九。七十里之國二十有一。五十里之國六十有三。凡九十三國。名山大澤不以勝其餘以祿士。以爲閒田。凡九州千七百七十三國。天子之元士諸侯之附庸不與。天子百里之內以共官。千里之內以爲御。千里之外設方伯。五國以爲屬。屬有長。十國以爲連。連有帥。三十國以爲卒。卒有正。二百一十國以爲州。州有伯。八州八伯。五十六正。百六十八帥。三百三十六長。八伯各以其屬屬於天子之老二人。分天下以爲左右。曰二伯。千里之內曰甸。千里之外曰采。曰流。天子之縣內諸侯祿也。外諸侯嗣也。方一里者爲田九百畝。方十里者爲方一里者百。爲田九萬畝。方百里者爲方十里者百。爲田九十億畝。方千里者爲方百里者百。爲田九萬億畝。自恒山至於南河。千里而近。自南河至於江。千里而近。自江至於衡山。千里而遙。自東河至於東海。千里而遙。自東河至於西河。千里而近。自西河至於流沙。千里而遙。西不盡流沙。南不盡衡山。東不盡東海。北不盡恆山。凡四海之內。斷長補短。方三千里。爲田八十萬億一萬億畝。方百里者爲田九十億畝。山陵林麓。川澤溝瀆。城郭宮室塗巷。三分去一。其餘六十億畝。古者以周尺八尺爲步。今以周尺六尺四寸爲步。古者百畝當今東田百四十六畝三十步。古者百里當今百二十一里六十步四尺二寸二分。方千里者爲方百里者百。封方百里者三十國。其餘方百里者七十。又封方七十里者六十。爲方百里者二十九。方十里者四十。其餘方百里者四十。方十里者六十。又封方五十里者百二十。爲方百里者三十。其餘方百

里者十。方十里者六十。名山大澤不以封。其餘以爲附庸。開田。諸侯之有功者。取於開田以祿之。其有削地者。歸之開田。天子之縣內。方千里者。爲方百里者百。封方百里者九。其餘方百里者九十一。又封方七十里者二十一。爲方百里者十。方十里者二十九。其餘方百里者八十。方十里者七十一。又封方五十里者六十三。爲方百里者十五。方十里者七十五。其餘方百里者六十四。方十里者九十六。諸侯之下士。祿食九人。中士食十八人。上士食三十六人。下大夫食七十二人。卿食二百八十八人。君食二千八百八十人。次國曰卿。食二百一十六人。君食二千一百六十人。小國之卿。食百四十四人。君食千四百四十人。次國之卿。命於其君者。如小國之卿。天子使其大夫爲三監。監於方伯之國。國三人。天子之大夫爲三監。監於諸侯之國者。其祿視諸侯之卿。其爵視次國之君。其祿取之於方伯之地。方伯爲朝天子。皆有湯沐之邑於天子之縣內。視元士。諸侯世子世國。大夫不世爵。使以德。爵之功。未賜爵。視天子之元士。以君其國。諸侯之大夫不世爵。祿制。○王

樂記

【禮記】樂記。凡音之起。由人心生也。人心之動。物使之然也。感於物而動。故形於聲。聲相應。故生變。變成方。謂之音。比音而樂之。及于戚羽旄。謂之樂。樂者。音之所由生也。其本在人心之感於物也。是故其哀心感者。其聲噍以殺。其樂心感者。其聲暉以緩。其喜心感者。其聲發以散。其怒心感者。其聲粗以厲。其敬心

感者其聲直以廉其愛心感者其聲和以柔六者非性也感於物而后動是故先王慎所以感之者故禮以道其志樂以和其聲政以一其行刑以防其奸禮樂刑政其極一也所以同民心而出治道也凡音者生人心者也情動於中故形於聲聲成文謂之音是故治世之音安以樂其政和亂世之音怨以怒其政乖亡國之音哀以思其民困聲音之道與政通矣宮爲君商爲臣角爲民徵爲事羽爲物五者不亂則無怙懣之音矣宮亂則荒其君驕商亂則陂其臣壞角亂則憂其民怨徵亂則哀其事勤羽亂則危其財匱五者皆亂迭相陵謂之慢如此則國之滅亡無日矣鄭衛之音亂世之音也比於慢矣桑閒濮上之音亡國之音也其政散其民流誣上行私而不可止也凡音者生所人心者也樂者通倫理者是故知聲而不知音者禽獸是也知音而不知樂者衆庶是也唯君子爲能知樂是故審聲以知音審音以知樂審樂以知政而治道備矣是故不知聲者不可與言音不知音者不可與言樂知樂則幾於禮矣禮樂皆得謂之有德德者得也是故樂之隆非極音也食饗之禮非致味也清廟之瑟朱絃而疏越壹倡而三歎有遺音者矣大饗之禮尚玄酒而俎腥魚大羹不和有遺味者矣是故先王之制禮樂也非以極口腹耳目之欲也將以教民平好惡而反人道之正也人生而靜天之性也感於物而動性之欲也物至知知然後好惡形焉好惡無節於內知誘於外不能反躬天理滅矣夫物之感人無窮而人之好惡無節則是物至而人化物也人化物也者滅天理而窮人欲者也於是有悖逆詐僞之心有淫泆作亂之事是故彊者脅弱

衆者暴寡。知者詐愚。勇者苦怯。疾病不養。老幼孤獨。不得其所。此大亂之道也。是故先王之制禮樂。人爲之節。衰麻哭泣。所以節喪紀也。鐘鼓干戚。所以和安樂也。昏姻冠笄。所以別男女也。射鄉食饗。所以正交接也。禮節民心。樂和民聲。政以行之。刑以防之。禮樂刑政。四達而不悖。則王道備矣。樂者爲同。禮者爲異。同則相親。異則相敬。樂勝則流。禮勝則離。合情飾貌者。禮樂之事也。禮義立。則貴賤等矣。樂文同。則上下和矣。好惡著。則賢不肖別矣。刑禁暴。爵舉賢。則政均矣。仁以愛之。義以正之。如此。則民治行矣。樂由中出。禮自外作。樂由中出。故靜。禮自外作。故文。大樂必易。大禮必簡。樂至則無怨。禮至則不爭。揖讓而治。天下者。禮樂之謂也。暴民不作。諸侯賓服。兵革不試。五刑不用。百姓無患。天子不怒。如此。則樂達矣。合父子之親。明長幼之序。以敬四海之內。天子如此。則禮行矣。大樂與天地同和。大禮與天地同節。和故百物不失節。故祀天祭地。明則有禮樂。幽則有鬼神。如此。則四海之內。合敬同愛矣。禮者。殊事合敬者也。樂者。異文合愛者也。禮樂之情。同。故明王以相沿也。故事與時竝。名與功偕。故鐘鼓管磬。羽籥干戚。樂之器也。屈伸俯仰。綴兆舒疾。樂之文也。簠簋俎豆。制度文章。禮之器也。升降上下。周還揚蕩。禮之文也。故知禮樂之情者。能作。識禮樂之文者。能述。作者之謂聖。述者之謂明。明聖者。述作之謂也。樂者。天地之和也。禮者。天地之序也。和故百物皆化。序故羣物皆別。樂由天作。禮以地制。過制則亂。過作則暴。明於天地。然後能與禮樂也。論倫無患。樂之情也。欣喜歡愛。樂之官也。中正無邪。禮之質也。莊敬恭順。禮之制也。若夫禮樂之

施於金石。越於聲音。用於宗廟社稷。事乎山川鬼神。則此所與民同也。王者功成作樂。治定制禮。其功大者其樂備。其治辯者其禮具。干戚之舞。非備樂也。執亨而祀。非達禮也。五帝殊時。不相沿樂。三王異世。不相襲禮。樂極則憂。禮粗則偏矣。及夫敦樂而無憂。禮備而不偏者。其唯大聖乎。天高地下。萬物散殊。而禮制行矣。流而不息。合同而化。而樂興焉。春作夏長。仁也。秋斂冬藏。義也。仁近於樂。義近於禮。樂者敦和。率神而從天。禮者別宜居鬼而從地。故聖人作樂以應天。制禮以配地。禮樂明備。天地官矣。天尊地卑。君臣定矣。卑高以陳。貴賤位矣。動靜有常。小大殊矣。方以類聚。物以羣分。則性命不同矣。在天成象。在地成形。如此。則禮者天地之別也。地氣上齊。天氣下降。陰陽相摩。天地相蕩。鼓之以雷霆。奮之以風雨。動之以四時。煖之以日月。而百化興焉。如此。則樂者天地之和也。化不時則不生。男女無辨。則亂升。天地之情也。及夫禮樂之極乎天。而蟠乎地。行乎陰陽。而通乎鬼神。窮高極遠。而測深厚。樂著太始。而禮居成物。著不息者天也。著不動者地也。一動一靜者。天地之閒也。故聖人曰。禮樂云。昔者舜作五絃之琴。以歌南風。夔始制樂。以賞諸侯。故天子之爲樂也。以賞諸侯之有德者也。德盛而教尊。五穀時熟。然後賞之以樂。故其治民勞者。其舞行綴遠。其治民逸者。其舞行綴短。故觀其舞。知其德。聞其諠。知其行也。大章。章之也。咸池。備矣。韶。繼也。夏。大也。殷。周之樂。盡矣。天地之道。寒暑不時。則疾。風雨不節。則飢。教者。民之寒暑也。教不時。則傷。世事者。民之風雨也。事不節。則無功。然則先王之爲樂也。以法治也。善則行象德矣。夫豢豕爲酒。

非以爲禍也。而獄訟益繁。則酒之流生禍也。是故先王因爲酒禮。壹獻之禮。賓主百拜。終日飲酒而不得醉焉。此先王之所以備酒禍也。故酒食者。所以合歡也。樂者。所以象德也。禮者。所以綴淫也。是故先王有大事。必有禮以哀之。有大福。必有禮以樂之。哀樂之分。皆以禮終樂也者。聖人之所以樂也。而可以善民心。其感人深。其移風易俗。故先王著其教焉。夫民有血氣心知之性。而無哀樂喜怒之常。應感起物而動。然後心術形焉。是故志微。噍殺之音作。而民思憂。擘。諧。慢。易。繁。文。簡。節。之。音。作。而。民。康。樂。粗。厲。猛。起。奮。末。廣。賁。之。音。作。而。民。剛。毅。廉。直。勁。正。莊。誠。之。音。作。而。民。肅。敬。寬。裕。肉。好。順。成。和。動。之。音。作。而。民。慈。愛。流。辟。邪。散。狄。成。滌。濫。之。音。作。而。民。淫。亂。是故先王本之情性。稽之度數。制之禮義。合生氣之和。道五常之行。使之陽而不散。陰而不密。剛氣不怒。柔氣不懾。四暢交於中。而發作於外。皆安其位而不相奪也。然後立之學等。廣其節奏。省其文采。以繩德厚。律小大之稱。比終始之序。以象事行。使親疏貴賤長幼男女之理。皆形見於樂。故曰樂觀其深矣。土敝則草木不長。水煩則魚鼈不大。氣衰則生物不遂。世亂則禮慝而樂淫。是故其聲哀而不莊。樂而不安。慢易以犯節。流湎以忘本。廣則容姦。狹則思欲。咸條暢之氣。滅平和之德。是以君子賤之也。凡姦聲感人。而逆氣應之。逆氣成象。而淫樂興焉。正聲感人。而順氣應之。順氣成象。而和樂興焉。倡和有應。回邪曲直。各歸其分。而萬物之理。各以類相動也。是故君子反情以和其志。比類以成其行。奸聲亂色。不留聰明。淫樂匿禮。不接心術。惰慢邪僻之氣。不設於身體。使耳目鼻口。心知百體。

皆由順正以行其義。然後發以聲音。而文以琴瑟。動以干戚。飾以羽旄。從以簫管。奮至德之光。動四氣之和。以著萬物之理。是故清明象天。廣大象地。終始象四時。周還象風雨。五色成文而不亂。八風從律而不竅。百度得數而有常。小大相成。終始相生。倡和清濁。迭相爲經。故樂行而倫清。耳目聰明。血氣和平。移風易俗。天下皆寧。故曰樂者樂也。君子樂得其道。小人樂得其欲。以道制欲。則樂而不亂。以欲忘道。則惑而不樂。是故君子反情以和其志。廣樂以成其教。樂行而民鄉方。可以觀德矣。德者性之端也。樂者德之華也。金石絲竹。樂之器也。詩言其志也。歌咏其聲也。舞動其容也。三者本於心。然後樂器從之。是故情深而文明。氣盛而化神。和順積中。而英華發外。惟樂不可以爲僞。樂者心之動也。聲者樂之象也。文采節奏。聲之飾也。君子動其本。樂其象。然後治其飾。是故先鼓以警戒。三步以見方。再始以著往。復亂以飭歸。奮疾而不拔。極幽而不隱。獨樂其志。不厭其道。備舉其道。不私其欲。是故情見而義立。樂終而德尊。君子以好善。小人以聽過。故曰生民之道。樂爲大焉。樂也者。施也。禮也者。報也。樂樂其所自生。禮反其所自始。樂章德。禮報情。反始也。所謂大輅者。天子之車也。龍旂九旒。天子之旌也。青黑綠者。天子之寶龜也。從之以牛羊之羣。則所以贈諸侯也。樂也者。情之不可變者也。禮也者。理之不可易者也。樂統同。禮辨異。禮樂之說。管乎人情矣。窮本知變。樂之情也。著誠去僞。禮之經也。禮樂偵天地之情。達神明之德。降輿上下之神。而凝是精粗之體。領父子君臣之節。是故大人舉禮樂。則天地將爲昭焉。天地訢合。陰陽相得。煦嫗覆育。

萬物然後草木茂區萌達。羽翼奮。角觝生。蟄蟲昭蘇。羽者嫗伏。毛者孕鬻。胎生者不殯。而卵生者不殖。則樂之道歸焉耳。樂者非謂黃鍾大呂弦歌干揚也。樂之末節也。故童者舞之。鋪筵席。陳尊俎。列籩豆。以升降爲禮者。禮之末節也。故有司掌之。樂師辨乎聲詩。故北面而弦。宗祝辨乎宗廟之禮。故後尸。商祝辨乎喪禮。故後主人。是故德成而上。藝成而下。行成而先。事成而後。是故先王有上有下。有先有後。然後可以有制於天下也。君子曰。禮樂不可斯須去身。致樂以治心。則易直子諒之心油然而生矣。易直子諒之心生則樂。樂則安。安則久。久則天。天則神。天則不言而信。神則不怒而威。致樂以治心者也。致禮以治躬。則莊敬。莊敬則嚴威。心中斯須不和不樂。而鄙詐之心入之矣。外貌斯須不莊不敬。而易慢之心入之矣。故樂也者。動於內者也。禮也者。動於外者也。樂極和。禮極順。內和而外順。則民瞻其顏色。而弗與爭也。望其容貌。而民不生易慢焉。故德輝動於內。而民莫不承聽。理發諸外。而民莫不承順。故曰。致禮樂之道。舉而錯之天下。無難矣。樂也者。動於內者也。禮也者。動於外者也。故禮主其減。樂主其盈。禮減而進。以進爲文。樂盈而反。以反爲文。禮減而不進。則銷。樂盈而不反。則放。故禮有報而樂有反。禮得其報。則樂。樂得其反。則安。禮之報。樂之反。其義一也。夫樂者。樂也。人情之所不能免也。樂必發於聲音。形於動靜。人之道也。聲音動靜。性術之變。盡於此矣。故人不耐無樂。樂不耐無形。形而不爲道。不耐無亂。先王恥其亂。故制雅頌之聲。以道之。使其聲足樂而不流。使其文足論而不息。使其曲直繁瘠。廉肉節奏。足以感動人之善心。

而已矣。不使放心邪氣得接焉。是先王立樂之方也。是故樂在宗廟之中。君臣上下同聽之。則莫不和敬。在族長鄉里之中。長幼同聽之。則莫不和順。在閨門之內。父子兄弟同聽之。則莫不和親。故樂者。審一以定和。比物以飾節。節奏合以成文。所以合和父子君臣。附親萬民也。是先王立樂之方也。故聽其雅頌之聲。志意得廣焉。執其干戚。習其俯仰詘伸。容貌得莊焉。行其綴兆。要其節奏。行列得正焉。進退得齊焉。故樂者。天地之命。中和之紀。人情之所不能免也。夫樂者。先王之所以飾喜也。軍旅鈇鉞者。先王之所以飾怒也。故先王之喜怒皆得其儕焉。喜則天下和之。怒則暴亂者畏之。先王之道。禮樂可謂盛矣。

釋史卷二十五

三代第十五

成康繼治

【新書】周成王年六歲。卽位享國。親以其身見於粥子之家而問焉。曰。昔者先王與帝。修道而道修。寡人之望也。亦願以教。敢問興國之道奈何。粥子對曰。唯疑。請以上世之政。詔於君。王政曰。興國之道。君思善。則行之。君聞善。則行之。君知善。則行之。位敬而常之。行信而長之。則興國之道也。周成王曰。受命矣。周成王曰。敢問於道之要奈何。粥子對曰。唯疑。請以上世之道。詔於君。王政曰。爲人下者。敬而肅。爲人上者。恭而仁。爲人君者。敬士愛民。以終其身。此道之要也。周成王曰。受命矣。周成王曰。敢問治國之道若何。粥子曰。唯疑。請以上世之政。詔於君。王政曰。治國之道。上忠於主。而中敬其士。而下愛其民。故上忠其主者。非以道義。則無以入忠也。而中敬其士。則不以禮節。無以諭敬也。下愛其民。非以忠信。則無以諭愛也。故忠信行於民。禮節諭於士。道義入於上。則治國之道也。雖治天下者。由此而已。周成王曰。受命矣。周成王曰。寡人聞之。有上人者。有下人者。有賢人者。有不肖人者。有智人者。有愚人者。敢問上下之人。何以爲異。粥子對曰。唯疑。請以上世之政。詔於君。王政曰。凡人者。若賤若貴。若幼若老。聞道志而藏之。知道善。

而行之。上人矣。聞道而弗取藏也。知道而弗取行也。則謂之下人也。故夫行者善。則謂之賢人矣。行者惡。則謂之不肖矣。故夫言者善。則謂之智矣。言者不善。則謂之愚矣。故智愚之人。有其辭矣。賢不肖之人。別其行矣。上下之人。等其志矣。周成王曰。受命矣。周成王曰。寡人聞之。聖人在上位。使民富且壽云。若夫富。則可爲也。若夫壽。則不在於天乎。粥子曰。唯疑。請以上世之政。詔於君。王政曰。聖王在上位。則天下不死軍兵之事。故諸侯不私相攻。而民不私相鬪。不私相殺也。故聖王在上。則民免於一死。而得一生矣。聖王在上。則臣積於道。而吏積於德。而民積於用力。故婦爲其所衣。丈夫爲其所食。則民無凍餒矣。聖王在上。則民免於二死。而得二生矣。聖王在上。則君積於仁。而吏積於愛。而民積於順。則刑罰廢矣。而民無大過之誅。故聖王在上。則民免於三死。而得三生矣。故聖王在上。則使民有時。而用之有節。則民無厲疾。故聖王在上。則民免於四死。而得四生矣。故聖王在上。則使盈境內。興賢良。以禁邪惡。故賢人必用。而不肖人不作。則已得其命矣。故夫富且壽者。聖王之功也。周成王曰。受命矣。

應及見全書也。

○新書所載。當在鬻子書。而今本無之。蓋闕已矣。賈傳去古猶近。

【說苑】成王問政於尹逸曰。吾何德之行。而民親其上。對曰。使之以時。而敬順之。忠而愛之。布令信而不食言。王曰。其度安至。對曰。如臨深淵。如履薄冰。王曰。懼哉。對曰。天地之間。四海之內。善之則畜也。不善則讎也。夏殷之臣。反讎桀紂。而臣湯武。夙沙之民。自攻其主。而歸神農氏。此君之所明知也。若何其無懼也。

○尹逸卽史逸·亦曰史佚·
〔漢書〕學家·史佚二篇·

【詩】閔予小子遭家不造·嬖嬖在疚·於乎皇考·永世克孝·念茲皇祖·陟降庭止·維予小子·夙夜敬止·於乎

皇王·繼序思不忘·訪予落止·率時昭考·於乎悠哉·朕未有艾·將予就之·繼猶判渙·維予小子·未堪家多

難·紹庭上下·陟降厥家·休矣皇考·以保明其身·敬之敬之·天維顯思·命不易哉·無曰高高在上·陟降厥

士·日盥在茲·維予小子·不聰敬止·日就月將·學有緝熙于光明·佛時仔肩·示我顯德行·予其懲而愆後

患·莫予弇·蜂自求辛螫·肇允彼桃蟲·拚飛維鳥·未堪家多難·予又集于蓼·〔詩序〕閔予小子·嗣王朝于廟也·

進戒嗣王也·小 思文后稷·克配彼天·立我烝民·莫匪爾極·貽我來牟·帝命率育·無此疆爾界·陳常于時

夏·〔詩序〕思文·后稷配天也·○章昭云·納 嗟嗟臣工·敬爾在公·王釐爾成·來咨來茹·嗟嗟保介·維莫之春

亦又何求·如何新畲·於皇來牟·將受厥明·明昭上帝·迄用康年·命我衆人·疇我錢鏹·奄觀銍艾·噫嘻成

王·既昭假爾·率時農夫·播厥百穀·駿發爾私·終三十里·亦服爾耕·十千維耦·豐年多黍·多稌·亦有高廩·

萬億及秬·爲酒爲醴·烝畀祖妣·以洽百禮·降福孔皆·載芟載柞·其耕澤澤·千耦其耘·徂隰徂畛·侯王侯

伯·侯亞侯旅·侯彊侯以·有嘏其饁·思媚其婦·有依其士·有略其耜·俶載南畝·播厥百穀·實函斯活·驛驛其

達·有厭其傑·厭厭其苗·緜緜其庶·載穫濟濟·有實其積·萬億及秬·爲酒爲醴·烝畀祖妣·以洽百禮·有飴其

香·邦家之光·有椒其馨·胡考之寧·匪且有且·匪今斯今·振古如茲· 矍矍良耜·俶載南畝·播厥百穀·實函

斯活。或來瞻女。載筐及筥。其饌伊黍。其笠伊糾。其罇斯趙。以薊茶蓼。茶蓼朽止。黍稷茂止。穫之挈挈。積之栗栗。其崇如墉。其比如櫛。以開百室。百室盈止。婦子寧止。殺時特牲。有掾其角。以似以續。續古之人。〔詩序〕

臣工。諸侯助祭。遣於廟也。○朱子曰。序誤。此戒農官之詩。噫嘻。春夏祈穀于上帝也。○朱子曰。序誤。此亦戒農官之詩。豐年。秋冬報也。○朱子曰。序誤。載芟。春藉田而祈社稷也。良耜。秋報社稷也。○朱子曰。兩篇未見其有祈報之異。或疑思文。臣工。噫嘻。豐年。載芟。良耜。即所謂幽頌者。

【史記】既細殷命。襲淮夷。歸在豐。作周官。興正禮樂。度制於是改。而民和睦。頌聲興。○周官見前卷。成王作頌。

推己懲艾。悲彼家難。可不謂戰戰恐懼。善守善終哉。○正義曰。言成王作頌。悲文王戰戰恐懼。推己戒勵為治。是善守善終也。

【呂氏春秋】成王立。般人反。王命周公踐伐之。商人服象。為虐於東夷。周公遂以師逐之。至於江南。乃為三象。以嘉其德。

【詩】於穆清廟。肅雝顯相。濟濟多士。秉文之德。對越在天。駿奔走在廟。不顯不承。無射於人斯。〔詩序〕清廟

·周公既成洛邑。朝諸侯。率以祀文王焉。維天之命。於穆不已。於乎不顯。文王之德之純。假以溢我。我其收之。駿惠我文王。曾孫篤之。〔詩序〕維天之命。太平告文王也。維清緝熙。文王之典。肇禋。迄用有成。維周之禎。〔詩序〕維清。奏象舞也。烈文辟公。錫茲

祉福。惠我無疆。子孫保之。無封靡于爾邦。維王其崇之。念茲戎功。繼序其皇之。無競維人。四方其訓之。不顯維德。百辟其刑之。於乎前王不忘。〔詩序〕烈文。成王即政。諸侯助祭也。○朱子曰。詩中未見即政之意。天作高山。大王荒之。彼作矣。文王

康之。彼徂矣。岐有夷之行。子孫保之。〔詩序〕天作。祀先王先公也。昊天有成命。二后受之。成王不敢康。夙夜基命宥密。

於緝熙單厥心肆其靖之。〔詩序〕昊天有成命。郊祀天地也。○朱子曰。此康王以後。祀成王之詩。我將我享維羊維牛維天其右之儀式刑文

王之典日靖四方伊嘏文王既右享之我其夙夜畏天之威于時保之。〔詩序〕我將祀文王於明堂也。執競武王無競維

烈不顯成康上帝是皇自彼成康奄有四方斤斤其明鐘鼓喤喤磬筦將將降福穰穰降福簡簡威儀反

反既醉既飽福祿來反。〔詩序〕執競祀武王也。○朱子曰。此昭王以後之詩。振鷺于飛于彼西雝我客戾止亦有斯容在彼無惡在

此無斃庶幾夙夜以永終譽。〔詩序〕派鷺。二王之後來助祭也。有瞽有瞽在周之庭設業設虞崇牙樹羽應田縣鼓鞀磬

祝圉既備乃奏簫管備舉喤喤厥聲肅雝和鳴先祖是聽我客戾止永觀厥成。〔詩序〕有瞽始作樂而合乎祖也。猗與漆

沮潛有多魚有鱣有鮪鱒鰻鯉以享以祀以介景福。〔詩序〕潛。季冬薦魚。春薦鮪也。有來雝雝至止肅肅相維辟公

天子穆穆於薦廣牡相予肆祀假哉皇考綏子孝子宣哲維人文武維后燕及皇天克昌厥後綏我眉壽

介以繁祉既右烈考亦右文母。〔詩序〕離禱大祖也。載見辟王曰求厥章龍旂陽陽和鈴央央儻革有鷁休有烈光

率見昭考以孝以享以介眉壽永言保之思皇多祐烈文辟公綏以多福俾緝熙于純嘏。〔詩序〕載見。諸侯始見乎武王廟也。

絲衣其紆載弁俅俅自堂徂基自羊徂牛鼐鼎及熏兕觥其觶旨酒思柔不吳不敖胡考之休。〔詩序〕絲衣

·高子曰。靈星之尸也。○朱子曰。此亦祭或飲酒之詩。序誤。高子尤誤。按毛鄭舊說。定以頌爲成王時周公所作。故頌中有成王及成康字。皆曲爲之說。歐陽公著時世論以斥之。朱子論之詳矣。

【史記】成王既伐東夷息慎來賀王賜榮伯作賄息慎之命。〔書序〕成王既伐東夷。肅慎來賀。王

【說苑】成王時有三苗貫桑而生同爲一秀大幾盈車民得而上之成王成王問周公此何也周公曰三

苗同秀爲一意天下其和而爲一乎。後三年周越裳氏重譯而朝。曰：道路悠遠，山川阻深，恐一使之不通。

故重三譯而來朝也。周公曰：德澤不加，則君子不饗其質，政令不施，則君子不臣其人。譯曰：吾受命於吾

國之黃髮久矣。天之無烈風淫雨，意中國有聖人邪？有則盍朝之，然後周公敬受其所以來矣。〔韓詩外傳〕越裳氏重九

譯而至，獻白雉於周公。譯曰：吾受命國之黃髮日久矣。天之不迅風疾雨也，海不波溢也，三年於茲矣。意者中國始有聖人，盍往朝之，於是來也。〔琴操〕越裳操周公所作也。周公輔成王，越裳重九譯而來，獻白雉，周公乃授琴而歌之。

曰：於戲嗟嗟，非且之力也，乃文王之德也。遂受之，獻於文王之廟。〔新語〕周公躬行禮義，郊祀后稷，越裳奉貢，重譯而臻，麟鳳草木，緣化而應。

【古今注】周公治致太平，越裳氏重譯來貢白雉一，黑雉二，象牙一。使者迷其歸路，周公錫以文錦二疋。

駟車五乘，皆爲司南之制，使越裳氏載之以南，緣扶南林邑海際，朞年而至其國，使大夫宴，將送至國而

還，亦乘司南而背其所指，亦朞年而後至，始制車，轄轄皆以鐵，還至，鐵亦銷盡，以屬巾車氏收而藏之，常

爲先導，示服遠人而正四方。〔宋符瑞志〕越裳，周公時來，獻白雉象牙。

【論衡】周時天下太平，越裳獻白雉，倭人貢鬯草。

【說文】鸞亦神靈之精也，赤色五采，雞形，鳴中五音，頌聲作則至。周成王時，氏羌獻鸞鳥。〔尚書中候〕周公歸政于成王，太

平制禮，鸞鳥見。

【述異記】周成王時，東夷送六角牛。

【周書】周室既寧，八方會同，各以其職來獻，欲垂法厥後，作王會，成周之會，壇上張赤奕陰羽，天子南面

立。纁無繁露。朝服八十物。摺挺。唐叔荀叔周公在左。太公望在右。皆纁。亦無繁露。朝服七十物。摺笏。旁天子而立於堂上。堂下之右。唐公虞公立焉。堂下之左。殷公夏公立焉。皆南面。纁有繁露。朝服五十物。皆摺笏。爲諸侯之有疾病者。阼階之南。祝淮氏榮氏次之。皆西南。彌宗旁之。爲諸侯有疾病者之醫藥所居。相者太史魚大行人皆朝服。有繁露。堂下之東面。郭叔掌爲天子棗幣焉。纁有繁露。內臺西面者。正北方。應侯曹叔伯舅中舅。比服次之。要服次之。荒服次之。西方東面。正北方。伯父中子次之。方千里之外。爲比服。方千里之內。爲要服。三千里之內。爲荒服。是皆朝於內者。堂後東北。爲赤奔馬。浴盆在其中。其西。天子車立馬乘。亦青陰羽。鳧旌。中臺之外。其右。秦士臺。右彌士。受贊者八人。東面者四人。陳幣當外臺。天玄。嶽宗馬十二。王玄。繚碧基十二。參方玄。繚璧豹虎皮十二。四方玄。繚璧琰十二。外臺之四隅。張赤奔。爲諸侯欲息者皆息焉。命之曰。爻閭。周公旦主東方。所之青馬黑嶽。謂之母兒。其守營牆者。衣青操弓執矛。西面者。正北方。稷慎大塵穢。人前兒。前兒若獼猴。立行。聲似小兒。良夷在子。在子□。身人首。脂其腹。炙之。霍。則鳴曰。在子。揚州禺禺。魚名。解險寇。發人鹿。鹿者若鹿。迅走。兪人雖馬。青丘狐九尾。周頭輝。鞞輝。鞞者。羊也。黑齒白鹿白馬。白民乘黃。乘黃者似麒麟。皆有兩角。東越海蛤。歐人蟬蛇。蟬蛇。順食之美。姑於越。納口。姑妹珍。且歐文蜃。若人玄貝。海陽大蠙。自深桂。會稽以羈。皆西嚮。正北方。義渠以茲白。茲白者。若白馬。鋸牙。食虎豹。史林以尊耳。尊耳者。身若虎豹。尾長三尺。其身食虎豹。北唐戎以閭閻。以險冠。渠叟以鵠犬。鵠犬者。露

犬也。能飛食虎豹。樓煩以星施。星施者。珥旄。十盧以牛。牛者。牛之小者也。區陽以鼈封。鼈封者。若麋。前後有首。規矩以麟。麟者。獸也。西申以鳳鳥。鳳鳥者。戴仁抱義。掖信歸有德。丘羌鸞鳥。巴人以比翼鳥。方揚以皇鳥。蜀人以文翰。文翰者。若臯。雞。方人以孔鳥。卜人以丹沙。夷用闕采。康民以桴苡。桴苡者。其實如李。食之宜子。州靡費費。其形人身。枝踵自笑。笑則上唇翕。其目食人。北方謂之吐嘍。都郭生生若黃狗。人面能言。奇幹善芳。善芳者。頭若雄雞。佩之令人不昧。皆東嚮。北方臺正東。高夷。嚙羊。嚙羊者。羊而四角。獨鹿。叩叩。距虛。善走也。孤竹。距虛。不令支。玄模。不屠何。青能。東胡。黃熊。山戎。菽。其西。般。吾。白虎。屠州。黑豹。禹氏。駒。駮。大夏。玆。白牛。犬戎。文馬。而赤鬣。縞身。目若黃金。名古黃之乘。數楚。每牛。每牛者。牛之小者也。甸戎。狡犬。狡犬者。巨身四尺。果。皆北嚮。權扶。三目。白州。北閭。北閭者。其革苦干。伐其木以爲車。終行不敗。禽人。管。路。人大竹。長沙。鼈。其西。魚。復。鼓。鐘。鐘。牛。蠻。揚。之。翟。倉。吾。翡翠。翡翠者。所以取羽。其餘皆可知。自古之政。南人至衆。皆北嚮。

○西旅賁。而太保進誠。成周王會。乃如此斥大哉。逸周書失實。居然可知。拾遺記成王即政三年。有泥離之國來朝。其人稱。自發其國。嘗從雲裏而行。聞雷霆之聲在下。或入潛穴。又聞波瀾之聲。在上。視日月以知方。國所向。計寒暑以知年月。考國之正朔。則序曆與中國相符。王接以外賓禮也。四年。旃塗國獻鳳雛。載以瑤華之車。飾以五色之玉。駕以赤象。至於京師。育於靈禽之苑。飲以瓊漿。餽以雲寶二物。皆出上元仙方。及成玉崩。沖飛而去。六年。燃丘之國。獻比翼鳥。雌雄各一。以玉爲變。其國使者。皆拳頭尖鼻。衣服神之遺至也。朝霞也。經歷百有餘國。方至京師。其中路山川不可記。越鐵規。泛沸海。蛇洲。蜂岑。經塗十五餘年。乃至洛邑。成王封泰山。禪社首。使發其國之時。童稚。至京師。鬢皆白。及還至燃丘。容貌還復少壯。比翼鳥。多力。狀如鵠。銜南溥之丹。泥集崑崙之玄木。遇聖則來集。以表周公輔聖之祥異也。○此等迂誕之甚。

【史記】詩云紂在位文王受命政不及泰山武王克殷二年天下未寧而崩爰周德之治維成王成王之封禪則近之矣

【詩】常棣之華鄂不韡韡凡今之人莫如兄弟死喪之威兄弟孔懷原隰哀矣兄弟求矣脊令在原兄弟急難每有良朋況也永歎兄弟鬩于牆外禦其務每有良朋烝也無戎喪亂既平既安且寧雖有兄弟不如友生儻爾籩豆飲酒之飶兄弟既具和樂且孺妻子好合如鼓瑟琴兄弟既翕和樂且湛宜爾室家樂爾妻帑是究是圖亶其然乎〔詩序〕棠棣燕兄弟也閔管蔡之失道故作常棣焉〔韓詩序〕夫移燕兄弟也閔所作左傳召穆公作韓詩作夫移文異南有嘉魚烝然罩罩君子有酒嘉賓式燕以樂南有嘉魚烝然汕汕君子有酒嘉賓式燕以衍南有樛木甘瓠纍之君子有酒嘉賓式燕綏之翩翩者雛烝然來思君子有酒嘉賓式燕又思南有臺北山有萊樂只君子邦家之基樂只君子萬壽無期南山有桑北山有楊樂只君子邦家之光樂只君子萬壽無疆南山有杞北山有李樂只君子民之父母樂只君子德音不已南山有栲北山有桤樂只君子遐不眉壽樂只君子德音是茂南山有枸北山有棟樂只君子遐不黃耇樂只君子保艾爾後〔詩序〕南有嘉魚樂與賢也太平之君子至誠樂與賢者共之也南山有臺樂得賢也得賢則能為邦家立太平之基也由庚萬物得由其道也崇丘萬物得極其高大也由儀萬物之生各得其宜也有其義而亡其辭○朱子曰按儀禮鄉飲酒及燕禮歌鹿鳴四牡皇皇有華然後奏南陔白華華黍南陔以下不言歌則有聲無詞明矣前樂既畢皆閒歌魚麗笙由庚歌南有嘉魚笙崇丘歌南山有臺笙由儀閒代也言一歌一吹也然則此六者蓋一時之詩而皆為燕饗通用之樂毛公分魯麗以足前什而說蓼彼蕭斯零露漙兮既見君子我心寫兮燕者不際遂分魚麗以上為文武詩嘉魚以下為成王詩其失甚矣蓼彼蕭斯零露漙兮既見君子我心寫兮燕

笑語兮。是以有譽處兮。蓼彼蕭斯。零露瀼瀼。既見君子。爲龍爲光。其德不爽。壽考不忘。蓼彼蕭斯。零露泥泥。既見君子。孔燕豈弟。宜兄宜弟。令德壽豈。蓼彼蕭斯。零露濃濃。既見君子。條革沖沖。和鸞雝雝。萬福攸同。湛湛露斯。匪陽不晞。厭厭夜飲。不醉無歸。湛湛露斯。在彼豐草。厭厭夜飲。在宗載考。湛湛露斯。在彼杞棘。顯允君子。莫不令德。其桐其椅。其實離離。豈弟君子。莫不令儀。彤弓昭兮。受言藏之。我有嘉賓。中心貺之。鐘鼓既設。一朝饗之。彤弓昭兮。受言載之。我有嘉賓。中心喜之。鐘鼓既設。一朝右之。彤弓昭兮。受言囊之。我有嘉賓。中心好之。鐘鼓既設。一朝醕之。菁菁者莪。在彼中阿。既見君子。樂且有儀。菁菁者莪。在彼中沚。既見君子。我心則喜。菁菁者莪。在彼中陵。既見君子。錫我百朋。汎汎楊舟。載沈載浮。既見君子。我心則休。(詩序) 蓼蕭。澤及四海也。 滿露。天子燕諸侯也。 彤弓。天子錫有功諸侯也。 菁菁者莪。樂育材也。 君子能長育人材。則天下喜樂之矣。 朱子說。四時皆燕樂諸侯賓客之詩。 蓼蕭菁莪序非。 (薛君章句) 夫飲酒之禮。不脫屣而卽序者。謂之禮。跳而上坐者。謂之宴。能飲者飲之。不能飲者已。謂之飪。齊顏色。均衆寡。謂之沈。閉門不出者。謂之酒。故君子可以宴。可以飪。不可以沈。不可以酒。 敦彼行葦。牛羊勿踐履。方苞方體。維葉泥泥。戚戚兄弟。莫遠具爾。或肆之筵。或授之几。肆筵設席。授几有緝御。或獻或酢。洗爵奠斝。醕醢以薦。或燔或炙。嘉穀脾臄。或歌或嘏。敦弓既堅。四鍤既鈞。舍矢既均。序賓以賢。敦弓既句。既挾四鍤。四鍤如樹。序賓以不侮。曾孫維主。酒醴維醕。酌以大斗。以祈黃耆。黃耆台背。以引以翼。壽考維祺。以介景福。 既醉以酒。既飽以德。君子萬年。介爾景福。 既醉以酒。爾殽既將。君子萬年。介爾昭明。 昭明有融。高朗令終。令終有俶。公尸嘉告。其告維何。籩豆靜嘉。朋友攸攝。攝以威儀。威儀孔時。君子有孝子。孝

子不匱。永錫爾類。其類維何。室家之壺。君子萬年。永錫祚胤。其胤維何。天被爾祿。君子萬年。景命有僕。其僕維何。釐爾女士。釐爾女士。從以孫子。鳧鷖在涇。公尸來燕來寧。爾酒既清。爾殽既馨。公尸燕飲。福祿來成。鳧鷖在沙。公尸來燕來宜。爾酒既多。爾殽既嘉。公尸燕飲。福祿來爲。鳧鷖在渚。公尸來燕來處。爾酒既滑。爾殽伊脯。公尸燕飲。福祿來下。鳧鷖在淶。公尸來燕來宗。既燕于宗。福祿攸降。公尸燕飲。福祿來崇。鳧鷖在薺。公尸來止。熏熏旨酒。欣欣燔炙。芬芬公尸燕飲。無有後艱。假樂君子。顯顯令德。宜民宜人。受祿于天。保右命之。自天申之。干祿百福。子孫千億。穆穆皇皇。宜君宜王。不愆不忘。率由舊章。威儀抑抑。德音秩秩。無怨無惡。率由羣匹。受福無疆。四方之綱。之綱之紀。燕及朋友。百辟卿士。媚于天子。不解于位。民之攸暨。〔詩序〕行葦。忠厚也。周家忠厚。仁及草木。故能內睦九族。外尊事黃耆。養老乞言。以成其福祿焉。既醉。太平也。醉酒飽德。人有士君子之行焉。鳧鷖。守成也。太平之君子。能持盈守成。神祇祖考安樂之也。假樂。嘉成王也。○朱子說。行葦。疑祭畢而燕父兄耆老之詩。既醉。父兄所以答行葦之詩。鳧鷖。祭之明日。釋而賓尸之樂。假樂。疑即公尸之所以答鳧鷖者也。序皆失之。 澗酌彼行潦。挹彼注茲。可以醴饋。豈弟君子。民之攸暨。有卷者阿。飄風自南。豈弟君子。來游來歌。以矢其音。伴奭爾游矣。優游爾休矣。豈弟君子。俾爾彌爾性。似先公曾矣。爾士宇。販章亦孔之厚矣。豈弟君子。俾爾彌爾性。百神爾主矣。爾受命長矣。蕭祿爾康矣。豈弟君子。俾爾彌爾性。純嘏爾常矣。有馮有翼。有孝有德。以引以翼。豈弟君子。四方爲則。顯顯印印。如圭如璋。令聞令望。豈弟君子。四方爲綱。鳳凰于飛。翾翾其羽。亦集爰止。藹藹

王多吉士。維君子使媚于天子。鳳凰于飛。翾翾其羽。亦傳于天。藹藹王多吉士。維君子命。媚于庶人。鳳凰鳴矣。于彼高岡。梧桐生矣。于彼朝陽。萋萋萋萋。誰誰嗜嗜。君子之車。既庶且多。君子之馬。既閑且馳。矢詩不多。維以遂歌。〔詩序〕潤酌。召康公戒成王也。言皇天親有德。饗有道也。卷阿。召康公戒成王也。言

【書】王若曰。君陳。惟爾令德。孝恭惟孝。友于兄弟。克施有政。命汝尹茲東郊。敬哉。昔周公師保萬民。民懷

其德。往慎乃司。茲率厥常。懋昭周公之訓。惟民其乂。我聞曰。至治馨香。感于神明。黍稷非馨。明德惟馨。爾

尚式時。周公之猷訓。惟日孜孜。無敢逸豫。凡人未見聖。若不克見。既見聖。亦不克由聖。爾其戒哉。爾惟風

下民。惟草。圖厥政。莫或不艱。有廢有興。出入自爾師虞。庶言同則釋。爾有嘉謀嘉猷。則入告爾后于內。爾

乃順之于外。曰。斯謀斯猷。惟我后之德。嗚呼。臣人咸若。時惟良顯哉。王曰。君陳。爾惟弘周公丕訓。無依勢

作威。無倚法以削。寬而有制。從容以和。般民在辟。予曰辟。爾惟勿辟。予曰宥。爾惟勿宥。惟厥中有弗若于

汝政。弗化于汝訓。辟以止辟。乃辟。狃于姦宄。敗常亂俗。三細不宥。爾無忿疾于頑。無求備于一夫。必有忍

其乃有濟。有容德乃大。簡厥修。亦簡其或不修。慎厥良。以率其或不良。惟民生厚。因物有遷。違上所命。從

厥攸好。爾克敬典在德。時乃罔不變。允升于大猷。惟予一人膺受多福。其爾之休。終有辭於永世。〔書序〕周

命君陳分正東郊成周。作君陳。或言君陳周公子。

【史記】成王將崩。懼太子釗之不任。乃命召公畢公。率諸侯以相太子而立之。成王既崩。二公率諸侯。以

太子釗見於先王廟，申告以文王、武王之所以爲王業之不易，務在節儉，毋多欲，以篤信臨之作，顧命太子釗遂立，是爲康王。○成王在位三十七年。

【書】惟四月哉，生魄，王不懌。甲子，王乃洮頰水，相被冕服，憑玉几，乃同召太保奭、芮伯、彤伯、畢公、衛侯、毛公、師氏、虎臣、百尹、御事。王曰：嗚呼！疾大漸，惟幾，病日臻。旣彌留，恐不獲誓言嗣。茲予審訓命汝。昔君文王、武王，宣重光，奠麗陳教，則肄肄不違，用克達殷集大命。在後之侗，敬迓天威，嗣守文武大訓，無敢昏逾。今天降疾，殆弗興弗悟。爾尙明時，朕言用敬，保元子釗，弘濟于艱難。柔遠能邇，安勸小大庶邦。思夫人自亂于威儀，爾無以釗冒貢于非幾。茲旣受命，還出綴衣于庭。越翼日乙丑，王崩。太保命仲桓、南宮毛、俾爰齊侯、呂伋，以二千戈、虎賁百人，逆子釗於南門之外，延入翼室恤宅宗。丁卯，命作冊度。越七日癸酉，伯相命士須材，狄設黼屨，綴衣、黼閒、南嚮，敷重篋席，黼純、華玉仍几。西序東嚮，敷重底席，綴純、文貝仍几。東序西嚮，敷重豐席，畫純、雕玉仍几。西夾南嚮，敷重筵席，玄紛、純、漆仍几。越玉五重，陳寶、赤刀、大訓、弘璧、琬琰，在西序。大玉、夷玉、天球、河圖，在東序。胤之舞衣、大貝、鼗鼓，在西房。兌之戈、和之弓，垂之竹矢，在東房。大輅在賓階面，綴輅在阼階面，先輅在左塾之前，次輅在右塾之前。二人雀弁，執惠立于畢門之內。四人綦弁，執戈上刃，夾兩階。一人冕執劉，立于東堂。一人冕執鉞，立于西堂。一人冕執戣，立于東垂。一人冕執瞿，立于西垂。一人冕執銳，立于側階。王麻冕黼裳，由賓階墮。卿士、邦君麻冕蟻裳，入卽位。太保、太史、太宗皆麻。

冕形裳。太保承介圭。上宗奉同瑁。由阼階墜。太史秉書。由賓階墜。御王册命。曰。皇后憑玉几。道揚末命。命汝嗣訓。臨君周邦。率循大卞。燮和天下。用答揚文武之光訓。王再拜興。答曰。眇眇予末小子。其能而亂四方。以敬忌天威。乃受同瑁。王三宿三祭三咤。上宗曰。饗。太保受同降輿。以異同秉璋。以酢。授宗人同拜。王答拜。太保受同祭。嚶宅。授宗人同拜。王答拜。太保降。收諸侯出廟門俟。〔詩序〕成王將崩。命召公畢公率諸侯相康王。作顧命。王出在應門之內。太保率西方諸侯入應門左。畢公率東方諸侯入應門右。皆布乘黃朱。賓稱奉圭兼幣。曰。一二臣衛。敢執壤奠。皆再拜稽首。王義嗣德。答拜。太保暨芮伯咸進相揖。皆再拜稽首。曰。敢敬告天子。皇天改大邦殷之命。惟周文武誕受姜告。克恤西土。惟新陟王。畢協賞罰。勘定厥功。用敷遺後人休。今王敬之哉。張皇六師。無壞我高祖寡命。王若曰。庶邦侯甸男衛。惟予一人釗報誥。昔君文武丕平富。不務咎。底至齊信。用昭明于天下。則亦有熊羆之士。不二心之臣。保乂王家。用端命于上帝。昊天用訓厥道。付畀四方。乃命建侯樹屏。在我後之人。今予一二伯父。尚胥暨顧。綏爾先公之臣。服于先王。雖爾身在外。乃心罔不在王室。用奉恤厥若。無遺鞠子羞。羣公既皆聽命。相揖趨出。王釋冕。反喪服。〔書序〕康王既尸天子。遂語諸侯。作康王之誥。

【史記】康王卽位。徧告諸侯。宣告以文武之業。以申之作。康誥。故成康之際。天下安寧。刑錯四十餘年。不用。〔春秋命歷序〕成康之際。醴泉湧出。〔詩說〕大武。康王大禘。報祀成王。奏大武六成既畢。受釐陳戒之詩。吳天有成命。康王禘成王于明堂之詩。噫嘻。康王孟春祈穀于東郊。以成王配享之詩。

【書】惟十有三年六月庚午。朏越三日壬申。王朝步自宗周。至于豐。以成周之衆。命畢公保釐東郊。王若

曰嗚呼。父師惟文王武王。敷大德于天下。周克受殷命。惟周公左右先王。綏定厥家。愆殷頑民。遷于洛邑。密邇王室。式化厥訓。既歷三紀。世變風移。四方無虞。予一人以寧。道有升降。政由俗革。不臧厥臧。民罔攸勸。惟公懋德。克勤小物。弼亮四世。正色率下。罔不祇師言。嘉績多于先王。予小子垂拱仰成。王曰嗚呼。父師。今予祇命公以周公之事。往哉。旌別淑慝。表厥宅里。彰善癉惡。樹之風聲。弗率訓典。殊厥井疆。俾克畏慕。申書郊圻。慎固封守。以康四海。政貴有恆。辭尚體要。不惟好異。商俗靡靡。利口惟賢。餘風未殄。公其念哉。我聞曰。世祿之家。鮮克由禮。以蕩陵德。實悖天道。敝化奢麗。萬世同流。茲殷庶士。席寵惟舊。怙侈滅義。服美于人。驕淫矜侈。將由惡終。雖收放心。閑之惟艱。資富能訓。惟以永年。惟德惟義。時乃大訓。不由古訓。于何其訓。王曰嗚呼。父師。邦之安危。惟茲殷士。不剛不柔。厥德允修。惟周公克慎厥始。惟君陳克和厥中。惟公克成厥終。三后協心。同底于道。道洽政治。澤潤生民。四夷左衽。罔不成賴。予小子永膺多福。公其惟時成周。建無窮之基。亦有無窮之聞。子孫訓其成式。惟又嗚呼。罔曰弗克。惟既厥心。罔曰民寡。惟慎厥事。欽若先王成烈。以休于前政。

〔書序〕康王命作冊畢。分居里成周郊。作畢命。〔紀年〕十六年。王南巡狩。至九江廬山。二十四年。召康公薨。

【後漢書】康王晚朝。關雎作諷。

昔周王承文王之盛。一朝晏起。夫人不鳴璜。宮門不擊柝。關雎之人。見

幾而作。〔韓詩薛君章句〕詩人言雎鳩貞潔慎匹。以擊相求。隱蔽乎無人之處。故人君退朝。入于私宮。后妃御見有度。應門擊柝。鼓人上堂。退反燕處。體安志明。今時大人內傾于色。賢人見其萌。故諷關雎。說淑女。正容儀。以刺時。○漢書云。佩玉晏鳴。關雎歎之。臣瓚曰。此魯詩也。韓詩序云。關雎、刺時也。史記云。周道缺。詩人本之衽席。關雎作。又曰。周室衰而關雎作。楊子云。周康之時。頌聲作乎下。關雎作乎上。習治也。故習治則傷始亂也。列

女傳云。康王爰出朝。關雎預見。按關雎。正風之首篇。韓詩以爲刺時之作。魯詩以爲在康王之世。自毛詩後出。定爲文王之詩。而諸家之說始廢矣。

【史記】康王卒。子昭王瑗立。○康王在位二十六年。

成王之初立。蓋以太公爲師。周公爲傅。召公爲保。史佚爲少師。賈誼書所記是也。既而周公爲師。召公爲保。書序所稱是也。周公攝位。恐王德之不正。抗世子法於伯禽。俾王觀而習焉。遭流言之變。猶陳王業。述豳風。又作文王大明。緜諸詩。述先王之德。進無逸之書以警戒。而召公亦有公劉卷阿之篇。故成王盛德。由天資之善。而大臣夾輔之功尤多也。四國旣平。營洛定鼎。制作明備。禮樂興而頌聲作。周公云。沒遵成法而施之。晏如也。故史稱太平封禪。周德之洽。維成王及成王崩。召公畢公皆四世耆老。受顧命以輔新君。觀末命弘濟之訓。鞠子恤若之言。父子同一心也。成王有以正其終。康王有以正其始。大紀曰。康王恭敬神人。四夷賓服。民尙禮義。是時殷民胥化。命畢公保釐東都。猶兢兢安危之慮。是以成康之際。天下安寧。刑錯四十年不用。於戲。美哉。

釋史卷二十六

三代第十六

穆王命官訓刑 巡遊并載

【史記】昭王之時王道微缺昭王南巡狩不返卒于江上其卒不赴告諱之也。〔紀年〕昭王四十年夏四月。漢·遇大兕。昭王末年。有星孛見。光五色。貫於紫微。荆人卑辭致于王曰。願獻白雉。乃密使漢濱之人膠船以待。王遂南巡狩。將抵于漢。天大曠。雉兔皆震。喪六師于漢。時王至中流。膠液。船解。王及祭公辛餘靡皆溺。〔楚辭注〕昭王背成王之制而出遊。南至于楚。楚人沈之。而遂不還。此為越裳氏獻白雉。昭王德不能致。欲親往逢迎之乎。

【帝王世紀】昭王德衰南征濟于漢船人惡之以膠船進王王御船至中流膠液船解王及祭公俱沒于水中而崩其右辛游靡長臂且多力游振得王周人諱之。〔呂氏春秋〕周昭王親將征荆。辛餘靡長且多力。為王振王。比濟。又反振蔡公周公。乃侯之於西翟。實為長公。殷整甲徙宅西河。猶思故處。實始作為西音。長公繼是音以處西山。秦穆公取鳳焉。實始作為秦音。○此以船解為梁敗。又辛餘靡以振王得侯。是昭王不死矣。所聞駭異。〔刀劍錄〕周昭王瑕在位五十一年。以二年歲次壬午鑄五劍。各投五嶽。銘曰鎮嶽尚方。古文篆書。長五尺。〔尚書中候〕昭王之時。鼓鐘之詩所為作。

【史記】立昭王子滿是為穆王穆王即位春秋已五十矣。〔紀年〕自武王至穆王。享國百年。穆王以下都于南鄭。○晉書云。非。穆王壽百歲也。王道衰微穆王閱文武之道缺乃命伯翳申誡太僕國之政作驪命復寧

【書】王若曰嗚呼君牙惟乃祖乃父世篤忠貞服勞王家厥有成績紀于太常惟予小子嗣守文武成康

遺緒亦惟先王之臣。克左右亂四方。心之憂危。若蹈虎尾。涉于春冰。今命爾予翼。作股肱心膂。續乃舊服。無忝祖考。弘敷五典。式和民則。爾身克正。罔敢弗正。民心罔中。惟爾之中。夏暑雨。小民惟曰怨咨。冬祁寒。小民亦惟曰怨咨。厥惟艱哉。思其艱以圖其易。民乃寧。嗚呼。丕顯爾文。王謨丕承哉。武王烈。啓佑我後人。咸以正罔缺。爾惟敬明乃訓。用奉若于先王。對揚文武之光命。追配于前人。王若曰。君牙。乃惟由先正舊典。時式。民之治亂在茲。率乃祖考之攸行。昭乃辟之有乂。〔書序〕穆王命君牙爲周大司徒。作君牙。王若曰。伯冏。惟予弗克于德。嗣先人宅丕后。怵惕惟厲。中夜以興。思免厥愆。昔在文武。聰明齊聖。小大之臣。咸懷忠良。其侍御僕從。罔匪正人。以旦夕承弼厥辟。出入起居。罔有不欽。發施號令。罔有不臧。下民祇若。萬邦咸休。惟予一人無良。實賴左右前後有位之士。匡其不及。繩愆糾繆。格其非心。俾克紹先烈。今予命汝作大正。正于羣僕侍御之臣。懋乃后德。交修不逮。慎簡乃僚。無以巧言令色。便辟側媚。其惟吉士。僕臣正。厥后克正。僕臣諛。厥后自聖。后德惟臣。不德惟臣。爾無昵于儉人。充耳目之官。迪上以非先王之典。非人其吉。惟貨其吉。若時瘝厥官。惟爾大弗克。祇厥辟。惟予汝辜。王曰。嗚呼。欽哉。永弼乃后于彛憲。〔書序〕穆王命伯冏爲周大僕正。作罔命。○呂氏曰。君牙。罔命。穆王初年之書也。大紀係之三年。若史記。則罔命是其初卽位之年矣。金仁山曰。君牙。初年方新之書也。罔命。中年自克之書也。呂刑。晚年之書也。

【史記】惡來弟曰季勝。季勝生孟增。孟增幸於周成王。是爲宅皐狼。皐狼生衡父。衡父生造父。造父幸於周繆王。造父取驥之乘匹。與桃林盜驪驪騮耳。獻之繆王。繆王使造父御。西巡狩。見西王母。樂之忘歸。

而徐偃王反。繆王日馳千里馬，攻徐偃王，大破之。乃賜造父以趙城。由此爲趙氏。

〔紀年〕北唐之君來見。一驄馬，是生綠耳。述

異記〕東海島龍川。穆天子養八駿處也。島中有草名龍芻，馬食之。一日千里。古語云：「一秣龍芻，化爲龍駒。」拾遺記〕穆王巡行天下，馭黃金碧玉之車，傍雲乘風，起朝陽之岳，自明及晦，窮萬縣之表，有書史十人，記其所行之地。又副以瑤華之輪一乘，隨王之後，以載其書也。王馭八龍之駿，一名絕地，足不踐土。二名翻羽，行越飛禽。三名奔霄，夜行萬里，四名超影，隨日而行。五名踰輝，毛色炳耀。六名超光，一形十影。七名騰霧，乘雲而奔。八名挾翼，身生肉翅，遞而駕焉。按轡徐行，以匝天地之域。王神智遠謀，使迹轂徧於四海。故絕異之物不期而自服焉。○八駿之名，與穆傳異，不知子年何據。

【列子】造父之師曰秦豆氏。造父之始從習御也，執禮甚卑。秦豆三年不告。造父執禮愈謹，乃告之曰：古詩言：良弓之子，必先爲箕；良冶之子，必先爲裘。汝先觀吾趣，趣如吾，然後六轡可持。六馬可御。造父曰：唯命所從。秦豆乃立木爲塗，僅可容足，計步而置履之，而行趣走往還，無跌失也。造父學之三日，盡其巧。秦豆歎曰：子何其敏也，得之捷乎！凡所御者，亦如此也。曩汝之行，得之於足，應之於心，推於御也。齊輯乎轡，銜之際，而急緩乎脣吻之和，正度乎胸臆之中，而執節乎掌握之間，內得於中心，而外合於馬志，是故能進退履繩，而旋曲中規矩，取道致遠，而氣力有餘，誠得其術也。得之於銜，應之於轡，應之於手，得之於手，應之於心，則不以目視，不以策驅，心閑體正，六轡不亂，而二十四蹄，所投無差，迴旋進退，莫不中節。然後輿輪之外，可使無餘轍；馬蹄之外，可使無餘地；未嘗覺山谷之峻，原隰之夷，視之一也。吾術窮矣，汝其識之。周穆王時，西極之國有化人來，入水火，貫金石，反山川，移城邑，乘虛不墜，觸石不破，千變萬化，不可窮極。旣已變物之形，又且易人之慮。穆王敬之若神，事之若君，推露寢以居之，引三牲以進之。

選女樂以娛之。化人以爲王之宮室。卑陋而不可處。王之廚饌。腥螻而不可饗。王之嬪御。臆惡而不可親。穆王乃爲之改築。土木之功。赭堊之色。無遺巧焉。五府爲虛。而臺始成。其高千仞。臨終南之上。號曰中天之臺。簡鄭衛之處。子娥媼靡曼者。施芳澤。正蛾眉。設笄珥。衣阿錫。曳齊紈。粉白黛黑。珮玉環。雜芷若以滿之。奏承雲六瑩九韶晨露以樂之。月月獻玉衣。旦旦薦玉食。化人猶不舍然。不得已而臨之。居亡幾何。謁王同遊。王執化人之祛。騰而上者。中天迺止。暨及化人之宮。化人之宮。構以金銀。絡以珠玉。出雲雨之上。而不知下之據。望之若屯雲焉。耳目所觀聽。鼻口所納嘗。皆非人間之有。王實以爲清都紫微。鈞天廣樂。帝之所居。王俯而視之。其宮榭若累塊積蘇焉。王自以居數十年。不思其國也。化人復謁王同遊。所及之處。仰不見日月。俯不見河海。光影所照。王目眩不能得視。音響所來。王耳亂不能得聽。百骸六藏。悸而不凝。意迷精爽。請化人求還。化人移之。王若殞虛焉。旣寤。所坐猶嚮者之處。侍御猶嚮者之人。視其前。則酒未清。肴未晞。王問所從來。左右曰。王默存耳。由此穆王自失者三月。而復更問化人。化人曰。吾與王神遊也。形奚動哉。且曩之所居。奚異王之宮。曩之所遊。奚異王之圃。王閒恆疑。整亡變化之極。疾徐之閒。可盡模哉。王大說。不恤國事。不樂臣妾。肆意遠遊。命駕八駿之乘。右服藟騶而左綠耳。右騶赤驥而左白藥。主車則造父爲御。籬籒爲右。次車之乘。右服渠黃而左踰輪。左騶盜驪而右山子。栢天主車。參百爲御。奔戎爲右。馳驅千里。至于巨蒐氏之國。巨蒐氏乃獻白鵠之血。以飲王。具牛馬之漣。以洗王之足。及二乘之人。

已飲而行。遂宿于崑崙之阿。赤水之陽。別日升崑崙之丘。以觀黃帝之宮而封之。以詒後世。遂賓于西王母。觴于瑤池之上。西王母爲王謠。王和之。其辭哀焉。迺觀日之所入。一日行萬里。王乃歎曰。於乎。予一人不盈于德。而諧於樂。後世其追數吾過乎。穆王幾神人哉。能窮當身之樂。猶百年。乃徂。世以爲登假焉。前編曰。列子多寓言。而穆天子傳又多附會難信。今以其末有自悔之辭。姑存之。

【穆天子傳】飲天子濁山之上。戊寅。天子北征。乃絕漳水。庚辰。至于□。觴天子于盤石之上。天子乃奏廣樂。載立不舍。至于鈺山之下。癸未。雨雪。天子獵于鈺山之西阿。於是得絕鈺山之隊。北循虜沱之陽。乙酉。天子北升于□。天子北征于犬戎。犬戎□胡觴天子于當水之陽。天子乃樂□。賜七萃之士戰。庚寅。北風雨雪。天子以寒之故。命王屬休。甲午。天子西征。乃絕隴之關。陞已亥。至于焉。居禺知之平。辛丑。天子西征。至于鄘人。河宗之子孫鄘栢絮。且逆天子于智之□。先豹皮十。良馬二六。天子使井利受之。癸酉。天子舍于漆澤。乃西釣于河。以觀□智之□。甲辰。天子獵于滲澤。於是得白狐。玄貉焉。以祭于河宗。丙午。天子飲于河水之阿。天子屬六師之人于鄘邦之南。滲澤之上。戊寅。天子西征。驚行至于陽紆之山。河伯無夷之所都居。是惟河宗氏。河宗伯天。逆天子燕然之山。勞用束帛加璧。先白□。天子使鄒父受之。癸丑。天子大朝于燕□之山。河水之阿。乃命井利梁固。聿將六師。天子命吉日戊午。天子大服冕禕。帔帶摺。帑夾佩。奉璧。南面立于寒下。曾祝佐之。官人陳牲全五□具。天子授河宗璧。河宗伯天受璧。西向沈璧于河。再拜稽

首祝陳牛馬豕羊。河宗□命于皇天子。河伯號之。帝曰穆滿。女當永致用。豈事南向再拜。河宗又號之。帝曰穆滿。示女春山之瑤。詔女昆侖。□舍四平泉七十。乃至于昆侖之丘。以觀春山之瑤。賜語晦。天子受命。南向再拜。已未。天子大朝于黃之山。乃披圖視典。用觀天子之瑤器。曰天子之瑤。玉果。璿珠。燭銀。黃金之膏。天子之瑤。萬金。□瑤百金。士之瑤五十金。鹿人之瑤十金。天子之弓。射人步劍。牛馬犀。□器千金。天子之馬。走千里。勝人猛獸。天子之狗。走百里。執虎豹。伯天曰。征鳥使翼。曰□烏鳶。鸛雞。飛八百里。名獸使足。□走千里。狡狴。□野馬。走五百里。叩叩距虛。走百里。麋。□二十里。曰伯天。皆致河典。乃乘渠黃之乘。爲天子先。以極西土。乙丑。天子西濟于河。□爰有溫谷樂都。河宗氏之所遊居。丙寅。天子屬官效器。乃命正公。郊父受敕。憲用伸。□八駿之乘。以飲于枝。持之中。積石之南河。天子之駿。赤驥。盜驪。白義。踰輪。山子。渠黃。華駟。綠耳。狗。重工。徹止。藿猓。□黃南。□來白。天子之御。造父。三百。耿脩。芍及。曰天子是與。出。□入。藪。田獵。釣弋。天子曰。於乎。予一人不盈于德。而辨于樂。後世亦追數吾過乎。七萃之士。□天子曰。後世所望。無失天常。農工既得。男女衣食。百姓瑤富。官人執事。故天有豈民。□氏響曰。何謀於樂。何意之忘。與民其利。世以爲常也。天子嘉之。賜以左佩華也。再拜頓首。(博物志)周穆王有犬名耗。毛白。□伯天曰。□封膜。畫于河水之陽。以爲般人主。丁巳。天子西南升。□之所主居。爰有大木。碩草。爰有野獸。可以畋獵。戊午。壽。□之人居慮。獻酒百。□于天子。天子已飲而行。遂宿于昆侖之阿。赤水之陽。爰有鸚鳥之山。天子三日。舍于鸚鳥之山。□吉日。

辛酉。天子升于昆侖之丘。以觀黃帝之宮。而豐□隆之葬。以詔後世。癸亥。天子具蠲齊牲。全以禮□昆侖之丘。甲子。天子北征。舍于珠澤。以釣于流小。曰珠澤之藪。方三十里。爰有藿葦。莞蒲。茅蕙。蒹葭。乃獻白玉。□隻。□角之一。□三。可以□沐。乃進食。□酒十。□姑劑九。□元味。中糜。胃而滑。因獻食。馬三百。牛羊三千。天子□昆侖。以守黃帝之宮。南司赤水。而北守春山之寶。天子乃□之人。□吾黃金之環三五。珠帶。貝飾三十。工布之四。□吾乃膜拜而受。天子又與之黃牛二六。以三十。□人于昆侖丘。季夏丁卯。天子北升于春山之上。以望四野。曰春山。是唯天下之高山也。孳木。□華畏雪。天子於是取孳木華之實。曰春山之澤。清水出泉。溫和不風。飛鳥百獸之所飲食。先王所謂縣圃。天子於是得玉策枝斯之英。曰春山百獸之所聚也。飛鳥之所棲也。爰有□獸。食虎豹。如麋而載骨盤。□始如鷹。小頭大鼻。爰有赤豹。白虎。熊。羆。豺。狼。野馬。野牛。山羊。野豕。爰有白鳥青鸞。執犬羊。食豕鹿。曰天子五日觀于春山之上。乃爲銘迹於春山之上。以詔後世。壬申。天子西征。甲戌。至於赤鳥之人。其獻酒千斛于天子。食馬九百。羊牛三千。糶麥百載。天子使祭父受之。曰赤鳥氏。先出自周宗。太王亶父之始。作西土。封其元子吳太伯于東吳。詔以金刃之刑。賄用周室之璧。封丌璧臣長季綽于春山之風。妻以元女。詔以玉石之刑。以爲周室主。天子乃賜赤鳥之人。□其墨乘四。黃金四十。鑑貝帶五千。朱三百。褰丌乃膜拜而受。曰□山。是唯天下之良山也。寶玉之所在。嘉穀生之。草木碩美。天子於是取嘉禾以歸。樹于中國。曰天子五日休于□山之下。乃奏廣樂。赤鳥之人丌

好獻女于天子。女聽女列爲嬖人。曰赤烏氏。美人之地也。寶玉之所在也。己卯。天子北征。趙行。舍。庚辰。濟于泮水。辛巳。入于曹奴之人。戲觴天子于泮水之上。乃獻食。馬九百。牛羊七千。糗米百車。天子使逢固受之。天子乃賜曹奴之人戲。黃金之鹿。銀鷹。貝帶四十。朱四百。褰戲。乃膜拜而受。壬午。天子北征。東還。甲申。至于黑水。西膜之。所謂鴻鸞。於是降雨七日。天子留骨六師之屬。天子乃封長肱于黑水之西河。是惟鴻鸞之上。以爲周室主。是曰留骨之邦。辛卯。天子北征。東還。乃循黑水。癸巳。至于羣玉之山。容。氏之所守。曰羣玉田山。知阿平無險。四徹中繩。先王之所謂策府。寡草木而無鳥獸。爰有。木。西膜之所謂。天子於是取玉三乘。玉器服物。於是載玉萬雙。天子四日休羣玉之山。乃命邢侯待攻玉者。孟秋。丁酉。天子北征。之人潛時。觴天子于羽陵之上。乃獻良馬。牛。羊。天子以其邦之攻玉石也。不受其牢。伯天曰。氏檻。之後也。天子乃賜之黃金之罍。三。六。朱三百。褰。潛時。乃膜拜而受。戊戌。天子西征。辛丑。至于劓閭氏。天子乃命劓閭氏供食六師之人。于鐵山之下。壬寅。天子登于鐵山。乃徹祭器于劓閭之人。溫歸。乃膜拜而受。天子已祭而行。乃遂西征。丙午。至于鸚韓氏。爰有樂野。溫。和。稜。麥之所草。犬。馬。牛。羊之所昌。寶玉之所。丁未。天子大朝于平衍之中。乃命六師之屬休。己酉。天子大饗。正公。諸侯。王。吏。七。萃之士。于平衍之中。鸚韓之人無鳧。乃獻良馬百匹。用牛三百。良犬七千。牝牛二百。野馬三百。牛羊二千。糗麥三百車。天子乃賜之黃金銀罍四。七。貝帶五十。朱三百。褰。變。雕官無鳧。上下乃膜拜而受。庚戌。天子西征。至于

玄池。天子三日休于玄池之上。乃奏廣樂。三日而終。是曰樂池。天子乃樹之竹。是曰竹林。癸丑。乃遂西征。丙辰。至于苦山。西膜之所謂茂苑。天子於是休獵。於是食苦。丁巳。天子西征。己未。宿于黃鼠之山西。乃遂西征。癸亥。至于西王母之邦。吉日甲子。天子賓于西王母。乃執白圭玄璧以見西王母。好獻錦組百純。組三百純。西王母再拜受之。乙丑。天子觴西王母于瑤池之上。西王母爲天子謠曰。白雲在天。山際自出。道里悠遠。山川閒之。將子無死。尙能復來。天子答之曰。予歸東土。和治諸夏。萬民平均。吾願見汝。比及三年。將復而野。天子遂驅。升于弇山。乃紀丌跡于弇山之石。而樹之槐。眉曰。西王母之山。西王母之山。還歸丌。世民作憂以吟曰。比徂西土。爰居其野。虎豹爲羣。於鵠與處。嘉命不遷。我惟帝。天子大命。而不可稱。顧世民之恩。流涕踴隕。吹笙鼓簧。中心翔翔。世民之子。唯天之望。丁未。天子飲于溫山。考鳥已酉。天子飲于潏水之上。乃發憲命。詔六師之人。其羽。爰有藪水澤。爰有陵衍平陸。碩鳥解羽。六師之人。畢至于曠原。曰。天子三月舍于曠原。天子大饗正公諸侯王勤七萃之士。于羽躔之上。乃奏廣樂。六師之人。翔吹于曠原。得獲無疆。鳥獸絕羣。六師之人。大畋九日。乃駐于羽之。收皮效物。債車受載。天子於是載羽百車。己亥。天子東歸。六師起。庚子。至于之山。而休以待六師之人。庚辰。天子東征。癸未。至于戊之山。智氏之所處。智往。天子于戊之山。勞用白驂二疋。野馬野牛四十。守犬七十。乃獻食馬四百。牛羊三千。曰。智氏。天子北遊于獮子之澤。智氏之夫。獻酒百于天子。天子賜之狗瓏采。黃

金之罍二九。貝帶四十。朱丹三百。裹桂薑百。□乃膜拜而受。乙酉。天子南征。東還。己丑。至于獻水。乃遂東征。飲而行。乃遂東南。己亥。至于瓜纒之山。三周若城。闕氏胡氏之所保。天子乃遂東征。南絕沙衍。辛丑。天子渴于沙衍。求飲。未至。七萃之士高奔戎刺其左驂之頸。取其青血。以飲天子。天子美之。乃賜奔戎佩玉一隻。奔戎再拜頓首。天子乃遂南征。甲辰。至于積山之邈。爰有蔓栢。曰。尋余之人。命懷獻酒于天子。天子賜之黃金之罍。貝帶。朱丹七十。裹。諸飭乃膜拜而受之。〔紀年〕穆王十三年。西征于青鳥之所。穆王北征。行積羽千里。〔拾遺記〕王東巡天駒之谷。指春宵宮。集諸方士仙術之要。而螭鵠龍蛇之類。奇種憑空而出。時已將夜。王設常生之燈。以自照。一名恆輝。又列瑤膏之燭。徧於宮內。又有鳳麟之燈。又有冰荷者。出冰壑之中。取此花以覆燈。七八尺。不欲使光明遠也。西王母乘翠鳳之輦而來。前導以文虎豹。後歷雕麟紫羆。曳丹玉之履。敷碧蒲之席。黃莞之薦。共玉帳高會。薦清澄琬瑛之膏。以爲酒。又進洞淵紅醴。嗽州甜雪。崐流素蓮。陰岐黑棗。萬歲冰桃。干常碧藕。青花白橘。奏環天之和樂。列以重霄之寶器。器則有峯華鑿管。曉澤雕鐘。具山靜瑟。浮瀛羽磬。撫節按歌。萬靈皆聚。西王母與穆王歡歌既畢。乃命昇駕雲而去。庚辰。至于滔水。濁絲氏之所食。辛巳。天子東征。癸未。至于蘇谷。骨飭氏之所衣被。乃遂南征。東還。丙戌。至于長泲。重醜氏之西疆。丁亥。天子升于長泲。乃遂東征。庚寅。至于重醜氏。黑水之阿。爰有野麥。爰有蒼堇。西膜之所謂木禾。重醜氏之所食。爰有采石之山。重醜氏之所守。曰。枝斯。璿瑰。瓊瑤。琅玕。玲瓏。玕璣。徽尾。凡好石之器。於是山。孟秋癸巳。天子命重醜氏共食。天子之屬。五日。丁酉。天子升于采石之山。於是取采石焉。天子使重醜之民鑄以成器。于黑水之上。器服物佩好無彊。曰。天子一月休。秋癸亥。天子觴重醜之人。饌獵。乃賜之黃金之罍二九。銀鳥一隻。

貝帶五十。朱七百裹。箠箭桂薑百閔。絲纒雕官。餼獵乃膜拜而受。乙丑。天子東征。餼獵送天子至于長沙之山。○隻。天子使栢天受之。栢天曰。重醜氏之先。三苗氏之。○處以黃木。醜銀采。○乃膜拜而受。丙寅。天子東征。南還。己巳。至于文山。西膜之所謂。○觴。天子千文山。西膜之人乃獻食。馬三百。牛羊二千。糶米千車。天子使畢矩受之。曰。○天子三日遊于文山。於是取采石。壬寅。天子飲于文山之下。文山之人歸遺。乃獻良馬十駟。用牛三百。守狗九十。牝牛二百。以行流沙。天子之豪馬。豪牛。尨狗。豪羊。以三十祭文山。又賜之黃金之罍二九。貝帶三十。朱三百裹。桂薑百閔。歸遺乃膜拜而受。癸酉。天子命駕八駿之乘。右服黼騶而左綠耳。右騶赤鼈而左白俄。天子主車。造父爲御。僮僮爲右。次車之乘。右服渠黃而左踰輪。右騶盜驪而左山子。栢天主車。參百爲御。奔戎爲右。天子乃遂東南。翔行馳驅千里。至于巨蒐之人。獼奴乃獻白鵠之血。以飲天子。因具牛羊之湏。以洗天子之足。及二乘之人。甲戌。巨蒐之獼奴。觴天子于焚留之山。乃獻馬三百。牛羊五千。秋麥千車。膜稷三十車。天子使栢天受之。好獻枝斯之石四十。箇縮覺。髓珙。佩百隻。琅玕四十。躡。躡十篋。天子使造父受之。○乃賜之銀木。醜采。黃金之罍二九。貝帶四十。朱三百裹。桂薑百閔。獼奴乃膜拜而受。乙亥。天子南征。陽紆之東尾。乃遂絕。躡。躡之谷。已至于纒。纒。河之水北阿。爰有鬻。鬻之。○河伯之孫。事皇。天子之山。有模。董。其葉是食。明后。天子嘉之。賜以佩玉一隻。栢天再拜稽首。癸丑。天子東征。栢天送天子至于鄠人。鄠伯。絮。觴天子于澡澤之上。斲多之。汭。河水之所南還。曰。天子五日休于澡。

澤之上。以待六師之人。戊午。天子東征。顧命栢夭歸于丁邦。天子曰。河宗正也。栢夭再拜稽首。天子南還。升于長松之墜。孟冬壬戌。至于雷首。犬戎胡觴天子于雷首之阿。乃獻食馬四六。天子使孔牙受之。曰。雷水之平寒。寡人具犬馬羊牛。爰有黑牛白角。爰有黑羊白血。癸亥。天子南征。升于鼈之墜。丙寅。天子至于鉞山之隊。東升于三道之墜。乃宿于二邊。命毛班逢固先至于周。以待天之命。癸酉。天子命駕八駿之乘。赤驥之駟。造父爲御。南征。翔行逕絕翟道。升于太行。南濟于河。馳驅千里。遂入于宗。周官人進白鵠之血。以飲天子。以洗天子之足。造父乃具羊之血。以飲四馬之乘。一庚辰。天子大朝于宗周之廟。乃里西土之數。曰。自宗周灑水以西。至于河宗之邦。陽紆之山。三千有四百里。自陽紆西至于西夏氏。二千又五百里。自西夏至于珠余氏。及河首。千又五百里。自河首襄山以西南。至于春山珠澤。昆侖之丘。七百里。自春山以西。至于赤烏氏春山。三百里。東北還至于羣玉之山。截春山以北。自羣玉之山以西。至于西王母之邦。三千里。自西王母之邦。北至于曠原之野。飛鳥之所解其羽。千有九百里。宗周至于西北大曠原。萬四千里。乃還東南。復至于陽紆。七千里。還歸于周。三千里。各行兼數。三萬有五千里。吉日甲申。天子祭于宗周之廟。乙酉。天子。六師之人于洛水之上。丁亥。天子北濟于河。羗之隊。以西北升于盟門。九河之墜。乃遂西南。仲冬壬辰。至于彙山之上。乃奏廣樂。三日而終。吉日丁酉。天子入于南鄭。〔紀年〕穆王西征。還里天下。儻有九萬里。〔歸藏〕昔穆王天子策四征。不吉。曰。龍降於天。而道里修遠。飛而冲天。蒼其羽。〔詩傳〕圻招。道穆王西征。祭公述民怨以。作圻招。○逸詩辭見左傳。作圻招。

【列子】周穆王西巡狩。越崑崙。下至弇山。反還。未及中國。道有獻工人名偃師。穆王薦之。問曰。若有何能。偃師曰。臣唯命所試。然臣已有所造。願王先觀之。穆王曰。日以俱來。吾與若俱觀之。翌日。偃師謁見。王薦之曰。若與偕來者何人。對曰。臣之所造能倡者。穆王驚視之。趣步俯仰。信人也。巧夫鎮其頤。則歌合律。捧其手。則舞應節。千變萬化。唯意所適。王以爲實人也。與盛姬內御竝觀之。技將終。倡者瞬其目而招王。之左右侍妾。王大怒。立欲誅偃師。偃師大懼。立剖散倡者以示王。皆傅會革木膠漆白黑丹青之所爲。王諦料之。內則肝膽心肺脾胃腸胃。外則筋骨支節皮毛齒髮。皆假物也。而無不畢具者。合會復如初。見王試廢其心。則口不能言。廢其肝。則目不能視。廢其腎。則足不能步。穆王始說而歎曰。人之巧。乃可與造化者同功乎。詔貳車載之以歸。夫班輸之雲梯。墨翟之飛鳶。自謂能之極也。弟子東門賈。禽滑釐。聞偃師之巧。以告二子。二子終身不敢語藝。而時執規矩。

【穆天子傳】寶處曰。天子四日休于濩澤。於是射鳥獵獸。丁丑。天子曰。雨乃至。祭父自圃鄭來謁。留昆歸。玉百枚。陵翟致賂。良馬百駟。歸畢之寶。以詰其成。陵子曷胡曰。東牡。見許男子于滄上。祭父以天子命辭曰。去茲羔。用玉帛。見許男不敢辭。還取束帛加璧。毛公舉幣。玉是日也。天子飲許男子于滄上。天子曰。朕非許邦而恤百姓。咎氏宴飲。毋有禮。許男不敢辭。升坐于出尊。乃用宴樂。天子賜許男駿馬十六。許男降。再拜空首。乃升。平坐。及暮。天子遣許男歸。癸亥。天子乘鳥舟龍。卒浮于大沼。夏庚午。天子飲于滄上。乃

遣祭父如圃鄭用□諸侯辛未天子北還釣于漸澤食魚于桑野丁丑天子里圃田之路東至于房西至
 于□丘南至于桑野北盡經林蕞□之藪南北五十□十虞東虞曰兔臺西虞曰櫟丘南虞曰□富丘北
 虞曰相其御虞曰□來十虞所□辰天子次于軍丘以畋于藪□甲寅天子作居范宮以觀桑者乃飲于
 桑中天子命桑虞出□桑者用禁彘人仲夏甲申天子□所庚寅天子西游乃宿于祭壬辰祭公飲天子
 酒乃歌鬪天之詩天子命歌南山有飴乃紹宴樂丁酉天子作臺以爲西居壬寅天子東至于雀梁甲辰
 浮于滎水乃奏廣樂季夏庚□休于范宮仲秋丁巳天子射鹿于林中乃飲于孟氏爰舞白鶴二八還宿
 于雀梁季秋辛巳天子司戎于□來虞人次御孟冬鳥至王臣□弋仲冬丁酉天子射獸休于深蘊得麋
 麋豕鹿四百有二十得二虎九狼乃祭于先王命庖人熟之戊戌天子西游射于中□方落草木鮮命虞
 人掠林除藪以爲百姓材是日也天子北入于邴與井公博三日而決辛丑塞至于臺乃大暑除天子居
 于臺以聽天下之遠方□之數而衆從之是以選扞乃載之神人□之能數也乃左右望之天子樂之命
 爲□而時□焉□其名曰□公去乘人□猶□有虎在乎葭中天子將至七萃之士高奔戎請生捕虎必
 全之乃生捕虎而獻之天子命之爲柙而畜之東虞是爲虎牢天子賜奔戎駉馬十駟歸之大牢奔戎再
 拜詣首丙辰天子北遊于林中乃大受命而歸仲秋甲戌天子東遊次于雀梁□蠶書于羽林季秋□乃
 宿于防畢人告戎曰陵翟來侵天子使孟愈如畢討戎霍侯舊告薨天子臨于軍丘狩于藪季冬甲戌天

子東遊，飲于留祈，射于麗虎，讀書于勅丘。○獻酒于天子，乃奏廣樂。天子遣其靈鼓，乃化爲黃蛇。是日，天子鼓道其下而鳴，乃樹之桐，以爲鼓，則神且鳴，則利于戎，以爲琴，則利。○于黃澤，東遊于黃澤，宿于曲洛。廢。○使宮樂謠曰：黃之池，其馬歎沙，皇人威儀，黃之澤，其馬歎玉，皇人受穀，丙辰，天子南遊于黃。○室之丘，以觀夏后啓之所居，乃。○于啓室，天子筮獵萃澤，其卦遇訟三三，逢公占之，曰：訟之繇，藪澤蒼蒼，其中。○宜其正公，戎事則從，祭祀則熹，畋獵則獲。○飲逢公酒，賜之駿馬十六，絺紵三十篋，逢公再拜稽首，賜筮史狐。○有陰雨，夢神有事，是謂重陰，天子乃休，日中大寒，北風雨雪，有凍人，天子作詩三章，以哀民，曰：我徂黃竹。○員闕寒，帝收九行，嗟我公侯，百卿冢卿，皇我萬民，旦夕勿忘，我徂黃竹。○員闕寒，帝收九行，嗟我公侯，百辟冢卿，皇我萬民，旦夕勿窮，有蛟者，駘駘其飛，嗟我公侯。○勿則遷，居樂甚寡，不如遷土，禮樂其民。天子曰：余一人則淫，不皇萬民。○登，乃宿于黃竹，天子夢羿射于塗山，祭公占之，疏。○之。○乃宿于曲山，壬申，天子西升于曲山。○天子西征，升九阿，南宿于丹黃，戊寅，天子西升于陽。○過于靈。○井公博，乃駕鹿以遊于山上，爲之石主而。○寘軫，乃次于洹水之陽，吉日丁亥，天子入于南鄭。

若鳩·翻飛而跼於衡·御者斃之以策·馬佚·不克止之·躓於乘·傷帝左股·○文選注引·

〔古文周書〕穆王田·有黑鳥

【博物志】徐君宮人娠而生卵，以爲不祥，棄之水濱，獨孤母有犬名鵠蒼，獵於水濱，得所棄卵，銜以東歸，獨孤母以爲異，覆煖之，遂蠕成兒，生時正偃，故以爲名，徐君宮中聞之，乃更錄取，長而仁智，襲徐君國，後

鴻蒼臨死，生角而九尾，實黃龍也。偃王令葬之徐界，生今見狗壘。偃王既有國，仁義著聞，欲舟行上國，乃通溝陳蔡之間，得朱弓矢，以已得天瑞，遂因名爲弓，自稱徐偃王。江淮諸侯多伏從，伏從者三十六國。周穆王聞之，遣使乘駟，一日至楚，使伐之。偃王仁，不忍鬪害其民，爲楚所敗，逃走彭城武原縣東山下，百姓隨之者以萬數。後遂名其山爲徐山，山上立石室，有神靈，民人祈禱，今皆見存。〔荀子〕徐偃王之狀，目可瞻焉。故曰偃也。徐偃王好怪，使人沒深水而得怪魚，入深山而得怪獸，多列於庭。○山海經注引。

【後漢書】徐夷僭號，乃率九夷以伐宗周。西至河上，穆王畏其方熾，乃分東方諸侯，命徐偃王主之。偃王處潢池東，地方五百里，行仁義，陸地而朝者三十有六國。穆王後得驥驂之乘，乃使造父御以告楚。今伐徐，一日而至，於是楚文王大舉兵而滅之。偃王仁而無權，不忍鬪其人，故致於敗，乃北走彭城武原縣東山下，百姓隨之者以萬數，因名其山爲徐山。○楚文王誤。

【說苑】王孫厲謂楚文王曰：徐偃王好行仁義之道，漢東諸侯三十二國盡服矣。王若不伐，楚必事徐。王曰：若信有道，不可伐也。對曰：大之伐小，強之伐弱，猶大魚之吞小魚也。若虎之食豚也，惡有其不得理。文王遂興師伐徐，殘之。徐偃王將死，曰：吾賴於文德，而不明武備，好行仁義之道，而不知詐人之心，以至於此。夫古之亡者，其有備乎？○說苑後漢書、作楚文王。淮南子又作楚莊王。皆在春秋時。去周穆王遠矣。史記伐徐事，不載於周本紀，而見於秦趙之篇。豈亦闕疑之義與。

【國語】穆王將征犬戎，祭公謀父諫曰：不可。先王耀德不觀兵，夫兵戢而時動，動則威，觀則玩，玩則無震。

是故周文公之頌曰：載戢干戈，載櫜弓矢。我求懿德，肆于時夏。允王保之。先王之於民也，茂正其德而厚其性，阜其財求而利其器用，明利害之鄉，以文修之，使務利而避害，懷德而畏威，故能保世以滋大。昔我先世后稷，以服事虞夏。及夏之衰也，棄稷弗務。我先王不窋，用失其官，而自竄於戎翟之間，不敢怠業。時序其德，纂修其緒，修其訓典，朝夕恪勤，守以敦篤，奉以忠信，奕世載德，不忝前人。至於武王，昭前之光明，而加之以慈，蘇事神保民，莫不欣喜。商王帝辛，大惡於民，庶民弗忍，欣戴武王，以致戎於商牧。是先王非務武也，勤恤民隱，而除其害也。夫先王之制，邦內甸服，邦外侯服，侯衛賓服，蠻夷要服，戎翟荒服，甸服者祭，侯服者祀，賓服者享，要服者貢，荒服者王。日祭，月祀，時享，歲貢，終王先王之訓也。有不祭，則修意；有不祀，則修言；有不享，則修文；有不貢，則修名；有不王，則修德；序成而不至，則修刑。於是乎有刑不祭，伐不祀，征不享，讓不貢，告不王。於是乎有刑罰之辟，有攻伐之兵，有征討之備，有威讓之令，有文告之辭，布令陳辭，而又不至，則又增修於德，無勤民於遠。是以近無不聽，遠無不服。今自大畢、伯士之終也，犬戎氏以其職來王，天子曰：「予必以不享征之，且觀之兵。」其無乃廢先王之訓，而王幾頓乎？吾聞夫犬戎樹惇，能帥舊德，而守終純固，其有以禦我矣。王不聽，遂征之，得四白狼、四白鹿以歸。自是荒服者不至。

〔列子〕周穆王大征西戎，西

戎獻鍔鍔之劍，火浣之布，其劍長尺有咫，練銅赤刃，用之切玉，如切泥焉。火浣之布，澆之必投於火，布則火色，垢則布色，出火而振之，皓然疑乎雪。皇子以爲無此物，傳之者妄。蕭叔曰：皇子果於自信，果於誣理哉。

〔十洲記〕周

穆王時，西胡獻昆吾割玉刀，及夜光常滿杯，刀長一尺，杯受三升，刀切玉如切泥，杯是白玉之精，光明夜照，冥夕出杯於中庭，以向天，比明，而水汗已滿於杯中，汁甘而香美，斯實靈人之器。

【穆天子傳】之虛。皇帝之閭。乃□先王九觀。以詔後世。己巳。天子□征。舍于菹臺。辛未。紐菹之獸。於是白鹿一悟。乘逸出走。天子乘渠黃之乘。□焉。天子丘之。是曰五鹿。官人之□。是丘□其皮。是曰□皮。□其脯。是曰□脯。天子飲于溧水之上。官人膳鹿。獻之天子。天子美之。是曰甘。癸酉。天子南祭。白鹿于溧。□乃西。飲于草中。大奏廣樂。是曰樂人。甲戌。天子西北。□姬姓也。盛伯之子也。天子賜之上姬之長。是曰盛門。天子乃爲之臺。是曰重璧之臺。戊寅。天子東狃于澤中。逢寒疾。天子舍于澤中。盛姬告病。天子憐之。□澤曰。寒氏。盛姬求飲。天子命人取漿而給。是曰壺轡。天子西至于重璧之臺。盛姬告病。□天子哀之。是曰哀次。天子乃殯盛姬于穀丘之廟。□壬寅。天子命哭。啓爲主。祭父賓喪。天子王女叔嬖爲主。天子□賓之。命終喪禮。於是殤祀而哭。內史執策。官人□元職。會祝敷筵席。設几。盛饋具。肺鹽羹。載脯棗醢醢魚腊糗。韭百物。乃陳腥俎十二。乾豆九十。鼎敦壺尊四十器。會祝祭食。進肺鹽。祭酒。乃獻喪主伊扈。伊扈拜受。□祭女。又獻女主叔嬖。叔嬖拜受。祭。□祝報祭。觴大師。乃哭。卽位。畢哭。內史□策而哭。會祝捧饋而哭。御者□祈而哭。抗者觴夕而哭。佐者承斗而哭。佐者衣衾佩。□而哭。樂。□人陳琴瑟。□竽籥箜篌而哭。百□衆官人各□其職。事以哭。曰士女錯踊。九□乃終。喪主伊扈哭。出造舍。父兄宗姓及在位者從之。佐者哭。且徹饋。及壺鼎俎豆。衆宮人各□其職。皆哭而出。井利。□事後出而收。癸卯。大哭。殤祀而載。甲辰。天子南葬盛姬於樂池之南。天子乃命盛姬□之喪。視皇后之葬法。亦不拜後于諸侯。河濟之間共事。章穀黃城三邦之

事。輦喪。七萃之士抗者卽車。會祝先喪。大匠御棺。日月之旗。七星之文。鼓鐘以葬。龍旗以。烏以建鼓。獸以建鐘。龍以建旗。曰喪之先後。及哭踊者之間。畢有鐘旗。百物。喪器。并利典之。列于喪行。靡有不備。擊鼓以行喪。舉旗以勸之。擊鐘以止哭。彌旗以節之。曰。祀。大哭。九而終。喪出于門。喪主卽位。周室父兄子孫倍之。諸侯屬子王吏倍之。外官王屬七萃之士倍之。姬姓子弟倍之。執職之人倍之。百官衆人倍之。哭者七倍之。踊者三十行。行萃百人。女主卽位。嬖人羣女倍之。王臣姬姓之女倍之。宮官人倍之。宮賢庶妾倍之。哭者五倍。踊者次從。天子命喪一里而擊鐘止哭。曰。匠人哭于車上。會祝哭于喪。七萃之士哭于喪所。曰。小哭。錯踊三踊而行。五里而次。曰。喪三舍。至于哀次。五舍。至于重壁之臺。乃休。天子乃周姑繇之水以圍喪車。是曰。圜車。曰。殤祀之。孟冬辛亥。邢侯曹侯來弔。內史將之以見天子。天子告不豫而辭焉。邢侯曹侯乃弔太子。太子哭出廟門以迎邢侯。再拜勞之。侯不答拜。邢侯謁哭于廟。太子先哭而入。西向卽位。內史賓侯北向而立。大哭。九。邢侯厝踊三而止。太子送邢侯至廟門之外。邢侯遂出。太子再拜送之。曹侯廟弔入哭。太子送之。亦如邢侯之禮。壬子。天子具官見邢侯曹侯。天子還返。邢侯曹侯執見。拜天子之武。一天子見之。乃遣邢侯曹侯歸于其邦。王官執禮共于二侯如故。曰。天子出憲。以或綈。贈。癸丑。大哭而。甲寅。殤祀。大哭而行。喪五舍于大次。曰。喪三日于大次。殤祀如次。辛酉。大成。百物皆備。壬戌。葬。史錄繇。鼓鐘以赤下棺。七萃之士。士女踏踊九。喪下。昧爽。天子使嬖人贈用文錦明衣九領。喪宗伊扈贈用變。

裳。女主叔嬖贈用茵組。百嬖人官師畢贈。井利乃藏。報哭于大次。祥祠。祝喪罷哭。辭于遠人。爲盛姬諡。曰哀淑人。天子丘人是曰淑人之丘。乙丑。天子東征。舍于五鹿。叔嬖思哭。是曰女嬖之丘。丁卯。天子東征。釣于漯水。以祭淑人。是曰祭丘。己巳。天子東征。食馬于漯水之上。乃鼓之棘。是曰馬主。癸酉。天子南征。至于蒞臺。仲冬甲戌。天子西征。至于因氏。天子乃釣于河。以觀姑繇之木。丁丑。天子北征。戊寅。舍于河上。乃致父。兄子弟王臣姬。祥祀畢哭。終喪于囂氏。己卯。天子西濟于河。囂氏之遂。庚辰。舍于茅尺。於是禋祀除喪始樂。素服而歸。是曰素氏。天子遂西南。癸未。至于野王。甲申。天子北升于大北之陞。而降休于兩栢之下。天子永念傷心。乃思淑人盛姬。於是流涕。七萃之士。夔豫。上諫于天子。曰。自古有死有生。豈獨淑人。天子不樂。出於永思。永思有益。莫忘其新。天子哀之。乃又流涕。是日輟。己未。乙酉。天子西絕鉞陞。乃遂西南。戊子。至于鹽。己丑。天子南登于薄山。窶輪之陞。乃宿于虞。庚申。天子南征。吉日辛卯。天子入于南鄭。此

篇一別名盛姬錄。汲冢師春。周穆王姜后孕。越姬嬖。竊而育之。斃以玄鳥二七。塗以凝血。王發書而上之。光曰。蜚嬖之羽。飛集于戶。鴻之戾止。弟弗克理。重靈降誅。而復其所。王問諸史約曰。蟲飛集戶。是曰失所。惟彼小人。弗克以育君子。史良曰。是謂關親。將留其身。歸于母氏。而後護寧。册而藏之。厥休將振。居三月。越姬死。七日而復。言其情。曰。爾。夷錄也。胡竊君之子不歸。將窶爾大戮。及王子于治。述異記。周穆王時。天下連雨三月。穆王乃吹笛。其雨遂止。抱朴子。穆王南征。一軍盡化。君子爲猿爲鶴。小人爲沙爲蟲。紀年。穆王三十七年。大起九師。東至于九江。駕鼉鼉以爲梁。遂伐越。至于紆。荆人來貢。

【周書】周公云。致王制將衰。穆王因祭祖不豫。詢某守位。作祭公。王若曰。祖祭公。次予小子虔虔在位。昊天疾威。予多時溥愆。我聞祖不豫。有加。予維敬省。不弔天降疾病。予畏之威。公其告予懿德。祭公拜手稽

首曰。天子謀父疾維不瘳。朕身尙在茲。朕魂在于天。昭王之所勗。宅天命。王曰。嗚呼。公。朕皇祖文王。烈祖武王。度下國。作陳周。維皇上帝。度其心。寘之明德。付俾於四方。用應受天命。敷文在下。我亦維有若文祖周公。暨列祖召公。茲申予小子。追學於文武之蔑。周克龕紹成康之業。以將天命。用夷居之大商之衆。我亦維有若祖祭公之執。和周國。保乂王家。王曰。公稱丕顯之德。以予小子。揚文武大勳。弘成康昭考之烈。王曰。公無困我哉。俾百僚乃心。率輔弼予一人。祭公拜手稽首曰。允乃詔。畢桓于黎民般。公曰。天子謀父疾維不瘳。敢告天子。皇天改大殷之命。維文王受之。維武王大尅之。咸茂厥功。維天真文王之重用威。亦尙寬壯。厥心康受乂之。式用休。亦先王茂綏厥心。敬恭承之。維武王申大命。戡厥敵。公曰。天子自三公上下。辟于文武。文武之子孫。大開方。封于下土。天之所錫。武王時疆土。丕維周之開基。維后稷之受命。是永宅之。維我後嗣。旁建宗子。不維周之始。并嗚呼。天子三公。監于夏商之旣敗。丕則無遺後難。至于萬億年。守序終之旣畢。丕乃有利宗。丕維文王由之。公曰。嗚呼。天子。我不則寅哉。寅哉。汝無以戾反罪疾。喪時二王大功。汝無以嬖御固莊后。汝無以小謀敗大作。汝無以嬖御士疾。大夫卿士。汝無以家相亂王室。而莫恤其外。尙皆以時中。乂萬國。嗚呼。三公。汝念哉。汝無泯泯芬芬。厚顏忍醜。時維大不弔哉。昔在先王。我亦維丕以我辟險于難。不失于正。我亦以免沒我世。嗚呼。三公。子維不起朕疾。汝其皇敬哉。茲皆保之。曰。康子之攸保。勗教誨之。世祀無絕。不我周有常刑。王拜手稽首。黨言。穆王思保位爲難。恐貽世羞。欲自

警寤。作史記。維正月。王在成周。昧爽。召三公左史戎夫。曰。今朕寤。遂事驚予。乃取遂事之要戒。俾戎夫言之。朔望以聞。信不行。義不立。則哲士陵君政。禁而生亂。皮氏以亡。諂諛日近。方正日遠。則邪人專國政。禁而生亂。華氏以亡。好貨財。殄怪。則邪人因財而進。邪人因財而進。則賢良日蔽而遠。賞罰無位。隨財而行。夏后以亡。嚴兵而不仁者。其臣懼。其臣懼而不敢忠。不敢忠。則民不親其吏。刑始於親。遠者寒心。殷商以亡。樂專於君者。權專於臣。權專於臣。則刑專於民。君娛於樂。臣爭於權。民盡於刑。有虞氏以亡。奉孤以專命者。謀主必畏其威。而疑其前事。挾德而責數。日疏。位均而爭。平林以亡。大臣有錮職。誅者危。昔者質沙三卿。朝而無禮。君怒而久拘之。譁而弗加。諸卿謀變。質沙以亡。外內相閒。下撓其民。民無所附。三苗以亡。弱小在強大之間。存亡將由之。則無天命矣。不知命者死。有夏之方興也。扈氏弱而不恭。身死國亡。嬖子兩重者亡。昔義渠氏有兩子異母。皆重君病。大臣分黨而爭。義渠以亡。功大不賞者危。昔平州之功大而不賞。諂臣日賞。貴功日怒。而生變。平州之君以走出。召遠不親者危。昔有林氏。召離戎之君而朝之。至而不禮。留而弗親。離戎逃而去之。林氏誅之。天下叛林氏。昔者曲集之君。伐智而專事。強力而下賤。其臣賢良皆伏。榆州氏伐之。君孤而無使。曲集以亡。昔者有巢氏。有亂臣而貴。任之以國。假之以權。擅國而主斷。君已而奪之。臣怒而生變。有巢以亡。斧小不勝柯者亡。昔有郟之君。齋儉。減爵損祿。羣臣卑讓。上下不臨。後君少弱。禁伐不行。重氏伐之。郟君以亡。久空重位者危。昔有共工自賢。自以無臣。久空大官。下官交

亂民無所附。唐氏伐之。共工以亡。犯難爭攘。疑者死。昔有林氏。上衡氏爭權。林氏再戰弗勝。上衡氏僞義弗尅。俱身死國亡。知能均而不親。竝重事君者危。昔有南氏。有二臣貴寵。力均勢敵。競進爭權。下爭朋黨。君弗禁。南氏以分。昔有果氏。好以新易故。故者疾怨。新故不和。內爭朋黨。陰事外權。有果氏以亡。爵重祿輕。比已不成者亡。昔有畢程氏。損祿增爵。羣臣貌匱。比而戾民。畢程氏以亡。好變故易常者亡。昔陽氏之君。自伐而好變。事無故業。官無定位。民運於下。陽氏以亡。業刑而愎者危。昔穀平之君。愎類無親。破國弗尅。業刑用國。外國相援。穀平以亡。武不止者亡。昔阪泉氏用兵無已。誅戰不休。并兼無親。文無所立。智士寒心。徙居至于獨鹿。諸侯叛之。阪泉以亡。佞而無親者亡。昔者縣宗之君。佞而無聽。執事不從。宗職者疑。發大事。羣臣解體。國無立功。縣宗以亡。昔者玄都。賢鬼道。廢人事天。謀臣不用。龜策是從。神巫用國。哲士在外。玄都以亡。文武不行者亡。昔西夏性仁。非兵。城郭不修。武士無位。惠而好賞。屈而無以賞。唐氏伐之。城郭不守。武士不用。西夏以亡。美女破國。昔者續陽。強力。四征重丘。遺之美女。續陽之君說之。熒惑不治。大臣爭權。遠近不相聽。國分爲二。宮室破國。昔者有洛氏。宮室無常。池囿廣大。工巧日進。以後更前。民不得休。農失其時。飢饉無食。成湯伐之。有洛以亡。○用前編校本。王化雖弛。天命方永。四夷八蠻。攸遵王政。作職

方。○卽周官職方氏。穆王錄以時書也。文不復載。

【書】惟呂命。王享國百年。耄荒。度作刑以詰四方。王曰。若古有訓。蚩尤惟始作亂。延及于平民。罔不寇賊。

鳴義姦宄。奪攘矯苗。虔民弗用靈。制以刑。惟作五虐之刑。曰法。殺戮無辜。爰始淫爲劓。刵。椽。黥。越茲麗刑。并制。罔差有辭。民興胥漸。泯泯焚焚。罔中于信。以覆詛盟。虐威庶戮。方告無辜于上。上帝監民。罔有馨香。德刑發聞。惟腥。皇帝哀矜庶戮之不辜。報虐以威。遏絕苗民。無世在下。乃命重黎。絕地天通。罔有降格。羣后之逮在下。明明棗常。繆寡無蓋。皇帝清問下民。繆寡有辭于苗。德威惟畏。德明惟明。乃命三后。恤功于民。伯夷降典。折民惟刑。禹平水土。主名山川。稷降播種。農殖嘉穀。三后成功。惟殷于民。士制百姓于刑之中。以教祗德。穆穆在上。明明在下。灼于四方。罔不惟德之勤。故乃明于刑之中。率乂于民。棗彝典獄。非訖于威。惟訖于富。敬忌罔有擇言在身。惟克天德。自作元命。配享在下。王曰。嗟。四方司政典獄。非爾惟作天牧。今爾何暨。非時伯夷播刑之迪。其今爾何懲。惟時苗民匪察于獄之麗。罔擇吉人。觀于五刑之中。惟時烝威奪貨。斷制五刑。以亂無辜。上帝不譴。降咎于苗。苗民無辭于罰。乃絕厥世。王曰。嗚呼。念之哉。伯父。伯兄。仲叔。季弟。幼子。童孫。皆聽朕言。庶有格命。今爾罔不由慰。日勤。爾罔或戒不勤。天齊于民。俾我一日。非終惟終。在人。爾尙敬逆天命。以奉我一人。雖畏勿畏。雖休勿休。惟敬五刑。以成三德。一人有慶。兆民賴之。其寧惟永。王曰。吁。來。有邦有土。告爾祥刑。在今爾安百姓。何擇非人。何敬非刑。何度非及。兩造具備。師聽五辭。五辭簡孚。正于五刑。五刑不簡。正于五罰。五罰不服。正于五過。五過之疵。惟官。惟反。惟內。惟貨。惟來。其罪惟均。其審克之。五刑之疑有赦。五罰之疑有赦。其審克之。簡孚有衆。惟貌有稽。無簡不聽。具嚴天威。

墨辟疑赦。其罰百鍰。閱實其罪。劓辟疑赦。其罰惟倍。閱實其罪。剕辟疑赦。其罰倍差。閱實其罪。宮辟疑赦。其罰六百鍰。閱實其罪。大疑疑赦。其罰千鍰。閱實其罪。墨罰之屬千。劓罰之屬千。剕罰之屬五百。宮罰之屬三百。大辟之罰。其屬二百。五刑之屬三千。上下比罪。無僭亂辭。勿用不行。惟察惟法。其審克之。上刑適輕。下服。下刑適重。上服。輕重諸罰。有權。刑罰世輕世重。惟齊非齊。有倫有要。罰懲非死。人極于病。非佞折獄。惟良折獄。罔非在中。察辭于差。非從惟從。哀敬折獄。明啓刑書。胥占。咸庶中正。其刑其罰。其審克之。獄成而孚。輸而孚。其刑上備。有并兩刑。王曰。嗚呼。敬之哉。官伯族姓。朕言多懼。朕敬于刑。有德惟刑。今天相民。作配在下。明清于單辭。民之亂。罔不中聽。獄之兩辭。無或私家于獄之兩辭。獄貨非寶。惟府辜功。報以庶尤。永畏惟罰。非天不中。惟人在命。天罰不極。庶民罔有令政在于天下。王曰。嗚呼。嗣孫。今往何盥。非德于民之中。尙明聽之哉。哲人惟刑。無疆之辭。屬于五極。咸中有慶。受王嘉師。監于茲祥刑。

呂刑

〔書序〕呂命。穆王訓夏贖刑。作

【史記】諸侯有不睦者。甫侯言于王。作修刑辟。命曰甫刑。穆王立五十五年崩。子共王瓘扈立。○已下附共王滅密。

【國語】恭王游于涇上。密康公從。有三女奔之。其母曰。必致之於王。夫獸三爲羣。人三爲衆。女三爲粲。王田不取羣。公行下衆。王御不參一族。夫粲美之物也。衆以美物歸女。而何德以堪之。王猶不堪。況爾小醜。小醜備物。終必亡。康公弗獻。一年。王滅密。〔帝王世紀〕共王能庇昭穆之闕。故春秋稱之。

周道微缺。自昭王始。魯人弑君而不能討。王綱爲不振矣。南征不復。諱而不告。荆楚爲患。亦由此起。穆王懲其禍敗。闕文武之道。缺求賢自輔。命君牙爲大司徒。伯冏爲大僕正。史以爲初政也。國旣復寧。海內晏安。王其有侈心乎。乃用造父爲御。駕八駿以佚遊。向所謂慎簡僕從。無昵儉人者。躬言之而躬自蹈之。不知伯冏猶在職乎否也。顧世所傳穆王事。多夸誕過實。列子之寓言。穆傳之附會。固不足信。史稱造父御王巡狩。見西王母。徐偃王反。日馳千里馬。攻破之。豈王之貳車。遂足以制勝。抑六師之衆咸有此捷足哉。史不錄於周本紀。亦不過雜采異說以傳疑。左氏述楚子革之言曰。昔穆王欲肆其心。周行天下。將皆必有車轍馬跡焉。祭公謀父作祈招之詩。以止王心。王是以獲沒於祗宮。其詩曰。祈招之惰惰。式昭德音。思我王度。式如玉。式如金。形民之力。而無醉飽之心。欲者未然之謀也。將者未然之事也。抑或穆王西征犬戎。祭公諫而不聽。更欲遠遊。聞祈招之詩而遂止。故前編以冏命爲穆王中年改悔之書。當在祭公進詩後也。及其暮年。作贖刑以詰四方。雖因世變更法制。而哀矜惻怛。猶有三代遺風焉。孔子於成康之後。特存穆王之三書。蓋有取乎穆王也。其始能因亂警惕。其中能遷善改過。其終能敬慎祥刑。雖非全德。抑亦有周之令主乎。

釋史卷二十七

三代第十七

宣王中興

【史記】共王崩。子懿王薨立。〔紀年〕懿王名堅。元年。天再旦于鄭。○大紀云。王室始衰。徙都槐里。懿王之時。王室遂衰。詩人作刺。

【漢書】懿王時。王室遂衰。戎狄交侵。暴虐中國。中國被其苦。詩人始作疾而歌之。曰。靡家靡室。玃允之故。

豈不日戒。玃允孔棘。○據此。采薇爲懿王之詩矣。○沈約曰。懿王之世。與居無節。號令不時。擊壺氏不能共其職。諸侯於是搆德。

【史記】懿王崩。共王弟辟方立。是爲孝王。〔紀年〕孝王七年冬。大雨雹。江漢冰。牛馬死。是年。厲王生。孝王崩。諸侯復立懿王太子燮。

是爲夷王。○按禮記。王始下堂而見諸侯。〔紀年〕夷王二年。蜀人呂人來獻瓊玉。寶于河。用介珪。六年。王獵于杜林。獲犀牛一以歸。七年。虢公帥師伐太原之戎。至于俞泉。獲馬千匹。冬。雨雹。大如礪。八年。王有疾。諸侯祈于山川。王陟。

〔帝王世紀〕夷王十六年崩。夷王崩。子厲王胡立。

【詩】民亦勞止。汙可小康。惠此中國。以綏四方。無縱詭隨。以謹無良。式遏寇虐。憚不畏明。柔遠能邇。以定

我王。民亦勞止。汙可小休。惠此中國。以爲民逯。無縱詭隨。以謹悛恂。式遏寇虐。無俾民憂。無棄爾勞。以爲

王休。民亦勞止。汙可小息。惠此京師。以綏四國。無縱詭隨。以謹罔極。式遏寇虐。無俾作慝。敬慎威儀。以近

有德。民亦勞止。汙可小惕。惠此中國。俾民憂泄。無縱詭隨。以謹醜厲。式遏寇虐。無俾正敗。戎雖小子。而式

弘大民亦勞止。汔可小安。惠此中國。國無有殘。無縱詭隨。以謹繡絳。式遏寇虐。無俾正反。王欲玉女。是用大諫。上帝板板。下民卒瘡。出話不然。爲猶不遠。靡聖管管。不實於亶。猶之未遠。是用大諫。天之方難。無然憲憲。天之方蹶。無然泄泄。辭之輯矣。民之洽矣。辭之懌矣。民之莫矣。我雖異事。及爾同僚。我卽爾謀。聽我囂囂。我言維服。勿以爲笑。先民有言。詢于芻蕘。天之方虐。無然譴譴。老夫灌灌。小子躑躑。匪我言耄。爾用憂譴。多將熇熇。不可救藥。天之方憐。無爲夸毗。威儀卒迷。善人載尸。民之方殿屎。則莫我敢葵。喪亂蔑資。曾莫惠我師。天之牖民。如璫如篚。如璋如圭。如取如攜。攜無曰益。牖民孔易。民之多辟。無自立辟。佻人維藩。大師維垣。大邦維屏。大宗維翰。懷德維寧。宗子維城。無俾城壞。無獨斯畏。敬天之怒。無敢戲豫。敬天之渝。無敢馳驅。昊天曰明。及爾出王。昊天曰旦。及爾遊衍。蕩蕩上帝。下民之辟。疾威上帝。其命多辟。天生烝民。其命匪諶。靡不有初。鮮克有終。文王曰咨。咨女殷商。曾是疆禦。曾是培克。曾是在位。曾是在服。天降愆德。女興是力。文王曰咨。咨女殷商。而秉義類。疆禦多懟。流言以對。寇攘式內。侯作侯視。靡屆靡究。文王曰咨。咨女殷商。女炁然于中國。斂怨以爲德。不明爾德。時無背無側。爾德不明。以無陪無卿。文王曰咨。咨女殷商。天不湏爾以酒。不義從式。旣愆爾止。靡明靡晦。式號式呼。俾晝作夜。文王曰咨。咨女殷商。如蠲如沸。如羹如羹。小大近喪。人尙乎由行。內罔于中國。覃及鬼方。文王曰咨。咨女殷商。匪上帝不時。般不用舊。雖無老成人。尙有典刑。曾是莫聽。大命以傾。文王曰咨。咨女殷商。人亦有言。顛沛之揭。枝葉未有害。本

實先播般鑿不遠。在夏后之世。苑彼桑柔。其下侯甸。將采其劉。瘼此下民。不殄心憂。倉兄填兮。倬彼昊天。寧不我矜。四牡騤騤。旃旐有翩。亂生不夷。靡國不泯。民靡有黎。具禍以燼。於乎有哀。國步斯頻。國步蔑資。天不我將。靡所止疑。云徂何往。君子實維。秉心無競。誰生厲階。至今爲梗。憂心慙慙。念我土宇。我生不辰。逢天俾怒。自西徂東。靡所定處。多我覲瘡。孔棘我圍。爲謀爲毖。亂況斯削。告爾憂恤。誨爾序爵。誰能執熱。逝不以濯。其何能淑。載胥及溺。如彼遼風。亦孔之僂。民有肅心。非云不逮。好是稼穡。力民代食。稼穡維寶。代食維好。天降喪亂。滅我立王。降此盍賊。稼穡卒瘁。哀恫中國。具贅卒荒。靡有旅力。以念穹蒼。維此惠君。民人所瞻。秉心宣猶。考慎其相。維彼不順。自獨俾臧。自有肺腸。俾民卒狂。瞻彼中林。甡甡其鹿。朋友已譖。不胥以穀。人亦有言。進退維谷。維此聖人。瞻言百里。維彼愚人。覆狂以喜。匪言不能。胡斯畏忌。維此良人。弗求弗迪。維彼忍心。是顧是復。民之貪亂。寧爲荼毒。大風有隧。有空大谷。維此良人。作爲式穀。維彼不順。征以中垢。大風有隧。貪人敗類。聽言則對。誦言如醉。匪用其良。覆俾我悖。嗟爾朋友。予豈不知。而作如彼。飛蟲時亦弋獲。旣之陰女。反予來赫。民之罔極。職涼善背。爲民不利。如云不克。民之回遹。職競用力。民之未戾。職盜爲寇。涼曰不可。覆背善詈。雖曰匪予。旣作爾歌。(詩序)民勞。召穆公刺厲王也。板。凡伯刺厲王之末戾。職盜爲寇。涼曰不可。覆背善詈。雖曰匪予。旣作爾歌也。蕩。召穆公傷周室大壞也。厲王無道。天下蕩蕩。無綱紀文章。故作是詩也。桑柔。芮伯刺厲王也。○鄭譜以小雅十月之交。兩無正。小旻。小宛。此四篇爲刺厲王之詩。序旣不然。今仍從序。

【周書】芮伯稽古作訓。納王于善。暨執政。小臣咸省厥躬。作芮良夫。芮伯若曰。予小臣良夫。稽道謀告。予

惟民父母致厥道。無遠不服。無道。左右臣妾乃違。民歸于德。德則民戴。否則民讎。茲言允効于前。不遠。商紂不道。夏桀之虐。肆我有家。嗚呼。惟爾天子。嗣文武業。惟爾執政小子。同先王之臣。昏行。顧道。王不若。專利作威。佐亂進禍。民將弗堪。治亂信乎其行。惟王暨爾執政小子。攸聞。古人求多聞以監戒。不聞。是惟弗知。后除民害。不惟民害。害民。乃非后。惟其讎。后作類。后弗類。民不知后。惟其怨。民至億兆。后一而已。寡不敵衆。后其危哉。嗚呼。如之。今爾執政小子。惟以貪諛爲事。不勲德以備難。下民胥怨。財單竭。手足靡措。弗堪戴。上不其亂。而以予小臣良夫。觀天下有土之君。厥德不遠。罔有代德。時惟王之患。其惟國人。嗚呼。惟爾執政朋友小子。其惟洗爾心。改爾行。克憂往愆。以保爾居。爾乃曠禍翫。遂弗悛。余未知王之所定。矧乃。惟禍發於人之攸忽。於人之攸輕。不存焉。變之攸伏。爾執政小子。不圖善。偷生苟安。爵以賄成。賢智箝口。小人鼓舌。逃害要利。竝得厥求。唯曰哀哉。我聞曰。以言取人。人飾其言。以行取人。人竭其行。飾言無庸。竭行有戒。惟爾小子。飾言事王。寔蕃有徒。王貌受之。終弗獲用。面相誣蒙。及爾顛覆。爾自謂有餘。予謂爾弗足。敬思以德。備乃禍難。難至而悔。悔將安及。無曰予爲惟爾之禍。

【國語】厲王說榮夷公。芮良夫曰。王室其將卑乎。夫榮公好專利而不知大難。夫利。百物之所生也。天地之所載也。而或專之。其害多矣。天地百物。皆將取焉。胡可專也。所怒甚多。而不備大難。以是教王。王能久乎。夫王者。將導利而布之。上下者也。使神人百物。無不得其極。猶日。怵惕懼怨之來也。故頌曰。思文后

稷克配彼天。立我烝民。莫匪爾極。大雅曰。陳錫載周。是不布利而懼難乎。故能載周。以至於今。今王學專

利。其可乎。匹夫專利。猶謂之盜。王而行之。其歸鮮矣。榮公若用。周必敗。既榮公爲卿士。諸侯不享。王流于

彘。〔史記〕厲王卽位三十年。好利。近榮夷公。大夫。厲王虐。國人謗王。召公告王曰。民不堪命矣。王怒。得衛巫。使

監謗者。以告。則殺之。〔史記〕其謗鮮矣。諸侯不朝。三十四年。王益嚴。國人莫敢言。道路以目。王喜。告召公曰。吾能弭謗矣。乃不敢

言。召公曰。是鄣之也。防民之口。甚於防川。川壅而潰。傷人必多。民亦如之。是故爲川決之使導。爲民者宜

之使言。故天子聽政。使公卿至於列士獻詩。警獻典。史獻書。師箴。瞽賦。矇誦。百工諫。庶人傳語。近臣盡規。

親戚補察。瞽史教誨。耆艾修之。而後王斟酌焉。是以事行而不悖。民之有口也。猶土之有山川也。財用於

是乎出。猶其有原隰衍沃也。衣食於是乎生。口之宣言也。善敗於是乎興。行善而備敗。所以阜財用衣食

者也。夫民慮之於心。而宣之於口。成而行之。胡可壅也。若壅其口。其與能幾何。王弗能。於是國人莫敢出

言。三年。乃流王於彘。〔史記〕於是國莫敢出言。三年。乃相與畔。襲厲。厲王出奔於彘。厲王太子靜。匿召公之家。彘之亂。宣王在召公之宮。國人圍之。召

公曰。昔吾驟諫。王不從。以及此難。今殺王子。王其以我爲慙而怒乎。夫事君者。險而不慙。怨而不怒。況

事王乎。乃以其子代宣王。宣王長而立之。

【史記】太子竟得脫。召公周公二相行政。號曰共和。共和十四年。厲王死于彘。太子靜長於召公家。二相

乃共立之爲王。是爲宣王。

【魯連子】衛州共城縣。本周共伯之國也。共伯名和。好行仁義。諸侯賢之。周厲王無道。國人作難。王奔于
 甌。諸侯奉和以行天子事。號曰共和元年。十四年。厲王死于甌。共伯使諸侯奉王子靖為宣王。而共伯復
 歸國于衛也。〔呂氏春秋〕共伯和修其行。好賢仁。而海內皆以來為稽矣。周厲之難。天子曠紀。而天下皆來請矣。〔紀
 年〕共伯于王位。沈約注云。大旱既久。廩舍俱焚。會汾王廟。卜于太陽。兆曰。厲王為崇。周公召公乃
 立太子靖共。和遂歸國。和有至德。尊之不喜。廢之怒。遺逸得志於共山之首。○
 莊子稱共伯得乎共首。亦指此也。諸書多言共伯和。史記獨言周召共政。未知孰是。

【史記】宣王即位。二相輔之。修政法。文武成康之遺風。諸侯復宗周。

【漢書】宣王興師命將。詩人美大其功。曰薄伐獫狁。至于太原。出車彭彭。城彼朔方。是時四夷賓服。稱為
 中興。○引詩。前二句見六月篇。後二句見出車篇。是出車亦宣王詩也。然史記匈奴列傳
 又以二詩在襄王之時。所未聞也。〔宋符瑞志〕白狼。宣王得之。而犬戎服。

【詩】六月。棲棲戎車。既飭四牡。駸駸載是常服。玁狁孔熾。我是用急。王于出征。以匡王國。比物四驥。閑之
 維則。維此六月。既成我服。我服既成。于三十里。王于出征。以佐天子。四牡修廣。其大有顛。薄伐玁狁。以奏
 膚公。有嚴有翼。共武之服。共武之服。以定王國。玁狁匪茹。整居焦穫。侵鎬及方。至于涇陽。織文鳥章。白旆
 央央。元戎十乘。以先啓行。戎車既安。如輕如軒。四牡既佶。既佶且閑。薄伐玁狁。至于大原。文武吉甫。萬邦
 為憲。吉甫燕喜。既多受祉。來歸自鎬。我行永久。飲御諸友。魚鼈膾鯉。侯誰在矣。張仲孝友。薄言采芑。于
 彼新田。于此舊畝。方叔涖止。其車三千。師干之試。方叔率止。乘其四騏。四騏翼翼。路車有奭。簟簟魚服。鉤
 膺鞶革。薄言采芑。于彼新田。于此中鄉。方叔涖止。其車三千。旂旐央央。方叔率止。約軫錯衡。八鸞瑯瑯。服

其命服。朱芾斯皇。有瑋蔥珩。說彼飛隼。其飛戾天。亦集爰止。方叔涖止。其車三千。師干之試。方叔率止。鉦人伐鼓。陳師鞠旅。顯允方叔。伐鼓淵淵。振旅闐闐。蠢爾蠻荆。大邦爲讎。方叔元老。克壯其猶。方叔率止。執

訊獲醜。戎車嘽嘽。嘽嘽焯焯。如霆如雷。顯允方叔。征伐玁狁。蠻荆來威。（詩序）六月，宣王北伐也。鹿鳴廢，則

者華廢，則忠信缺矣。常棣廢，則兄弟缺矣。伐木廢，則朋友缺矣。天保廢，則福祿缺矣。采芣廢，則征伐缺矣。出車廢，則功力缺矣。杕杜廢，則師衆缺矣。魚麗廢，則法度缺矣。南陔廢，則孝友缺矣。白華廢，則廉恥缺矣。華黍廢，則

蓄積缺矣。由庚廢，則陰陽失其道理矣。南有嘉魚廢，則賢者不安。下不得其所矣。崇丘廢，則萬物不遂矣。南山有臺廢，則爲國之基除矣。由儀廢，則萬物失其道理矣。蓼蕭廢，則恩澤乖矣。湛露廢，則萬國離矣。彤弓廢，則諸夏衰矣。

菁菁者莪廢，則無禮儀矣。小雅盡廢，則四夷交侵。中國徵矣。采芣，宣王南征也。薛君章句元戎、大戎，謂兵車也。車有大戎十乘，謂車綬輪，馬被甲，衡扼之上，盡有劍戟，名曰陷軍之車。所以冒突先啓敵家之行伍也。韓詩

傳，佩玉上有蔥衡，下有雙瑣，衡牙螻珠，以納其間。江漢浮浮。武夫滔滔。匪安匪遊。淮夷來求。既出我車。既設我旗。匪安匪舒。淮夷

來鋪。江漢湯湯。武夫洸洸。經營四方。告成于王。四方既平。王國庶定。時靡有爭。王心載寧。江漢之漭。王命

召虎。式辟四方。徹我疆土。匪疚匪棘。王國來極。于疆于理。至于南海。王命召虎。來旬來宣。文武受命。召公

維翰。無曰予小子。召公是似。肇敏戎公。用錫爾祉。釐爾圭鬯。秬鬯一卣。告于文人。錫山土田。于周受命。自

召祖命。虎拜稽首。天子萬年。虎拜稽首。對揚王休。作召公考。天子萬壽。明明天子。令聞不已。矢其文德。洽

此四國。赫赫明明。王命卿士。南仲大祖。大師皇父。整我六師。以修我戎。既敬既戒。惠此南國。王謂尹氏。

命程伯休父。左右陳行。戒我師旅。率彼淮浦。省此徐土。不留不處。三事就緒。赫赫業業。有嚴天子。王舒保

作。匪紹匪遊。徐方釋騶。震驚徐方。如雷如霆。徐方震驚。王奮厥武。如震如怒。進厥虎臣。闕如虓虎。鋪敦淮

潰仍執醜虜。截彼淮浦。王師之所。王旅暉暉。如飛如翰。如江如漢。如山之苞。如川之流。緜緜翼翼。不測不克。濯征徐國。王猶允塞。徐方既來。徐方既同。天子之功。四方既平。徐方來庭。徐方不回。王曰還歸。〔詩序〕漢尹吉甫美宣王也。能興衰撥亂。命召公平淮夷。常武。召穆公美宣王也。有常德以立武事。因以爲戒然。崧高維嶽。駿極于天。維嶽降神。生甫及申。維申及甫。維周之翰。四國于蕃。四方于宣。暨暨申伯。王纘之事。于邑于謝。南國是式。王命召伯。定申伯之宅。登是南邦。世執其功。王命申伯。式是南邦。因是謝人。以作爾庸。王命召伯。徹申伯土田。王命傅御。遷其私人。申伯之功。召伯是營。有俶其城。寢廟既成。既成藐藐。王錫申伯。四牡騶騶。鈎膺濯濯。王遣申伯。路車乘馬。我圖爾居。莫如南土。錫爾介圭。以作爾寶。往近王舅。南土是保。申伯信邁。王餞于郟。申伯還南。謝于誠歸。王命召伯。徹申伯土疆。以峙其糧。式遏其行。申伯番番。既入于謝。徒御暉暉。周邦咸喜。戎有良翰。不顯申伯。王之元舅。文武是憲。申伯之德。柔惠且直。揉此萬邦。聞于四國。吉甫作誦。其詩孔碩。其風肆好。以贈申伯。天生烝民。有物有則。民之秉彝。好是懿德。天監有周。昭假于下。保茲天子。生仲山甫。仲山甫之德。柔嘉維則。令儀令色。小心翼翼。古訓是式。威儀是力。天子是若。明命使賦。王命仲山甫。式是百辟。纘戎祖考。王躬是保。出納王命。王之喉舌。賦政于外。四方爰發。肅肅王命。仲山甫將之。邦國若否。仲山甫明之。既明且哲。以保其身。夙夜匪解。以事一人。人亦有言。柔則茹之。剛則吐之。維仲山甫。柔亦不茹。剛亦不吐。不侮矜寡。不畏強禦。人亦有言。德輶如毛。民鮮克舉之。我儀圖之。維仲山甫。舉之。愛莫助之。衮職有闕。維仲山甫。補之。仲

山甫出祖。四牡業業。征夫捷捷。每懷靡及。四牡彭彭。八鸞鏘鏘。王命仲山甫。城彼東方。四牡騤騤。八鸞啾啾。仲山甫徂齊。式遄其歸。吉甫作誦。穆如清風。仲山甫永懷。以慰其心。奕奕梁山。維禹甸之。有倬其道。韓侯受命。王親命之。續戎祖考。無廢朕命。夙夜匪解。虔共爾位。朕命不易。翰不庭方。以佐戎辟。四牡奕奕。孔修且張。韓侯入覲。以其介圭。入覲于王。王錫韓侯。淑旂綏章。簞第錯衡。玄衮赤舄。鉤膺鏤錫。鞞鞞淺幘。繡革金厄。韓侯出祖。出宿于屠。顯父餞之。清酒百壺。其殽維何。包鼈鮮魚。其蔌維何。維筍及蒲。其贈維何。乘馬路車。籩豆有且。侯氏燕胥。韓侯取妻。汾王之甥。蹶父之子。韓侯迎止。于蹶之里。百兩彭彭。八鸞鏘鏘。不顯其光。諸娣從之。祁祁如雲。韓侯顧之。爛其盈門。蹶父孔武。靡國不到。爲韓姑相攸。莫如韓樂。孔樂韓土。川澤訐訐。魴鱖甫甫。麀鹿嘯嘯。有熊有羆。有貓有虎。慶旣令居。韓姑燕譽。溥彼韓城。燕師所完。以先祖受命。因時百蠻。王錫韓侯。其追其貊。奄受北國。因以其伯。實墉實壑。實畝實籍。獻其貔皮。赤豹黃熊。

〔詩序〕

崧高。尹吉甫美宣王也。天下復平。能建國親諸侯。褒賞申伯焉。 烝民。尹吉甫美宣王也。任賢使能。周室中興焉。 韓奕。尹吉甫美宣王也。能錫命諸侯。

【琴清英】尹吉甫子伯奇至孝。後母譖之。自投江中。衣荷帶藻。忽夢見水仙。賜其美藥。惟念養親。揚聲悲

歌。船人聞而學之。吉甫聞船人之聲。疑似伯奇。援琴作子安之操。

〔琴操〕履霜操。尹伯奇所作也。伯奇無罪。爲後母譖而見逐。乃集芟荷以爲衣。探梓花

以爲食。晨朝履霜。自傷見放。於是援琴鼓之。而作操曰。履霜兮探晨寒。考不明其心兮聽譖言。孤息別離兮摧肺肝。何辜皇天兮遭此愆。痛歿不同兮思有偏。誰能流顧兮知我冤。曲終。投河而死。伯奇放于野。宣王出遊。吉甫從。乃作歌以言感之。宣王聞之。曰。此孝子之辭也。吉甫乃求伯奇于野。而射殺後妻。○別本與前異。〔說苑〕王國子前母子伯奇。後母子伯封。後母欲其子立爲太子。說王曰。伯奇好妾。王不信。其母曰。令伯奇於後園。妾過其旁。王上臺觀

射麋豕孔庶。鹿麋雉兔。其原有旆。其戎奔奔。大車出洛。惡獸白臭。我執而勿射。多庶饗饗。君子乃樂。六

鄭作我衆。與。或作吳。或云古文澤。白。帥彼鑾車。忽速填如。秀弓孔碩。彤矢翼翼。四馬其寫。六轡沃若。徒駢

孔庶。廓騎宣博。會車載道。如徒如章。原隰陰陽。趨趨六馬。射之簇簇。有驅如虎。獸鹿如兕。怡爾多賢。循禽

奉雉。我兔允異。○廓。或作廓。鄭氏作都。博。或作搏。今按石篆似作搏。如徒之如。或作戎。我來自東。霑雨奔流。逆湧盈盈。濼隰君子。既涉我馬

流汧汧也。泊淒丞士。駕言西歸。舫舟自廓。徒駢遠維。舟以道或陰或陽。極深以戶出于水。一方丞徒。徨

止其奔。我以阻其乃事。○需雨上。古文苑有濼濼二字。洎淒二字。古文苑俱有重文。宣猷作原作周。導過我辭。攸除帥彼。阪田莽爲。世里

希微。緘緘乃啓。漆栗柞械。其拔櫬。楛庸庸鳴。條亞箬其華。何爲所旂。鼉鼉水盪。導旨樹幽。晤。○阪。舊作畔。莽。薛氏作莽。

矢具。奪舉。掌其徒。盱來或羣。或友。悉率左右。燕樂天子。來嗣王始。振復古我來。攸止。○章氏云。旅字下磨滅二字。施氏云。左下有

駿字。盱。鄭氏音吁。薛氏作肝。非。彼走驕。驕馬庶哲。哲華華雉。龟位多庶。微我師氏。憲憲文武。可其一之。我水既淨。

我道既平。我行既止。嘉樹則里。天子永寧。日惟丙申。旭旭杲杲。我其旁導。乘馬既迪。穢夏康康。駕彼四黃。

左驂。駮駮。右驂。駮駮。戢戟以奕。汝不執德。旛翰黎黎。旛旂施施。公謂大來。余及如茲。邑曷不余及。○勞。潘

叔。章氏作敕。駮。駮下潘氏作識。虞人憐亟。朝夕傲惕。載西載北。勿掩勿伐。若而出奇。進獻用特。歸格藝祖。告于大祝。禘

嘗受享。致其方藝。寓逢中囿。孔庶鹿麋。原隰既坦。疆理既歸。大田不搜。君子何求。有謀有始。周爰止。于是

○若、或云畢字·歸·或作蕃·
鄭氏云·卽曠字·○右今文·



釋文

避車既工避馬既同避車既致

避馬既駢君子員遽員旂鹿鹿

速君子之求絳齒弓=茲呂寺

避敵其時其來趨=趨=變=

卽避卽時鹿越=其來大空

避敵其機其來趨=射其綱蜀

右一·○薛尙功作第八·鄭樵作第

三·施宿作第一·今從施·讀法音

訓已見今文·餘放此·文六十六

·重文十·共七十六字·二十九句·

按元至元中潘迪音訓云·齒上闕

孫字·趙上闕來字·今全闕者五字


·半闕者三字·餘皆可辨識·諸家

孫作緘·趙作速·此其不同也·



併歐沔 = 沔 澗 澗 澗 澗 澗 澗
 君子澗出澗 = 又 鯉 其 序 澗 =
 帛魚鯉 = 其 鯉 氏 鮮 黃 帛 其 鯉
 又 鯉 又 鯉 其 胡 孔 糜 繼 出 澗 =
 澗 = 澗 = 其 魚 佳 可 佳 鯉 佳 鯉
 可以 澗 里 佳 楊 及 柳

右二·○薛作第五·鄭作第一·施
 作第二· 文六十一·重文七·共
 六十八字·一十七句· 按潘氏音
 訓云· 出上闕卜字· 澗字無重文·
 十鼓中唯此完好· 今全闕者十五字
 · 半闕者十二字· 稍見者三字· 諸
 家 實 有 重 文 ·



田車孔安鑿勒駉 = 六帶既簡左

鑿鑿 = 右鑿鑿 = 避呂鑿于鑿避

戎止陟宮車其寫秀弓等取鑿家

孔戾鹿鹿雉兔其鑿有旆其戎鑿

= 大車出各亞獸白吳避執而勿

取多戾鑿 = 君子道樂

○右三·薛作第三·鄭作第四·施

亦作第三·文六十九·重文五·

共七十四字·一十八句 按潘氏音

訓云·勒下偏旁從馬·當有重文作

駉駉·六帶·作避衆避下闕戎字·


其下闕戎字·鑿下闕重文·大下闕

車字·亞下闕獸白字·吳下闕避字

·今全闕者七字·半闕者六字·稍

見者一字·勒既半闕·下頗不類馬

旁·世訓爲止·亦未必然也·



帥見變車藝軟真如秀弓孔碩

形矢裂 = 四馬其爲六機沃若

往驥孔度廊驕霍博樹車甄術

如益如章遜濇陰陽趁 = 六馬

故里燮 = 又驅如虎獸鹿如蒙

台瀾多賢迎禽蠟雉避兔尤異

右四。○辭作第四。鄭作第五。施

亦作第四。文六十九。重文三。

共七十二字。一十八句。按潘氏

音訓。首闕帥屢二字。眞下闕如秀

二字。矢下闕沃若二字。廊下闕騎


字。博作搏。如韜之如作戎。矚下

闕又驅二字。如下闕蒙台邈三字。

禽下闕蠟雉避兔四字。今全闕者二

十一字。半闕者十五字。稍見者四

字。



邇來自東歸雨奔嶽逆湧盈 =

深溼君子既夢避馬嶽汧 = 隄

洎淒番士駟言齒遠方舟自隴

狂驪遠 = 佳舟以術或陰或陽

極淡以戶出于水一方務狂遠

止其奔避以且其適夷

右五·○辭作第九·鄭作第八·施

作第五·文六十六·重文三·共

六十九字·一十六句·按潘氏音

訓·猶有嶽深自隴狂驪佳舟陰或陽

于水其夷等字·今全闕者四十六字

·半闕者二字·稍見者七字·古文

苑論雨上有覆蔭二字·泊淒俱有重


文·諸家驪·作驪·古文苑作其奔

其款·

首	鑿	象	正	機	樂	猗	蕤	除	欒	猗
	鑿	象	正	機	樂	猗	蕤	除	欒	猗
	鑿	象	正	機	樂	猗	蕤	除	欒	猗
	鑿	象	正	機	樂	猗	蕤	除	欒	猗
	鑿	象	正	機	樂	猗	蕤	除	欒	猗

實猗乍過乍周每種我弱彼除
 帥見阪田蕤爲世里希微猗 =
 道圖泰桑柞械其拔機倍福鳴
 銘亞鑿其琴可爲所旂鑿 = 水
 鑿軍言數茲音

右六・○醉作第七・鄭作第二・施
 作第六・文五十二・重文三・共
 五十五字 按潘氏音翻 飯作呀
 弄作募・猗作猗・此鼓每行僅存四
 字・而上皆闕二三字・五代之亂
 散落民間・完空以爲白・故所存者
 皆斷續不成文・今題爲鑿音字皆半
 闕・



繼靈禪 = 然而師旅真狀會同

又釋以左戎禱弓矢孔糜滔 =

是戴改夫寫矢具靈并擊其徒

奇來或羣或爰悉率左右蕤樂

天子來嗣王始饗 = 優古戎來

彼止

右七·○辭作第一·鄭作第九·施

作第七·十九·重文三·共六十


二字·一十五句·按潘氏音訓·

舊本有弓矢孔糜左驪不其寫矢具來

子來嗣王始古我來等字·後剝落·

僅存十四字·今止有四字·全好三

字·半闕一字·稍見而已·



良委駟一馬慶督 = 魯一雉飽
 大 - 多戾微我師氏憲 = 文武

可其一也

右八·○辭作第六·鄭作第七·施

作第八·文二十三·重文四·共

二十七字·按潘氏音訓云·施氏

墨本有放走驕驕馬驪督若雉立其一

之心十四字·余家舊本止微字存·

諸家無心字·今此鼓磨滅無文·


避水既淵避軍既弓避行既止

嘉數剿里天子永慶日佳丙申

旭 = 杲 = 避其勞鞞驛馬既速

敘曼康 = 駟良四黃左驂駟 =

右驂駟 = 戲載呂



羿女不執，旃旃，鞞鞞 = 森旃旃 =

公謂大來余及如茲，邑周不余及

右九·〇辭作第二·鄭作第十·施

作第九·文七十四·重文七·共

八十一字·二十句·按潘氏音訓

·衛上有避字·作雱用·鞞作鞞·

鞞作識·女作如·大來作天子·由

其字剝落·難辨定也·今全闕者二

十四字·半闕者七字·

於體屬小雅·相


傳爲太史籀書·

〔漢書〕史籀十

五篇·周宣王太

史作

大篆·



吳人恣豎時夕愍惕既爾觀北勿

窻勿伐鸞而出奇進獻用特造格

甄祖告子大祝禱嘗憂意致其方

甄寓逢事關孔戾慶鹿遷灑既坦

疆理疆 = 大田不撥君子可求又

謀又始周爰止于是

右十·○薛作第十·鄭作第六·施

作第十·文七十二·重文一·共

七十三字·一十八句·按潘氏音

訓·尙存吳人藝版載西載北二句成

文·井而用享執寧逢中關孔鹿避其

疆大求又是等字·今止一又字全·

大字小而少低·疑非全文·半闕者

六字而已

【詩】秩秩斯干。幽幽南山。如竹苞矣。如松茂矣。兄及弟矣。式相好矣。無相猶矣。似續妣祖。築室百堵。西南其戶。爰居爰處。爰笑爰語。約之閣閣。掾之橐橐。風雨攸除。鳥鼠攸去。君子攸芋。如跂斯翼。如矢斯棘。如鳥斯革。如暈斯飛。君子攸躋。殖殖其庭。有覺其楹。噲噲其正。嘖嘖其冥。君子攸寧。下莞上簟。乃安斯寢。乃寢乃興。乃占我夢。吉夢維何。維熊維羆。維虺維蛇。大人占之。維熊維羆。男子之祥。維虺維蛇。女子之祥。乃生男子。載寢之牀。載衣之裳。載弄之璋。其泣喤喤。朱芾斯皇。室家君王。乃生女子。載寢之地。載衣之裼。載弄之瓦。無非無儀。唯酒食是議。無父母詒罹。誰謂爾無羊。三百維羣。誰謂爾無牛。九十其特。爾羊來思。其角泯泯。爾牛來思。其爾濕濕。或降于阿。或飲于池。或寢或訛。爾牧來思。何簣何笠。或負其餼。三十維物。爾牲則具。爾牧來思。以薪以蒸。以雌以雄。爾羊來思。矜矜兢兢。不騫不崩。麾之以肱。畢來既升。牧人乃夢。衆維魚矣。旒維旗矣。大人占之。衆維魚矣。實維豐年。旒維旗矣。室家溱溱。〔詩序〕斯干。宣王考室也。無羊。宣王考牧也。鴻鴈于飛。肅肅其羽。之子于征。劬勞于野。爰及矜人。哀此鰥寡。鴻鴈于飛。集于中澤。之子于垣。百堵皆作。雖則劬勞。其究安宅。鴻鴈于飛。哀鳴啓啓。維此哲人。謂我劬勞。維彼愚人。謂我宣驕。〔詩序〕鴻鴈。美宣王也。萬民離散。不矜寡無不得其所焉。〔韓詩傳〕堵。四十尺。雉。二百尺。以板長八尺。接五板而爲堵。接五堵而爲雉。倬彼雲漢。昭回于天。王曰於乎。何辜今之人。天降喪亂。饑饉薦臻。靡神不舉。靡愛斯牲。圭璧既卒。寧莫我聽。旱既大甚。蘊隆蟲蟲。不殄禋祀。自郊徂宮。上下奠瘞。靡神不宗。后稷不克。上帝不臨。耗斁下土。寧丁我躬。旱既大甚。則不可推。兢兢業業。如霆如雷。周餘黎民。靡有

子遺。昊天上帝，則不我遺。胡不相畏，先祖于摧。旱既大甚，則不可沮。赫赫炎炎，云我無所。大命近止，靡瞻靡顧。羣公先正，則不我助。父母先祖，胡寧忍予。旱既大甚，滌滌山川。旱魃爲虐，如惓如焚。我心憚暑，憂心如薰。羣公先正，則不我聞。昊天上帝，寧俾我遜。旱既大甚，黽勉畏去。胡寧殫我以旱，憯不知其故。祈年孔夙，方社不莫。昊天上帝，則不我虞。敬恭明神，宜無悔怒。旱既大甚，散無友紀。鞠哉庶正，疚哉冢宰。趣馬師氏，膳夫左右。靡人不周，無不能止。瞻卬昊天，云如何里。瞻卬昊天，有嘒其星。大夫君子，昭假無贏。大命近止，無棄爾成。何求爲我，以戾庶正。瞻卬昊天，曷惠其寧。

〔詩序〕雲漢：仍叔美宣王也。宣王承厲王之烈，內有撥亂之志，遇裁而懼，側身修行，欲銷去之。天下喜於王化，復行，百姓見憂，故作是詩也。前編在六年，大紀連年書旱。

【列女傳】周宣姜后賢而有德，事非禮不言，行非禮不動。宣王常早臥晏起，后夫人不出房。姜后脫簪珥，待罪於永巷，使其傅母通言于王曰：「妾之不才，妾之淫心見矣。至使君王失禮而晏朝，以見君王樂色而忘德也。夫苟樂色，必好奢窮欲，亂之所興也。原亂之興，從婢子起，敢請婢子之罪。」王曰：「寡人不德，實自有過，非夫人之罪也。」遂復姜后而勤於政事。早朝晏退，卒成中興之名。君子謂姜后善於威儀，而有德行。夫禮，后夫人御于君，以燭進，至于君所，滅燭適房中，脫朝服，衣褻服，然後進御于君。雞鳴，樂師擊鼓以告旦。后夫人鳴佩而去。

○前編引云：卒成中興之名，爲周世宗。〔琴錄〕周宣王有琴曰鸞鳳，背銘云：牆有耳。伏寇在，是武王之遺器也。宣王每朝，姜后輒以此銘授琴奏。宣王於是益兢兢不忘。

【詩】夜如何其，夜未央。庭燎之光，君子至止。鸞聲將將，夜如何其。夜未央。庭燎晰晰，君子至止。鸞聲嘒嘒。

夜如何其。夜鄉晨。庭燎有輝。君子至止。言觀其旂。

〔書序〕庭燎。美宣王也。因以箴之。

鶴鳴于九臯。聲聞于野。魚潛于淵。或

在于渚。樂彼之園。爰有樹檀。其下維籜。他山之石。可以爲錯。鶴鳴于九臯。聲聞于天。魚在于渚。或潛在淵。

樂彼之園。爰有樹檀。其下維穀。他山之石。可以攻玉。〔詩序〕鶴鳴。誨宣王也。

【國語】宣王卽位。不藉千畝。虢文公諫曰。不可。夫民之大事在農。上帝之粢盛於是乎出。民之蕃庶於是乎生。事之共給於是乎在。蘇協輯睦於是乎興。財用蕃殖於是乎始。敦龐純固於是乎成。是故稷爲大官。古者大史順時。颺土。陽暉憤盈。土氣震發。農祥晨正。日月底于天廟。土乃脉發。先時九日。大史告稷曰。自今至于初吉。陽氣俱蒸。土膏其動。弗震弗渝。脉其滿眚。穀乃不殖。稷以告王曰。史帥陽官。以命我司事曰。距今九日。土其俱動。王其祗祓。監農不易。王乃使司徒戒公卿百吏庶民。司空除壇於藉。命農大夫戒農用。先時五日。警告有協。風至。王卽齊宮。百官御事。各卽其齊。三日。王乃淳濯饗醴。及期。鬱人薦鬯。犧人薦醴。王裸鬯饗醴。乃行。百吏庶民畢從。乃藉。后稷監之。膳夫農正陳藉禮。大史贊王。王敬從之。王耕一墾。班三之。庶人終於千畝。其后稷省功。大史監之。司徒省民。大師監之。畢。宰夫陳饗。膳宰監之。膳夫贊王。王歆大牢。班嘗之。庶人終食。是日也。鼓帥音官。以省風土。廩於藉。東南鍾而藏之。而時布之於農。稷則徧戒百姓。紀農協功。曰。陰陽分布。震雷出滯。土不備墾。辟在司寇。乃命其旅曰。徇農師一之。農正再之。后稷三之。司空四之。司徒五之。大保六之。大師七之。大史八之。宗伯九之。王則大徇。耨穫亦如之。民用莫不震

動恪恭於農。修其疆畔。日服其罽。不解於時。財用不乏。民用蘇同。是時也。王事唯農。是務。無有求利於其官。以干農功。三時務農。而一時講武。故征則有威。守則有財。若是。乃能媚於神而蘇於民矣。則享祀時至。而布施優裕也。今天子欲修先王之緒。而棄其大功。墮神之祀。而困民之財。將何以求福用民。王弗聽。○
紀附十二年。前編因之。〔紀年〕三十年。有兔舞于鎬京。三十二年。有馬化爲人。三十七年。有馬化爲狐。

【詩】沔彼流水。朝宗于海。駝彼飛隼。載飛載止。嗟我兄弟。邦人諸友。莫肯念亂。誰無父母。沔彼流水。其流湯湯。駝彼飛隼。載飛載揚。念彼不蹟。載起載行。心之憂矣。不可弭忘。駝彼飛隼。率彼中陵。民之訛言。寧莫之懲。我友敬矣。讒言其興。
〔詩序〕河水。規宣王也。〔後漢書〕王伐條戎奔戎。王師敗績。後二年。晉人敗北戎於汾隰。戎人滅姜侯之邑。明年。王征申戎。破之。〔史記〕自造父以下六世。至奄父。曰公仲。周宣王時。伐戎爲御。及于畝戰。奄父脫宣王。

【國語】三十九年。戰於千畝。王師敗績於姜氏之戎。宣王既喪南國之師。乃料民於大原。仲山父諫曰。民不可料也。夫古者不料民。而知其少多。司民協孤終。司商協名姓。司徒協旅。司寇協姦。牧協職。工協革。場協入。廩協出。是則少多死生。出入往來者。皆可知也。於是乎又審之以事。王治農於藉。蒐於農隙。耨穫亦於藉。獮於旣烝。狩於畢時。是皆習民數者也。又何料焉。不謂其少。而大料之。是示少而惡事也。臨政示少。諸侯避之。治民惡事。無以賦令。且無故而料民。天之所惡也。害於政而妨於後嗣。王卒料之。及幽王。乃廢滅。○前編料民在四十年。

【詩】祈父予王之爪牙。胡轉予于恤。靡所止居。祈父予王之爪士。胡轉予于恤。靡所底止。祈文賈不聰。胡轉予于恤。有母之尸饔。皎皎白駒。食我場苗。絜之維之。以永今朝。所謂伊人。於焉逍遙。皎皎白駒。食我場藿。絜之維之。以永今夕。所謂伊人。於焉嘉客。皎皎白駒。賁然來思。爾公爾侯。逸豫無期。慎爾優游。勉爾遁思。皎皎白駒。在彼空谷。生芻一束。其人如玉。毋金玉爾音。而有遐心。黃鳥黃鳥。無集于穀。無啄我粟。北邦之人。不我肯穀。言旋言歸。復我邦族。黃鳥黃鳥。無集于桑。無啄我梁。此邦之人。不可與明。言旋言歸。復我諸兄。黃鳥黃鳥。無集于栩。無啄我黍。此邦之人。不可與處。言旋言歸。復我諸父。我行其野。蔽芾其樗。昏姻之故。言就爾居。爾不我畜。復我邦家。我行其野。言采其葑。昏姻之故。言就爾宿。爾不我畜。言歸思復。我行其野。言采其葑。不思舊姻。求我新特。成不以富。亦祗以異。

宣王也。〔數術記遺〕周宣王時。有人採薪於郊間。歌曰。金虎入門。呼長精。吸玄泉。時人莫能知其義。老君曰。太白入鼻。兵其亂。

〔詩序〕祈父。刺宣王也。白駒。大夫刺宣王也。黃鳥。刺宣王也。我行其野。刺

【列子】公儀伯以力聞於諸侯。堂谿公言之於周宣王。王備禮以聘之。公儀伯至。觀形。懦夫也。宣王心惑而疑。曰。女之力何如。公儀伯曰。臣之力能折春蠶之股。堪秋蟬之翼。王作色曰。吾之力者。能裂犀兕之革。曳九牛之尾。猶憾其弱。女折春蠶之股。堪秋蟬之翼。而力聞天下。何也。公儀伯長息退席曰。善哉。王之問也。臣敢以實對。臣之師有商丘子者。力無敵於天下。而六親不知。以未嘗用其力故也。臣以死事之。乃告臣曰。人欲見其所不見。視人所不窺。欲得其所不得。修人所不爲。故學視者先見。興薪學聽者先聞。撞鐘

大有易於內者。無難於外。於外無難。故名不出其一家。今臣之名聞於諸侯。是臣違師之教。顯臣之能者也。然則臣之名。不以負其力者也。以能用其力者也。不猶愈於負其力者乎。周宣王之牧正。有役人梁鴛者。能養野禽獸。委食於園庭之內。雖虎狼鷓鴣之類。無不柔馴者。雌雄在前。孳尾成羣。異類雜居。不相搏噬也。王慮其術終於其身。令毛丘園傳之。梁鴛曰。鴛賤役也。何術以告爾。懼王之謂隱於爾也。且一言我養虎之法。凡順之則喜。逆之則怒。此有血氣者之性也。然喜怒豈妄發哉。皆逆之所犯也。夫食虎者。不敢以生物與之。爲其殺之之怒也。不敢以全物與之。爲其碎之之怒也。時其饑飽。達其怒心。虎之與人異類。而媚養己者。順也。故其殺之。逆也。然則吾豈敢逆之使怒哉。亦不順之使喜也。夫喜之復也。必怒。怒之復也。常喜。皆不中也。今吾心無逆順者也。則鳥獸之視吾。猶其儕也。故遊吾園者。不思高林曠澤。寢吾庭者。不願深山幽谷。理使然也。紀渚子爲周宣王養鬪雞。十日而問。雞可鬪已乎。曰。未也。方虛驕而恃氣。十日又問。曰。未也。猶應影響。十日又問。曰。未也。猶疾視而盛氣。十日又問。曰。幾矣。雞雖有鳴者。已無變矣。望之似木雞矣。其德全矣。異雞無敢應者。反走耳。

○列子大抵
寓言耳。

【說苑】左儒友於杜伯。皆臣周宣王。宣王將殺杜伯。而非其罪也。左儒爭之於王。九復之。而王弗許也。王曰。別君而異友。斯汝也。左儒對曰。臣聞之。君道友逆。則順君以誅友。友道君逆。則率友以違君。王怒曰。易而言。則生。不易而言。則死。左儒對曰。臣聞古之士。不枉義以從死。不易言以求生。故臣能明君之過。以死

杜伯之無罪。王殺杜伯。左儒死之。

【墨子】周宣王殺其臣杜伯而不辜。杜伯曰。吾君殺我而不辜。若以死者為無知。則止矣。若死而有知。不

出三年。必使吾君知之。其三年。周宣王合諸侯而田於圃田。車數百乘。從數千人。滿野。日中。杜伯乘白馬

素車。朱衣冠。執朱弓。挾朱矢。追周宣王。射入車上。中心折脊。殪車中。伏馘而死。（周春秋）周杜國之伯名為恆。為周大夫。宣王之妾曰女鵠。

欲通之。杜伯不可。女鵠訴之。宣王曰。恆竊與妾交。宣王信之。囚杜伯于魚。其友左儒爭之。九諫而王不聽。王使薛甫與與司工錡殺杜伯。左儒死之。杜伯既死。即為人見。王曰。恆之罪何哉。召祝而以杜伯語告之。祝曰。始殺杜伯。誰與王謀之。王曰。司工錡也。祝曰。何不殺錡以謝之。宣王乃殺錡。使祝以謝杜伯。司工錡為人而至。曰。臣何罪之有。宣王告皇甫曰。祝也與我謀而殺人。吾所殺者。又皆為人而見。奈何。皇甫曰。殺祝以兼謝焉。又無益也。皆為人

而至。祝亦曰。我焉知之。奈何以為罪。而殺臣也。後三年。遊于圃田。從人滿野。日中。杜伯乘白馬素車。司工錡為左。祝為右。朱衣朱冠。起於道左。執朱弓朱矢。射宣王。中心折脊。伏於弓矢而死。○國語云。杜伯射王子鄆。注引

周春秋。其文不悉。願之推冤魂志所引頗詳。

【史記】四十六年。宣王崩。子幽王宮涅立。

周自懿王之世。王室遂衰。孝王封非子為附庸。邑於秦。秦之有國自此始。夷王陵替。下堂而見諸侯。諸

侯更相侵伐。而楚僭王號於江漢之間。厲王之初立也。諸侯畏之。荆楚自去其王。三十年閒。天下無事。

周室尚可為也。乃專利恣虐。所任者榮夷。衛巫。纒公。長父之流。羣小用事。而召穆。芮伯。交諫不聽。大雅

規刺。充耳罔聞。卒致民不堪命。聚而作難。相與攻虜王。王奔於蕺。此民變之始也。蕺在河汾之間。詩

人謂之汾。王太子靜。匿召公之家。共和行政。共和云者。不知周召之共政與。抑共伯之干位與。是時天

子曠紀內難不興。外變不作。海內寧謐。謂非大臣秉國居中而善馭乎。文武成康之德澤入人深乎。垂法之可守。封建之交相持乎。宣王長而嗣位。二相輔之。勤身修敬。天下宗周。時則北伐玁狁。有文武之吉甫。南征蠻荆。有壯猶之方叔。召虎奏江漢之勳。南仲佐淮浦之烈。詩人美大其功。采芑六月諸篇。所由作也。爰命仲山甫。錫韓侯。襄申伯。修內攘外。復文武之竟土。蒐田復古。考牧築室。又能遇災知懼。側身修行。是以王道燦然。復舉成中興之烈。爲周世宗焉。從來國家之興。必起於憂危。其衰也。常由於逸豫。人主之勤惕。多生於患難。而懈怠。恆積於晏安。宣承厲王之亂。恐懼克勵。所以興也。迨其後。天下安寧。深宮晏起。宣王之志荒矣。於是不藉千畝。料民太原。立魯侯。不以適。殺杜伯。而非其罪。所爲如此。安得而不復衰。幽王繼之。不數年而君弑國亡。周遂東遷。一蹶不復起矣。夫人君撥亂反正。必百倍其功。救弊振衰。然後可以持久而宣王末政如是。其何以長世。蓋非有初之難。而克終之難也。傳曰。夷厲宣幽而貪天禍。豈無謂哉。

